

अथ सप्तमं मण्डलम् ।  
प्रथमोऽनुवाकः । सू० १-१७

(१) प्रथमं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

(१-१८) प्रथमाद्यष्टादशर्चा विराट्,

(१६-२५) एकोनविंश्यादिसप्तानाञ्च त्रिष्टुप् छन्दसी

अग्निं नरो दीर्घितिभिररगयो हस्तच्युती जनयन्त प्रशस्तम् । दूरेदृशं  
गृहपतिमथर्युम् १

तमग्निमस्ते वसवो न्यृणवन् त्सुप्रतिचक्ष्मवसे कुतश्चित् । दक्षाय्यो यो दम्  
आस नित्यः २

प्रेद्धौ अग्ने दीदिहि पुरो नो ऽजस्रया सूर्म्या यविष्ठ । त्वां शश्वन्त उप यन्ति  
वाजाः ३

प्र ते अग्नयोऽग्निभ्यो वरं निः सुवीरांसः शोशुचन्त द्युमन्तः । यत्रा नरः  
समासते सुजाताः ४

दा नो अग्ने धिया रयिं सुवीरं स्वपत्यं सहस्य प्रशस्तम् । न यं यावा तरति  
यातुमावान् ५

उप यमेति युवतिः सुदक्षं दोषा वस्तोर्हविष्मती घृताची । उप  
स्वैनमरमतिर्वसूयुः ६

विश्वा अग्नेऽपं दहाराती र्येभिस्तपोभिरदहो जरूथम् । प्र निस्वरं  
चातयस्वामीवाम् ७

आ यस्तै अग्न इधते अनीकं वसिष्ठ शुक्र दीदिवः पार्वक । उतो न एभिः  
स्तवथैरिह स्याः ८

वि ये तै अग्ने भेजिरे अनीकं मर्ता नरः पित्र्यासः पुरुत्रा । उतो न एभिः  
सुमना इह स्याः ९

इमे नरो वृत्रहत्येषु शूरा विश्वा अदेवीरभि संन्तु मायाः । ये मे धियं पुनयन्त  
प्रशस्ताम् १०

मा शूनै अग्ने नि षदाम नृणां माशेषसोऽवीरता परि त्वा । प्रजावतीषु दुर्यासु  
दुर्य ११

यमश्वी नित्यमुपयाति यज्ञं प्रजावन्तं स्वपत्यं क्षयं नः । स्वजन्मना शेषसा

वावृधानम् १२

पाहि नो अग्ने रक्षसो अजुष्टात् पाहि धूर्तेरररुषो अघायोः । त्वा युजा

पृतनार्यूरभि ष्याम् १३

सेदग्रिरग्रीरत्यस्त्वन्यान् यत्र वाजी तनयो वीळुपाणिः । सहस्रपाथा अक्षरा  
समेति १४

सेदग्रियो वनुष्यतो निपाति समेद्धारमंहस उरुष्यात् । सुजातासः परि  
चरन्ति वीराः १५

अयं सो अग्रिराहुतः पुरुत्रा यमीशानुः समिदिन्धे हविष्मान् । परि  
यमेत्यध्वरेषु होता १६

त्वे अग्र आहर्वनानि भूरी शानास आ जुहुयाम् नित्या । उभा कृणवन्तो  
वहतू मियेधै १७

इमो अग्ने वीततमानि हव्या ऽजस्रो वक्षि देवतातिमच्छ । प्रति न ई  
सुरभीणि व्यन्तु १८

मा नो अग्नेऽवीरते परा दा दुर्वाससेऽमतये मा नो अस्यै ।

मा नः क्षुधे मा रक्षसं ऋतावो मा नो दमे मा वन आ जुहूर्थाः १९

नू मे ब्रह्माणयग्र उच्छशाधि त्वं देव मघवद्भ्यः सुषूदः ।

रातौ स्यामोभयास आ तै यूयं पात स्वस्तिभिः सदा नः २०

त्वमग्ने सुहवो रणवसदृक् सुदीती सूनो सहसो दिदीहि ।

मा त्वे सचा तनये नित्य आ धङ्गा वीरो अस्मन्नर्यो वि दासीत् २१

मा नो अग्ने दुर्भृतये सचेषु देवेद्धैष्वग्निषु प्र वौचः ।

मा तै अस्मान् दुर्मतयो भृमाच्चिद् देवस्य सूनो सहसो नशन्त २२

स मतो अग्ने स्वनीक रेवानमत्ये य आजुहोति हव्यम् ।

स देवता वसुवनि दधाति यं सूरिरथी पृच्छमान एति २३

महो नो अग्ने सुवितस्य विद्वान् रयिं सूरिभ्य आ वहा बृहन्तम् ।

येन वयं सहसावन् मदेमाऽविक्षितास आयुषा सुवीराः २४

नू मे ब्रह्माणयग्र उच्छशाधि त्वं देव मघवद्भ्यः सुषूदः ।

रातौ स्यामोभयास आ तै यूयं पात स्वस्तिभिः सदा नः २५

द्वितीयोऽध्यायः । व० १-३०

## (२) द्वितीयं सूक्तम्

(१-११) एकादशर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्च इध्मः  
समिद्धो वाग्निः, (२) द्वितीयाया नराशंसः, (३) तृतीयाया इळः, (४) चतुर्थ्या  
बर्हिः, (५) पञ्चम्या देवीद्वारः, (६) षष्ठ्या उषासानक्ता, (७) सप्तम्या दैव्यौ  
होतारौ प्रचेतसौ, (८) अष्टम्यास्तिस्रो देव्यः सरस्वतीळाभारत्यः, (९)  
नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो  
देवताः । त्रिष्टुप् छन्दः

जुषस्व नः समिधमग्ने अद्य शोचा बृहद् यजत धूममृशवन् ।  
उप स्पृश दिव्यं सानु स्तूपैः सं रश्मिभिस्ततनुः सूर्यस्य १  
नराशंसस्य महिमानमेषा मुप स्तोषाम यजतस्य यज्ञैः ।  
ये सुक्रतवः शुचयो धियुधाः स्वदन्ति देवा उभयानि हव्या २  
ईळैन्य वो असुरं सुदक्षं मन्तदूतं रोदसी सत्यवाचम् ।  
मनुष्वदग्निं मनुना समिद्धं समध्वराय सदमिन्महेम ३  
सपर्यवो भरमाणा अभिज्ञु प्र वृञ्जते नमसा बर्हिरग्नौ ।  
आजुह्वाना घृतपृष्ठं पृषद् दध्वर्यवो हविषा मर्जयध्वम् ४  
स्वाध्योर् वि दुरो देवयन्तो ऽशिश्रयू रथयुर्देवताता ।  
पूर्वा शिशं न मातरा रिहाणे समग्रवो न समनेष्वञ्जन् ५  
उत योषणो दिव्ये मही न उषासानक्ता सुदुषैव धेनुः ।  
बर्हिषदा पुरुहूते मघोनी आ यज्ञिये सुविताय श्रयेताम् ६  
विप्रा यज्ञेषु मानुषेषु कारू मन्ये वां जातवैदसा यजध्वे ।  
ऊर्ध्वं नो अध्वरं कृतं हवेषु ता देवेषु वनथो वार्याणि ७  
आ भारती भारतीभिः सजोषा इळा देवैर्मनुष्यैभिरग्निः ।  
सरस्वती सारस्वतेभिर्वाक् तिस्रो देवीर्बर्हि रेदं सदन्तु ८  
तन्नस्तुरीपमर्ध पोषयित्वा देव त्वष्टृर्वि रराणः स्यस्व ।  
यतो वीरः कर्मण्यः सुदक्षो युक्तग्रावा जायते देवकामः ९  
वनस्पतेऽव सृजोप देवा नग्निर्हविः शमिता सूदयाति ।  
सेदु होता सत्यतरो यजाति यथा देवानां जनिमानि वेद १०  
आ याह्यग्ने समिधानो अर्वा डिन्द्रेण देवैः सरथं तुरेभिः ।  
बर्हिर्न आस्तामदितिः सुपुत्रा स्वाहा देवा अमृता मादयन्ताम् ११

(३) तृतीयं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

अग्निं वौ देवमग्निभिः सजोषा यजिष्ठं दूतमध्वरे कृणुध्वम् ।  
यो मर्त्येषु निधुविर्भृतावा तपुर्मूर्धा घृतान्नः पावकः १  
प्रोथदश्चो न यवसेऽविष्यन् यदा महः संवरणाद् व्यस्थात् ।  
आदस्य वातो अनु वाति शोचिरधं स्म ते व्रजनं कृष्णमस्ति २  
उद् यस्य ते नवजातस्य वृष्णो ऽग्ने चरन्त्यजरा इधानाः ।  
अच्छा द्यामरुषो धूम एति सं दूतो अग्न इयसे हि देवान् ३  
वि यस्य ते पृथिव्यां पाजो अश्रैत् तृषु यदन्ना समवृक्त जम्भैः ।  
सेनेव सृष्टा प्रसितिष्ट एति यवं न देस्म जुहा विवेक्षि ४  
तमिद् दोषा तमुषसि यविष्ठामग्निमत्यं न मर्जयन्त नरः ।  
निशिशाना अतिथिमस्य योनौ दीदाय शोचिराहुतस्य वृष्णाः ५  
सुसंदृक् तै स्वनीक प्रतीकं वि यद् रुक्मो न रोचस उपाके ।  
दिवो न तै तन्यतुरैति शुष्मं श्वित्रो न सूरः प्रति चक्षि भानुम् ६  
यथा वः स्वाहाग्रये दाशैम् परीळाभिर्घृतवद्भिश्च हव्यैः ।  
तेभिर्नो अग्ने अमितैर्महोभिः शतं पूर्भिरायसीभिर्नि पाहि ७  
या वा ते सन्ति दाशुषे अधृष्टा गिरौ वा याभिर्नवतीरुष्याः ।  
ताभिर्नः सूनो सहस्रो नि पाहि स्मत् सूरीञ्जरितृचफदृञ्जातवेदः ८  
निर्यत् पूतेव स्वधितिः शुचिर्गात् स्वया कृपा तन्वाऽं रोचमानः ।  
आ यो मात्रोरुशेन्यो जनिष्ठ देवयज्याय सुक्रतुः पावकः ९  
एता नो अग्ने सौभगा दिदीह्य पि क्रतुं सुचेतसं वतेम ।  
विश्वा स्तोतृभ्यो गृणते च सन्तु यूयं पात स्वस्तिभिः सदा नः १०

(४) चतुर्थं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

प्र वः शक्राय भानवे भरध्वं हव्यं मतिं चाग्रये सुपूतम् ।  
यो दैव्यानि मानुषा जनुष्यन्तर्विश्वानि विघ्नना जिगाति १  
स गृत्सो अग्निस्तरुणश्चिदस्तु यतो यविष्ठो अजनिष्ठ मातुः ।

सं यो वना युवते शुचिदन् भूरि चिदन्ना समिदत्ति सद्यः २  
 अस्य देवस्य संसद्यनीके यं मर्तासः श्येतं जगृभ्रे ।  
 नि यो गृभं पौरुषेयीमुवोच दुरोकमग्निरायवे शुशोच ३  
 अयं कविरकविषु प्रचेता मर्तेष्वग्निरमृतो नि धायि ।  
 स मा नो अत्र जुहुरः सहस्वः सदा त्वे सुमनसः स्याम ४  
 आ यो योनि देवकृतं ससाद् क्रत्वा ह्यग्निमृताँ अतारीत् ।  
 तमोषधीश्च वनिनश्च गर्भं भूमिश्च विश्वधायसं बिभर्ति ५  
 ईशे ह्यग्निमृतस्य भूरे रीशे रायः सुवीर्यस्य दातोः ।  
 मा त्वा वयं सहसावन्नवीरा माप्सवः परि षदाम् मादुवः ६  
 परिषद्यं ह्यरणस्य रेक्णो नित्यस्य रायः पतयः स्याम ।  
 न शेषो अग्रे अन्यजात मस्त्यचेतानस्य मा पथो वि दुक्षः ७  
 नहि ग्रभायारणः सुशेवो ऽन्योदर्यो मनसा मन्तवा उ ।  
 अधा चिदोकः पुनरित् स एत्या ऽऽ नो वाज्यभीषाळेतु नव्यः ८  
 त्वमग्रे वनुष्यतो नि पाहि त्वमु नः सहसावन्नवद्यात् ।  
 सं त्वा ध्वस्मन्वद्भ्येतु पाथः सं रयिः स्पृहयार्थ्यः सहस्त्री ९  
 एता नो अग्रे सौभगा दिदीह्य पि क्रतु सुचेतसं वतेम ।  
 विश्वा स्तोतृभ्यो गृणते च सन्तु यूयं पात स्वस्तिभिः सदा नः १०

(५) पञ्चमं सूक्तम्

(१-९) नवर्चस्यास्य सूक्तस्य मैत्रावरुणिर्वसिष्ठ ऋषिः । वैश्वानरोऽग्निर्देवता ।

त्रिष्टुप् छन्दः

प्राग्रये त्वसै भरध्वं गिरं दिवो अरतये पृथिव्याः ।  
 यो विश्वेषाममृतानामुपस्थे वैश्वानरो वावृधे जागृवद्भिः १  
 पृष्टो दिवि धाय्यग्निः पृथिव्यां नेता सिन्धूनां वृषभः स्तियानाम् ।  
 स मानुषीरभि विशो वि भाति वैश्वानरो वावृधानो वरेण २  
 त्वद् भिया विश आयन्नसिकनी रसमना जहतीर्भोजनानि ।  
 वैश्वानर पूरवे शोशुचानः पुरो यदग्रे दरयन्नदीदेः ३  
 तव त्रिधातु पृथिवी उत द्यौ वैश्वानर व्रतमग्रे सचन्त ।  
 त्वं भासा रोदसी आ तन्था ऽजस्त्रेण शोचिषा शोशुचानः ४  
 त्वामग्रे हरितो वावशाना गिरः सचन्ते धुनयो घृताचीः ।

पतिं कृष्टीनां रथ्यं रयीणां वैश्वानरमुषसां केतुमहाम् ५  
 त्वे असुर्यं वसवो न्यृणवन् क्रतुं हि तै मित्रमहो जुषन्त ।  
 त्वं दस्युरीकसो अग्न आज उरु ज्योतिर्जनयन्नार्याय ६  
 स जायमानः परमे व्यौमन् वायुर्न पाथः परि पासि सद्यः ।  
 त्वं भुवना जनयन्नभि क्रन्नपत्याय जातवेदो दशस्यन् ७  
 तामग्ने अस्मे इषमेरयस्व वैश्वानर द्युमतीं जातवेदः ।  
 यया राधः पिन्वसि विश्ववार पृथु श्रवौ दाशुषे मर्त्याय ८  
 तं नो अग्ने मध्वद्वजः पुरुक्षुं रयिं नि वाजं श्रुत्य युवस्व ।  
 वैश्वानर महि नः शर्म यच्छ रुद्रेभिरग्ने वसुभिः सजोषाः ९

(६) षष्ठं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । वैश्वानरोऽग्निर्देवता ।

त्रिष्टुप् छन्दः

प्र सम्राजो असुरस्य प्रशस्तिं पुंसः कृष्टीनामनुमाद्यस्य ।  
 इन्द्रस्येव प्र तवसंस्कृतानि वन्दे दारुं वन्दमानो विवस्मि १  
 कविं केतुं धासिं भानुमद्रे हिन्वन्ति शं राज्यं रोदस्योः ।  
 पुरंदरस्य गीर्भिरा विवासे ऽग्नेर्वृतानि पूर्या महानि २  
 न्यक्रतून् ग्रथिनो मध्ववाचः पणिरिश्रद्धां अवृधां अयज्ञान् ।  
 प्रप्र तान् दस्युरग्निर्विवायु पूर्वश्चकारापरां अयज्युन् ३  
 यो अपाचीने तमसि मदन्तीः प्राचीश्चकार नृतमः शचीभिः ।  
 तमीशानं वस्वो अग्निं गृणीषे ऽनानतं दमयन्तं पृतन्युन् ४  
 यो देह्योऽं अनमयद् वधस्त्रैर्यो अर्यपत्नीरुषसश्चकार ।  
 स निरुध्या नहुषो यहो अग्निं विशश्चक्रे बलिहतः सहोभिः ५  
 यस्य शर्मन्नुप विश्वे जनास एवैस्तस्थुः सुमतिं भिक्षमाणाः ।  
 वैश्वानरो वरमा रोदस्यो राग्निः संसाद पित्रोरुपस्थम् ६  
 आ देवो देदे बुध्याऽं वसूनि वैश्वानर उदिता सूर्यस्य ।  
 आ समुद्रादवरादा परस्मा दाग्निर्देदे दिव आ पृथिव्याः ७

(७) सप्तमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । त्रिष्टुप्

छन्दः

प्र वो देवं चित् सहसानमग्निमश्वं न वाजिनं हिषे नमोभिः ।  
 भवा नो दूतो अध्वरस्य विद्वान् त्मना देवेषु विविदे मितद्वुः १  
 आ याह्यग्ने पथ्याइ अनु स्वा मन्द्रो देवानां सख्यं जुषाणः ।  
 आ सानु शुष्मैर्नदयन् पृथिव्या जम्भैभिर्विश्वमुशध्वनानि २  
 प्राचीनो यज्ञः सुधितं हि बर्हिः प्रीणीते अग्निरीळितो न होता ।  
 आ मातरा विश्ववारि हुवानो यतो यविष्ठ जज्ञिषे सुशेवः ३  
 सद्यो अध्वरे रथिरं जनन्त मानुषासो विचेतसो य एषाम् ।  
 विशाम्धायि विश्पतिर्दुरोणेइ ऽग्निर्मन्द्रो मधुवचा ऋतावा ४  
 असादि वृतो वह्निराजगन्वा नग्निर्ब्रह्मा नृषदने विधर्ता ।  
 द्यौश्च यं पृथिवी वावृधाते आ यं होता यजति विश्ववारम् ५  
 एते द्युम्नेभिर्विश्वमार्तिरन्त मन्त्रं ये वारं नर्या अतक्षन् ।  
 प्र ये विश्तिरन्त श्रोषमाणा आ ये मे अस्य दीधयन्नृतस्य ६  
 नू त्वामग्ने ईमहे वसिष्ठा ईशानं सूनो सहसो वसूनाम् ।  
 इषं स्तोतृभ्यो मघवद्भ्य आनङ् यूयं पात स्वस्तिभिः सदा नः ७

(८) अष्टमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

इन्धे राजा समर्यो नमोभि र्यस्य प्रतीकमाहुतं घृतेन ।  
 नरो हव्येभिरीळते सबाध आग्निरग्र उषसामशोचि १  
 अयमुष्य सुमहाँ अवेदि होता मन्द्रो मनुषो यहो अग्निः ।  
 वि भा अकः ससृजानः पृथिव्यां कृष्णपविरोषधीभिर्ववक्षे २  
 कया नो अग्ने वि वसः सुवृक्तिं कामु स्वधामृणवः शस्यमानः ।  
 कदा भवेम पतयः सुदत्र रायो वन्तारो दुष्टरस्य साधोः ३  
 प्रप्रायमग्निर्भरतस्य शृणवे वि यत् सूर्यो न रोचते बृहद् भाः ।  
 अभि यः पूरुं पृतनासु तस्थौ द्युतानो दैव्यो अतिथिः शुशोच ४  
 असन्नित् त्वे आहर्वनानि भूरि भुवो विश्वैभिः सुमना अनीकैः ।  
 स्तुतश्चिदग्ने शृणिवषे गृणानः स्वयं वर्धस्व तन्व सुजात ५  
 इदं वचः शतसाः संसहस्रमुदग्रयै जनिषीष्ट द्विबर्हाः ।

शं यत् स्तोतृभ्यं आपये भवाति द्युमदमीवचातनं रक्षोहा ६  
नू त्वामग्र ईमहे वसिष्ठा ईशानं सूनो सहसो वसूनाम् ।  
इषं स्तोतृभ्यो मघवद्भ्य आनङ् यूयं पात स्वस्तिभिः सदा नः ७

(६) नवमं सूक्तम्

(१-६) षड्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

अबोधि जार उषसामुपस्था द्योता मन्द्रः कवितमः पावकः ।  
दधाति केतुमुभयस्य जन्तो हव्या देवेषु द्रविणं सुकृत्सु १  
स सुक्रतुर्यो वि दुरः पणीनां पुनानो अर्कं पुरुभोजसं नः ।  
होता मन्द्रो विशां दमूना स्तिरस्तमो ददृशे राम्याणाम् २  
अमूरः कविरदितिर्विवस्वान् त्सुसंसन्मित्रो अतिथिः शिवो नः ।  
चित्रभानुरुषसां भात्यग्रे ऽपां गर्भः प्रस्वर् आ विवेश ३  
ईळेन्यो वो मनुषो युगेषु समनगा अशुचज्जातवेदाः ।  
सुसंदृशा भानुना यो विभाति प्रति गावः समिधानं बुधन्त ४  
अग्रे याहि दूत्यं मा रिषणयो देवाँ अच्छा ब्रह्मकृता गणेन ।  
सरस्वतीं मरुतो अश्विनापो यक्षि देवान् रत्नधेयाय विश्वान् ५  
त्वामग्रे समिधानो वसिष्ठो जरूथं हन् यक्षि राये पुरंधिम् ।  
पुरुणीथा जातवेदो जरस्व यूयं पात स्वस्तिभिः सदा नः ६

(१०) दशमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

उषो न जारः पृथु पाजौ अश्रेद् दविद्युतद् दीद्यच्छोशुचानः ।  
वृषा हरिः शुचिरा भाति भासा धियो हिन्वान उशतीरजीगः १  
स्वर्णं वस्तोरुषसामरोचि यज्ञं तन्वाना उशिजो न मन्म ।  
अग्निर्जन्मानि देव आ वि विद्वान् द्रवद् दूतो देवयावा वनिष्ठः २  
अच्छा गिरौ मृतयो देवयन्ती रग्निं यन्ति द्रविणं भिक्षमाणाः ।  
सुसंदृशं सुप्रतीकं स्वञ्च हव्यवाहमरतिं मानुषाणाम् ३  
इन्द्रं नो अग्रे वसुभिः सजोषा रुद्रं रुद्रेभिरा वहा बृहन्तम् ।



आदित्येभिरदितिं विश्वजन्यां बृहस्पतिमृक्वभिर्विश्ववारम् ४  
मुन्द्रं होतारमुशिजो यविष्ठमग्निं विश ईळते अध्वरेषु ।  
स हि क्षपावाँ अभवद् रयीणा मर्तन्द्रो दूतो यजथाय देवान् ५

(११) एकादशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । त्रिष्टुप् छन्दः ।  
मुहाँ अस्यध्वरस्य प्रकेतो न ऋते त्वदमृता मादयन्ते ।  
आ विश्वैभिः सरथं याहि देवैर्न्यग्ने होता प्रथमः सदेह १  
त्वामीळते अजिरं दूत्याय हविष्मन्तः सदमिन्मानुषासः ।  
यस्य देवैरासदो बर्हिरग्ने ऽहान्यस्मै सुदिना भवन्ति २  
त्रिश्चिदुक्तोः प्र चिकितुर्वसूनि त्वे अन्तर्दाशुषे मर्त्याय ।  
मनुष्वदग्र इह यच्चि देवान् भवा नो दूतो अभिशस्तिपावा ३  
अग्निरीशे बृहतो अध्वरस्या ऽग्निं विश्वस्य हविषः कृतस्य ।  
क्रतुं ह्यस्य वसवो जुषन्ता ऽथा देवा दधिरे हव्यवाहम् ४  
आग्ने वह हविरद्याय देवा निन्द्रज्येष्ठास इह मादयन्ताम् ।  
इमं यज्ञं दिवि देवेषु धेहि यूयं पात स्वस्तिभिः सदा नः ५

(१२) द्वादशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । त्रिष्टुप् छन्दः ।  
अगन्म मुहा नमसा यविष्ठं यो दीदायु समिद्धः स्वे दुरोगे ।  
चित्रभानुं रोदसी अन्तरुर्वी स्वाहुतं विश्वतः प्रत्यञ्चम् १  
स मुहा विश्वा दुरितानि साहा नग्निः ष्टवे दम् आ जातवेदाः ।  
स नो रक्षिषद् दुरितादवद्या दुस्मान् गृणत उत नो मघोनः २  
त्वं वरुण उत मित्रो अग्ने त्वां वर्धन्ति मतिभिर्वसिष्ठाः ।  
त्वे वसुं सुषणनानि सन्तु यूयं पात स्वस्तिभिः सदा नः ३

(१३) त्रयोदशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । वैश्वानरोऽग्निर्देवता ।  
त्रिष्टुप् छन्दः ।  
प्राग्रयै विश्वशुचै धियुधै ऽसुरघ्ने मन्म धीतिं भरध्वम् ।

भरे हविर्न बर्हिषि प्रीणानो वैश्वानराय यतये मतीनाम् १  
त्वमग्ने शोचिषा शोशुचान् आ रोदसी अपृणा जायमानः ।  
त्वं देवाँ अभिशस्तेरमुञ्चो वैश्वानर जातवेदो महित्वा २  
जातो यदग्ने भुवना व्यख्यः पशून् न गोपा इर्यः परिज्मा ।  
वैश्वानर ब्रह्मणे विन्द गातुं यूयं पात स्वस्तिभिः सदा नः ३

(१४) चतुर्दशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । (१)  
प्रथमर्चो बृहती, (२-३) द्वितीयातृतीययोश्च त्रिष्टुप् छन्दसी

समिधा जातवेदसे देवाय देवहृतिभिः ।  
हविर्भिः शक्रशौचिषे नमस्विनो वयं दाशेमाग्रये १  
वयं ते अग्रे समिधा विधेम वयं दाशेम सुष्टुती यजत्र ।  
वयं घृतेनाध्वरस्य होत वयं देव हविषा भद्रशोचे २  
आ नो देवेभिरुप देवहृति मग्रे याहि वर्षट्कृतिं जुषाणः ।  
तुभ्यं देवाय दाशतः स्याम यूयं पात स्वस्तिभिः सदा नः ३

(१५) पञ्चदशं सूक्तम्

(१-१५) पञ्चदशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।  
गायत्री छन्दः

उपसद्याय मीळहृष आस्यै जुहुता हविः । यो नो नेदिष्ठमाप्यम् १  
यः पञ्च चर्षणीरभि निषसाद् दमेदमे । क्विर्गृहपतिर्युवा २  
स नो वेदो अमात्य मग्नी रक्षतु विश्वतः । उतास्मान् पात्वंहसः ३  
नवं नु स्तोममग्रये दिवः श्येनार्य जीजनम् । वस्वः कुविद् वुनार्ति नः ४  
स्पार्हा यस्य श्रियो दृशे रयिर्वीरवतो यथा । अग्रे यज्ञस्य शोचतः ५  
सेमां वैतु वर्षट्कृति मग्निर्जुषत नो गिरः । यजिष्ठो हव्यवाहनः ६  
नि त्वा नद्य विश्पते द्युमन्त देव धीमहि । सुवीरमग्र आहुत ७  
क्षप उस्त्रश्च दीदिहि स्वग्रयस्त्वया वयम् । सुवीरस्त्वमस्मयुः ८  
उप त्वा सातये नरो विप्रासो यन्ति धीतिभिः । उपाक्षरा सहस्त्रिणी ९  
अग्नी रक्षांसि सेधति शक्रशौचिरमर्त्यः । शुचिः पावक ईडयः १०  
स नो राधास्या भरे शौनः सहसो यहो । भर्गश्च दातु वार्यम् ११

त्वमग्ने वीरवद् यशो देवश्च सविता भर्गः । दितिश्च दाति वार्यम् १२  
 अग्ने रक्षा णो अंहसः प्रति ष्म देव रीषतः । तपिष्ठैरजरो दह १३  
 अधा मही न आयस्य नाधृष्टो नृपीतये । पूर्भवा शतभुजिः १४  
 त्वं नः पाह्यंहसो दोषावस्तरघायुतः । दिवा नक्तमदाभ्य १५

(१६) षोडशं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।  
 प्रगाथः ( विषमर्चा बृहती समर्चा सतोबृहती ) छन्दः

एना वो अग्निं नमसो जो नपातमा हुवे ।  
 प्रियं चेतिष्ठमरतिं स्वध्वरं विश्वस्य दूतममृतम् १  
 स योजते अरुषा विश्वभौजसा स दुद्रवत् स्वाहुतः ।  
 सुब्रह्मा यज्ञः सुशमी वसूनां देवं राधो जनानाम् २  
 उदस्य शोचिरस्था दाजुहानस्य मीळहृषः ।  
 उद् धूमासौ अरुषासौ दिविस्पृशः समग्निमिन्धते नरः ३  
 तं त्वा दूतं कृणमहे यशस्तमं देवाँ आ वीतये वह ।  
 विश्वा सूनो सहसो मर्तभोजना रास्व तद् यत् त्वेमहे ४  
 त्वमग्ने गृहपतिस्त्वं होता नो अध्वरे ।  
 त्वं पोता विश्ववार प्रचेता यन्नि वेषि च वार्यम् ५  
 कृधि रत्नं यजमानाय सुक्रतो त्वं हि रत्नधा असि ।  
 आ न ऋते शिशीहि विश्वमृत्विजं सुशंसो यश्च दक्षते ६  
 त्वे अग्ने स्वाहुत प्रियासः सन्तु सूर्यः ।  
 यन्तारो ये मघवानो जनानामूर्वान् दयन्त गोनाम् ७  
 येषामिळा घृतहस्ता दुरोण आ अपि प्राता निषीदति ।  
 ताँस्त्रायस्व सहस्य द्रुहो निदो यच्छा नः शर्म दीर्घश्रुत् ८  
 स मन्द्रया च जिह्वया वहिरासा विदुष्टरः ।  
 अग्ने रयिं मघवद्भ्यो न आ वह हव्यदातिं च सूदय ९  
 ये राधासि ददत्यश्वया मघा कामेन श्रवसो महः ।  
 ताँ अंहसः पिपृहि पृतृभिष्टं शतं पूर्भिर्यविष्ठय १०  
 देवो वो द्रविणोदाः पूर्णा विवष्ट्यासिचम् ।  
 उद् वा सिञ्चध्वमुप वा पृणध्वमादिद् वो देव औहते ११

तं होतारमध्वरस्य प्रचेतसं वह्निं देवा अकृणवत ।  
दधाति रत्नं विधते सुवीर्यं मग्निर्जनाय दाशुषे १२

(१७) सप्तदशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । द्विपदा  
त्रिष्टुप् छन्दः

अग्ने भव सुषमिधा समिद्ध उत बर्हिरुर्विया वि स्तृणीताम् १  
उत द्वार उशतीर्वि श्रयन्तामुत देवाँ उशत आ वहेह १ २  
अग्ने वीहि हविषा यक्षि देवान् त्वध्वरा कृणुहि जातवेदः ३  
स्वध्वरा करति जातवेदा यक्षि देवाँ अमृतान् पिप्रयच्च २ ४  
वंस्व विश्वा वार्याणि प्रचेतः सत्या भवन्त्वाशिषौ नो अद्य ५  
त्वामु ते दधिरे हव्यवाहं देवासौ अग्र ऊर्ज आ नपातम् ३ ६  
ते ते देवाय दाशतः स्याम महो नो रत्ना वि दध इयानः ४ ७  
द्वितीयोऽनुवाकः । सू० १८-३३

(१८) अष्टादशं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-२१)  
प्रथमाद्येकविंशत्यृचामिन्द्रः, (२२-२५) द्वाविंश्यादिचतसृणाञ्च पैजवनस्य सुदासो  
दानस्तुतिर्देवते । त्रिष्टुप् छन्दः

त्वे ह यत् पितरश्चिन्न इन्द्र विश्वा वामा जरितारो असन्वन् ।  
त्वे गार्वः सुदुघास्त्वे ह्यश्वा स्त्वं वसु देवयते वर्निष्ठः १  
राजैव हि जनिभिः क्षेप्येवाऽव द्युभिरभि विदुष्कविः सन् ।  
पिशा गिरौ मघवन् गोभिरश्वै स्त्वायतः शिशीहि राये अस्मान् २  
इमा उ त्वा पस्पृधानासो अत्र मन्द्रा गिरौ देवयन्तीरुप स्थुः ।  
अर्वाची ते पथ्या राय एतु स्याम ते सुमताविन्द्र शर्मन् ३  
धेनुं न त्वा सूयवसे दुदुक्ष नृप ब्रह्माणि ससृजे वसिष्ठः ।  
त्वामिन्मे गोपतिं विश्व आहा ऽऽ न इन्द्रः सुमतिं गन्त्वच्छ ४  
अर्णासि चित् पप्रथाना सुदास इन्द्रो गाधान्यकृणोत् सुपारा ।  
शर्धन्तं शिम्युमुचथस्य नव्यः शापं सिन्धूनामकृणोदशस्तीः ५

पुरोळा इत् तुर्वशो यक्षुरासीद् राये मत्स्यासो निशिता अपीव ।  
 श्रुष्टिं चक्रुर्भृगवो द्रुह्यवश्च सखा सखायमतरद् विषूचोः ६  
 आ पक्थासौ भलानसौ भनन्ता ऽलिनासो विषाणिनः शिवासः ।  
 आ योऽनयत् सधमा आर्यस्य गव्या तृत्सुभ्यो अजगन् युधा नृन् ७  
 दुराध्योऽर्द्धं अदितिं स्त्रेवयन्तो ऽचेतसो वि जगृभ्रे परुष्णीम् ।  
 महाविव्यक् पृथिवीं पत्यमानः पशुष्कविरशयञ्चार्यमानः ८  
 ईयुरर्थं न न्यर्थं परुष्णी माशुश्चनेदभिपित्वं जगाम ।  
 सुदास इन्द्रः सुतुकाँ अमित्रा नरन्धयन्मानुषे वध्निवाचः ९  
 ईयुर्गावो न यवसादगौपा यथाकृतमभि मित्रं चितासः ।  
 पृश्निगावः पृश्निनिप्रेषितासः श्रुष्टिं चक्रुर्नियुतो रन्तयश्च १०  
 एकं च यो विशतिं च श्रवस्या वैकर्णयोर्जनान् राजा न्यस्तः ।  
 दस्मो न सद्यन् नि शिशाति बर्हिः शूरः सर्गमकृणोदिन्द्र एषाम् ११  
 अर्धं श्रुतं कवर्षं वृद्धमप्स्व नु द्रुह्यं नि वृणगवज्रबाहुः ।  
 वृणाना अत्र सख्याय सख्यं त्वायन्तो ये अमदन्ननु त्वा १२  
 वि सद्यो विश्वा दृंहितान्येषा मिन्द्रः पुरः सहसा सप्त दर्दः ।  
 व्यानवस्य तृत्सवे गयं भाग्जेष्म पूरं विदथे मृध्रवाचम् १३  
 नि गव्यवोऽनवो द्रुह्यवश्च षष्टिः शता सुषुपुः षट् सहस्रा ।  
 षष्टिर्वीरासो अधि षड् दुवोयु विश्वेदिन्द्रस्य वीर्या कृतानि १४  
 इन्द्रैश्चैते तृत्सवो वेविषाणा आपो न सृष्टा अधवन्त नीचीः ।  
 दुर्मित्रासः प्रकलविन्मिमाना जहर्विश्वा नि भोजना सुदासे १५  
 अर्धं वीरस्य श्रुतपामनिन्द्रं परा शर्धन्तं ननुदे अभि क्षाम् ।  
 इन्द्रो मन्युं मन्युम्यो मिमाय भेजे पथो वर्तनिं पत्यमानः १६  
 आध्रेण चित् तद्वेकं चकार सिंहां चित् पेतवेना जघान ।  
 अवं स्रक्तीर्वेश्यावृश्चदिन्द्रः प्रायच्छद् विश्वा भोजना सुदासे १७  
 शश्वन्तो हि शत्रवो रारधुष्टे भेदस्य चिच्छर्धतो विन्द रन्धिम् ।  
 मताँ एनः स्तुवतो यः कृणोति तिग्मं तस्मिन् नि जहि वज्रमिन्द्र १८  
 आवदिन्द्रं यमुना तृत्सवश्च प्रात्र भेदं सर्वताता मुषायत् ।  
 अजासश्च शिग्रवो यक्षवश्च बलिं शीर्षाणि जभुरश्वयानि १९  
 न त इन्द्र सुमतयो न रायः संचक्षे पूर्वा उषसो न नूताः ।  
 देवकं चिन्मान्यमानं जघन्था ऽव त्मना बृहतः शम्बरं भेत् २०

प्र ये गृहादममदुस्त्वाया पराशरः शतयातुर्वसिष्ठः ।  
न ते भोजस्य सख्यं मृषन्ताऽधा सूरिभ्यः सुदिना व्युच्छान् २१  
द्वे नमृदेववतः शते गोर्द्वा रथा वधूमन्ता सुदासः ।  
अर्हन्नग्रे पैजवनस्य दानं होतैव सद्य पर्येमि रेभन् २२  
चत्वारो मा पैजवनस्य दानाः स्मद्दिष्टयः कृशनिनो निरेके ।  
ऋजासो मा पृथिविष्ठाः सुदासस्तोकं तोकाय श्रवसे वहन्ति २३  
यस्य श्रवो रोदसी अन्तरुर्वी शीर्ष्णोशीर्ष्णो विबभाजा विभक्ता ।  
सप्तेदिन्द्रं न स्रवतो गृणन्ति नि युध्यामधिर्मशिशदाभीकै २४  
इमं नरो मरुतः सञ्चतानु दिवोदासं न पितरं सुदासः ।  
अविष्टना पैजवनस्य केतं दूणाशं क्षत्रमजरं दुवोयु २५

(१६) एकोनविंशं सूक्तम्

(१-११) एकादशर्चस्यास्य सूक्तस्य मैत्रावरुणिवसिष्ठ ऋषिः । इन्द्रो देवता ।

त्रिष्टुप् छन्दः

यस्तिग्मशृङ्गो वृषभो न भीम एकः कृष्टीश्चयावयति प्र विश्वाः ।  
यः शश्वतो अदाशुषो गर्यस्य प्रयन्तासि सुष्वितराय वेदः १  
त्वं ह त्यदिन्द्र कुत्समावः शुश्रूषमाणस्तन्वां समर्ये ।  
दासं यच्छुष्णं कुर्यवं न्यस्मा अरन्धय आर्जुनयाय शिक्तन् २  
त्वं धृष्णो धृषता वीतहव्यं प्रावो विश्वाभिरूतिभिः सुदासम् ।  
प्र पौरुकुत्सिं त्रसदस्युमावः क्षेत्रसाता वृत्रहत्येषु पूरुम् ३  
त्वं नृभिर्नृमणो देववीतौ भूरीणि वृत्रा हर्यश्च हंसि ।  
त्वं नि दस्युं चुमुरिं धुनिं चाऽस्वापयो दभीतये सुहन्तु ४  
तव च्यौत्नानि वज्रहस्त तानि नव यत् पुरो नवतिं च सद्यः ।  
निवेशने शततमाविवेषी रहञ्च वृत्रं नमुचिमुताहन् ५  
सना ता त इन्द्र भोजनानि रातहव्याय दाशुषै सुदासे ।  
वृष्णो ते हरी वृषणा युनज्मि व्यन्तु ब्रह्माणि पुरुशाक वाजम् ६  
मा ते अस्यां सहसावन् परिष्ठा वधाय भूम हरिवः परादै ।  
त्रायस्व नोऽवृकेभिर्वरुथै स्तव प्रियासः सूरिषु स्याम ७  
प्रियास इत् ते मघवन्नभिष्टौ नरो मदेम शरणे सखायः ।  
नि तुर्वशं नि याद्वं शिशी ह्यतिथिग्वाय शंस्यं करिष्यन् ८

सद्यश्चिन्नु ते मघवन्नभिष्टौ नरः शंसन्त्युक्थशास उक्था ।  
 ये ते हवैभिर्वि पृणीरिदाश न्नस्मान् वृणीष्व युज्याय तस्मै ६  
 एते स्तोमा नरां नृतम् तुभ्य मस्मद्रयञ्चो ददतो मघानि ।  
 तेषामिन्द्र वृत्रहत्यै शिवो भूः सर्वा च शूरोऽविता च नृणाम् १०  
 नू इन्द्र शूर स्तवमान ऊती ब्रह्मजतस्तन्वा वावृधस्व ।  
 उप नो वाजान् मिमीह्युप स्तीन् यूयं पात स्वस्तिभिः सदा नः ११  
 तृतीयोऽध्यायः । व० १-३०

## (२०) विंशं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

उग्रो जज्ञे वीर्याय स्वधावा अक्रिरपो नर्यो यत् करिष्यन् ।  
 जग्मिर्युवा नृषदंनमवौभि स्त्राता नू इन्द्र एनसो महश्चित् १  
 हन्ता वृत्रमिन्द्रः शूशवानः प्रावीनु वीरो जरितारमूती ।  
 कर्ता सुदासे अह वा उ लोकं दाता वसु मुहुरा दाशुषे भूत् २  
 युध्मो अनर्वा खजकृत् समद्वा शूरः सत्राषाड् जनुषेमषाळहः ।  
 व्यास इन्द्रः पृतनाः स्वोजा अधा विश्वं शत्रूयन्तं जघान ३  
 उभे चिदिन्द्र रोदसी महित्वा ऽऽ पंप्राथ तविषीभिस्तुविष्मः ।  
 नि वज्रमिन्द्रो हरिवान् मिमिन्नन् त्समन्धसा मदेषु वा उवोच ४  
 वृषा जजान् वृषणं रणाय तमु चिन्नारी नर्यं ससूव ।  
 प्र यः सैनानीरध नृभ्यो अस्ती नः सत्वा गुवेषणः स धृष्णः ५  
 नू चित् स भ्रैषते जनो न रेषन् मनो यो अस्य घोरमाविवासात् ।  
 यज्ञैर्य इन्द्रे दधते दुवासि क्षयत् स राय ऋतपा ऋतेजाः ६  
 यदिन्द्र पूर्वो अपराय शिञ्ज न्नयज्जयायान् कनीयसो देष्णाम् ।  
 अमृत इत् पर्यासीत दूर मा चित्र चित्र्यं भरा रयिं नः ७  
 यस्त इन्द्र प्रियो जनो ददाश दसन्निरेके अद्रिवः सर्वा ते ।  
 वयं ते अस्यां सुमतौ चनिष्ठाः स्याम वरूथे अघ्नतो नृपीतौ ८  
 एष स्तोमौ अचिक्रदद् वृषा त उत स्तामुर्मघवन्नक्रपिष्ट ।  
 रायस्कामौ जरितारं त आगन् त्वमङ्ग शक्र वस्व आ शको नः ९  
 स न इन्द्र त्वयताया इषे धा स्तमना च ये मघवानो जुनन्ति ।

वस्वी षु तै जरित्रे अस्तु शक्तिर्युयं पात स्वस्तिभिः सदा नः १०

(२१) एकविंशं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

असावि देवं गोऋजीकमन्धो न्यस्मिन्नन्द्रो जनुषैमुवोच ।  
 बोधामसि त्वा हर्यश्च यज्ञैर्बोधा नः स्तोममन्धसो मदेषु १  
 प्र यन्ति यज्ञं विपयन्ति बर्हिः सौममादौ विदथै दुध्रवाचः ।  
 न्यु भ्रियन्ते यशसौ गृभादा दूरउपब्दो वृषणो नृषाचः २  
 त्वमिन्द्र स्रवित्वा अपस्कः परिष्ठिता अहिना शूर पूर्वीः ।  
 त्वद् वावक्रे रथ्योऽं न धेना रेजन्ते विश्वा कृत्रिमाणि भीषा ३  
 भीमो विवेषायुधेभिरेषा मपांसि विश्वा नर्याणि विद्वान् ।  
 इन्द्रः पुरो जहृषाणो वि दूधोत् वि वज्रहस्तो महिना जघान ४  
 न यातव इन्द्र जूजुवुर्नो न वन्दना शविष्ठ वेद्याभिः ।  
 स शर्धदुर्यो विषुणस्य जन्तो मां शिशनदेवा अपि गुर्भृतं नः ५  
 अभि क्रत्वैन्द्र भूरध्र ज्मन् न तै विव्यङ् महिमानं रजांसि ॥ हि वृत्रं शर्वसा  
 जघन्थ न शत्रुरन्तं विविदद् युधा तै ६  
 देवाश्चित् ते असुर्याय पूर्वे ऽनु क्षत्राय ममिरे सहांसि ।  
 इन्द्रो मघानि दयते विषद्ये न्द्रं वाजस्य जोहुवन्त सातौ ७  
 कीरिश्चिद्धि त्वामवसे जुहावे शानमिन्द्र सौभगस्य भूरैः ।  
 अवो बभूथ शतमूते अस्मे अभिक्षत्तुस्त्वारवतो वरूता ८  
 सखायस्त इन्द्र विश्वहं स्याम नमोवृधासौ महिना तरुत्र ।  
 वन्वन्तु स्मा तेऽवसा समीकेऽं ऽर्भीतिमुर्यो वनुषां शवांसि ९  
 स न इन्द्र त्वर्यताया इषे ध्वा स्तमना च ये मघवानो जुनन्ति ।  
 वस्वी षु तै जरित्रे अस्तु शक्तिर्युयं पात स्वस्तिभिः सदा नः १०

(२२) द्वाविंशं सूक्तम्

(१-९) नवर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता । (१-८)

प्रथमाद्यष्टर्चा विराट्, (९) नवम्याश्च त्रिष्टुप् छन्दसी

पिबा सोममिन्द्र मन्दतु त्वा यं तै सुषाव हर्यश्वाद्रिः ।



सोतुर्बाहुभ्यां सुयतो नार्वा १  
 यस्ते मदो युज्यश्चारुरस्ति येन वृत्राणि हर्यश्च हंसि ।  
 स त्वामिन्द्र प्रभूवसो ममत्तु २  
 बोधा सु मे मघवन् वाचमेमां यां ते वसिष्ठो अर्चति प्रशस्तिम् ।  
 इमा ब्रह्म सधमादै जुषस्व ३  
 श्रुधी हवं विपिपानस्याद्रेर्बोधा विप्रस्यार्चतो मनीषाम् ।  
 कृष्वा दुवांस्यन्तमा सचेमा ४  
 न ते गिरो अपि मृष्ये तुरस्य न सुष्टुतिर्मसुर्यस्य विद्वान् ।  
 सदा ते नाम स्वयशो विवक्मि ५  
 भूरि हि ते सर्वना मानुषेषु भूरि मनीषी हवते त्वामित् ।  
 मारे अस्मन्मघवञ्जयोक् केः ६  
 तुभ्येदिमा सर्वना शूर विश्वा तुभ्यं ब्रह्माणि वर्धना कृणोमि ।  
 त्वं नृभिर्हव्यो विश्वधासि ७  
 नू चिन्नु ते मन्यमानस्य दस्मो दश्नुवन्ति महिमानमुग्र ।  
 न वीर्यमिन्द्र ते न राधः ८  
 ये च पूर्व ऋषयो ये च नूत्वा इन्द्र ब्रह्माणि जनयन्त विप्राः ।  
 अस्मे तै सन्तु सरव्या शिवानि यूयं पात स्वस्तिभिः सदा नः ९

(२३) त्रयोविंशं सूक्तम्

(१-६) षड्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

उदु ब्रह्माण्यैरत श्रवस्येन्द्रं समर्ये महया वसिष्ठ ।  
 आ यो विश्वानि शर्वसा ततानौ पश्रोता म् ईवतो वचांसि १  
 अयामि घोषे इन्द्र देवजामि रिरज्यन्त यच्छुरुधो विवाचि ।  
 नहि स्वमार्युश्चिकिते जनैषु तानीदंहांस्यति पर्ष्यस्मान् २  
 युजे रथं गुवेषणं हरिभ्यामुप ब्रह्माणि जुजुषाणमस्थुः ।  
 वि बाधिष्टस्य रोदसी महित्वेन्द्रो वृत्रायप्रती जघन्वान् ३  
 आपश्चित् पिप्युः स्तर्योर्न गावो नक्षत्रं जरितारस्त इन्द्र ।  
 याहि वायुर्न नियुतो नो अच्छा त्वं हि धीभिर्दयसे वि वाजान् ४  
 ते त्वा मदा इन्द्र मादयन्तु शष्मिणं तुविराधसं जरित्रे ।

एको देवत्रा दयसे हि मर्ता नस्मिञ्छूर सर्वने मादयस्व ५  
एवेदिन्द्रं वृषणं वज्रबाहुं वसिष्ठासो अभ्यर्चन्त्यकैः ।  
स नः स्तुतो वीरवद् धातु गोमद् यूयं पात स्वस्तिभिः सदा नः ६

(२४) चतुर्विंशं सूक्तम्

(१-६) षड्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

योनिष्ट इन्द्र सदने अकारि तमा नृभिः पुरुहूत प्र याहि ।  
असो यथा नोऽविता वृधे च ददो वसूनि ममदश्च सोमैः १  
गृभीतं ते मन इन्द्र द्विबर्हाः सुतः सोमः परिषिक्ता मधूनि ।  
विसृष्टधेना भरते सुवृक्ति रियमिन्द्रं जोहुवती मनीषा २  
आ नो दिव आ पृथिव्या ऋजीषि न्निदं बर्हिः सोमपेयाय याहि ।  
वहन्तु त्वा हरयो मद्रयञ्च माङ्गुषमच्छा तवसं मदाय ३  
आ नो विश्वाभिरूतिभिः सजोषा ब्रह्म जुषाणो हर्यश्च याहि ।  
वरीवृजत् स्थविरेभिः सुशिप्रा ऽस्मे दधद् वृषणं शुष्ममिन्द्र ४  
एष स्तोमो मह उग्राय वाहे धुरीर्वात्यो न वाजयन्नधायि ।  
इन्द्र त्वायमर्क ईष्टे वसूनां दिर्वीव द्यामधि नः श्रोमंतं धाः ५  
एवा न इन्द्र वार्यस्य पूर्धि प्र ते महीं सुमतिं वैविदाम ।  
इषं इपन्व मघवद्भ्यः सुवीरा यूयं पात स्वस्तिभिः सदा नः ६

(२५) पञ्चविंशं सूक्तम्

(१-६) षड्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

आ ते मह इन्द्रोत्युग्र समन्यवो यत् समरन्त सेनाः ।  
पताति दिद्युन्नर्यस्य ब्राह्मो मा ते मनो विष्वद्रयश्ग्वि चारीत् १  
नि दुर्ग इन्द्र शनथिह्यमित्रा नृभि ये नो मर्तासो अमन्ति ।  
आरे तं शंसं कृणुहि निनित्सो रा नो भर संभरणं वसूनाम् २  
शतं ते शिप्रिन्नृतयः सुदासै सहस्रं शंसा उत रातिरस्तु ।  
जहि वर्धर्वनुषो मर्त्यस्या ऽस्मे द्युममधि रत्नं च धेहि ३  
त्वारवतो हीन्द्र क्रत्वे अस्मि त्वारवतोऽवितुः शूर रातौ ।

विश्वेदहानि तविषीव उग्रं ओकः कृणुष्व हरिवो न मर्धीः ४  
 कुत्सा एते हर्यश्वाय शूष मिन्द्रे सहो देवजूतमियानाः ।  
 सत्रा कृधि सुहना शूर वृत्रा वयं तरुत्राः सनुयाम् वाजम् ५  
 एवा न इन्द्र वार्यस्य पूर्धि प्र तै महीं सुमतिं वैविदाम ।  
 इषं इपन्व मघवद्भ्यः सुवीरां यूयं पात स्वस्तिभिः सदा नः ६

(२६) षड्विंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

न सोम इन्द्रमसुतो ममाद् नाब्रह्माणो मघवानं सुतासः ।  
 तस्मा उक्थं जनये यज्जुजौष नृवन्नवीयः शृणवद् यथा नः १  
 उक्थउक्थेसोम इन्द्रं ममाद नीथेनीथे मघवानं सुतासः ।  
 यदीं सबाधः पितरं न पुत्राः समानदन्ना अर्वसे हवन्ते २  
 चकार ता कृणवन्नूनमन्या यानि ब्रुवन्ति वेधसः सुतेषु ।  
 जनीरिव पतिरेकः समानो नि मामृजे पुर इन्द्रः सु सर्वाः ३  
 एवा तमाहरुत शृणव इन्द्र एकौ विभक्ता तरणिर्मघानाम् ।  
 मिथस्तुर ऊतयो यस्य पूर्वी रस्मे भद्राणि सञ्चत प्रियाणि ४  
 एवा वसिष्ठ इन्द्रमूतये नृन् कृष्टीनां वृषभं सुते गृणाति ।  
 सहस्त्रिण उप नो माहि वाजान् यूयं पात स्वस्तिभिः सदा नः ५

(२७) सप्तविंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

इन्द्रं नरो नेमधिंता हवन्ते यत् पार्या युनजते धियस्ताः ।  
 शूरो नृषांता शर्वसश्चकान आ गोमति वृजे भजा त्वं नः १  
 य इन्द्र शुष्मो मघवन् ते अस्ति शिञ्जा सखिभ्यः पुरुहूत नृभ्यः ।  
 त्वं हि दृळ्हा मघवन् विचैता अपा वृधि परिवृतं न राधः २  
 इन्द्रो राजा जगत्सर्षणीना मधि क्षमि विषुरूपं यदस्ति ।  
 ततो ददाति दाशुषे वसूनि चोद्द् राध उपस्तुतश्चिदुर्वाक् ३  
 नू चिन्न इन्द्रो मघवा सहृती दानो वाजं नि यमते न ऊती ।

अ॒नू॒ना यस्य॑ दक्षि॑णा पी॒पाय॑ वामं॑ नृ॒भ्यो अ॒भिर्वी॑ता सखि॑भ्यः ४  
नू इन्द्र॑ रा॒ये वरि॑वस्कृ॒धी न॒ आ ते॑ मनो॑ ववृ॒त्याम॑ म॒घाय॑ ।  
गोम॑दश्चा॒वद् रथ॑व॒द् व्यन्तो॑ यू॒यं पा॑त स्व॒स्तिभिः॑ सदा॑ नः ५

(२८) अष्टाविंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

ब्र॒ह्मा ण॑ इन्द्रो॒प या॑हि वि॒द्वा न॒र्वाञ्च॑स्ते ह॒रयः॑ सन्तु॑ यु॒क्ताः ।  
विश्वे॑ चि॒द्धि त्वा॑ वि॒हव॑न्त॒ मर्ता॑ अ॒स्माक॑मिच्छृ॒णुहि॑ विश्व॑मिन्व १  
हव॑ त इन्द्र॑ म॒हिमा॑ व्या॒नङ् ब्र॒ह्म यत् पा॑सि॒ शव॑सि॒नृषी॑णाम् ।  
आ यद् वज्रं॑ दधि॒षे ह॑स्त॒ उग्र॑ घो॒रः सन् क्र॑त्वा॒ जनि॑ष्ठा अ॒षाळ॑हः २  
तव॑ प्र॒णीती॑न्द्र॒ जोहु॑वानान् त्सं॑ यन्न॒न् न रो॑द॒सी नि॒नेथ॑ ।  
म॒हे क्ष॒त्राय॑ शर्व॑से हि ज॒ज्ञे ऽतू॑तुजिं चि॒त् तू॑तु॒जिर॑शि॒शनत् ३  
एभि॑र्न इन्द्रा॒र्हभि॑र्दशस्य॒ दुर्मि॑त्रासो॒ हि क्षि॑तयः॒ पव॑न्ते ।  
प्र॒ति यच्च॑ष्टे अ॒नृत॑मने॒ना अ॒व द्वि॑ता वरु॒णो मा॒यी नः॑ सात् ४  
वो॒चेमे॑दिन्द्रं॒ म॒घवा॑नमे॒नं म॒हो रा॒यो रा॑धसो॒ यद् द॑दन्नः ।  
यो अ॒र्चतो॑ ब्र॒ह्मकृ॑तिमवि॒ष्टो यू॒यं पा॑त स्व॒स्तिभिः॑ सदा॑ नः ५

(२९) एकोनत्रिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

अ॒यं सोम॑ इन्द्र॒ तुभ्य॑ सु॒न्व आ॒ तु प्र॑ या॒हि ह॑रि॒व॒स्तदो॑काः ।  
पि॒ब्रा त्व॑श॒स्य सु॑षु॒तस्य॑ चा॒रो र्ददो॑ म॒घानि॑ म॒घव॑न्नियानः १  
ब्र॒ह्मन् वी॑र॒ ब्र॒ह्मकृ॑तिं जुषा॒णो ऽर्वा॑ची॒नो ह॑रि॒भिर्या॑हि तू॒र्यम् ।  
अ॒स्मिन्नू॑ षु स॒वने॑ मा॒दय॑स्वो॒पु ब्र॒ह्मा॑णि शृ॒णव॑ इ॒मा नः॑ २  
का ते॑ अ॒स्त्यर॑कृ॒तिः सू॒क्तैः क॒दा नू॑नं ते॑ म॒घव॑न् दा॒शेम॑ ।  
विश्व॑ा म॒तीरा॑ त॒तने॑ त्वा॒या ऽर्धा॑ म॒ इन्द्र॑ शृ॒णवो॑ ह॒वेमा॑ ३  
उ॒तो घा॑ ते पु॒रुष्या॑इ॒ इदा॑सन् येषां॒ पूर्वे॑षामशृ॒णोर्ऋ॑षी॒णाम् ।  
अ॒धाहं॑ त्वा॒ म॒घव॑ञ्जोहवी॒मि त्वं न॑ इन्द्रा॒सि प्र॑म॒तिः पि॒तेव॑ ४  
वो॒चेमे॑दिन्द्रं॒ म॒घवा॑नमे॒नं म॒हो रा॒यो रा॑धसो॒ यद् द॑दन्नः ।

यो अर्चतो ब्रह्मकृतिमविष्टो यूयं पात स्वस्तिभिः सदा नः ५

(३०) त्रिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

आ नो देव शर्वसा याहि शुष्मिन् भवा वृध इन्द्र रायो अस्य ।  
 महे नृणाय नृपते सुवज्र महि क्षत्राय पौस्याय शूर १  
 हवन्त उ त्वा हव्यं विवाचि तनूषु शूराः सूर्यस्य सातौ ।  
 त्वं विश्वेषु सेन्यो जनैषु त्वं वृत्राणि रन्धया सुहन्तु २  
 अहा यदिन्द्र सुदिना व्युच्छान् दधो यत् केतुमुपमं समत्सु ।  
 न्यग्निः सीददसुरो न होता हुवानो अत्र सुभगाय देवान् ३  
 वयं ते त इन्द्र ये च देव स्तवन्त शूर ददतो मघानि ।  
 यच्छा सूरिभ्य उपमं वरूथं स्वाभुवो जरणामश्नवन्त ४  
 वोचेमेदिन्द्र मघवानमेनं महो रायो राधसो यद् ददन्नः ।  
 यो अर्चतो ब्रह्मकृतिमविष्टो यूयं पात स्वस्तिभिः सदा नः ५

(३१) एकत्रिंशं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता । (१-

६) प्रथमादिनवर्चा गायत्री, (१०-१२) दशम्यादितृचस्य च विराट् छन्दसी  
 प्र व इन्द्राय मार्दनुं हर्यश्वाय गायत । सखायः सोमपावने १  
 शंसेदुक्थं सुदानव उत द्युक्षं यथा नरः । चकृमा सत्यराधसे २  
 त्वं न इन्द्र वाजयु स्त्वं गव्युः शतक्रतो । त्वं हिरण्ययुर्वसो ३  
 वयमिन्द्र त्वायवो ऽभि प्र णोनुमो वृषन् । विद्धी त्वशस्य नो वसो ४  
 मा नो निदे च वक्तवे ऽर्यो रन्धीररावणे । त्वे अपि क्रतुर्मम ५  
 त्वं वर्मासि सप्रथः पुरोयोधश्च वृत्रहन् । त्वया प्रति ब्रुवे युजा ६  
 महाँ उतासि यस्य ते ऽनु स्वधावरी सहः । मन्नाते इन्द्र रोदसी ७  
 तं त्वा मरुत्वती परि भुवद् वाणी सयावरी । नक्षमाणा सह द्युभिः ८  
 ऊर्ध्वासस्त्वान्विन्दवो भुवन् दुस्ममुप द्यवि । सं ते नमन्त कृष्टयः ९  
 प्र वो महे महिवृधे भरध्वं प्रचेतसे प्र सुमतिं कृणुध्वम् । विशः पूर्वीः प्र  
 चरा चर्षणिप्राः १०

उरुव्यचसे महिने सुवृक्ति मिन्द्राय ब्रह्म जनयन्त विप्राः । तस्य वृतानि न  
मिनन्ति धीराः ११

इद्रं वाणीरनुत्तमन्युमेव सत्रा राजानं दधिरे सहध्वै । हर्यश्वाय बर्हया  
समापीन् १२

(३२) द्वात्रिंशं सूक्तम्

(१-२७) सप्तविंशत्यृचस्यास्य सूक्तस्य मैत्रावरुणिर्वसिष्ठः, (२६) षड्विंश्या  
ऋचः पूर्वार्धस्य वासिष्ठः शक्तिर्वा ऋषिः । इन्द्रो देवता । (१-२, ४-२७)  
प्रथमाद्वितीययोर्ऋचोश्चतुर्थ्यादिचतुर्विंशतेश्च प्रगाथः ( विषमर्चा बृहती, समर्चा  
सतोबृहती ), (३) तृतीयायाश्च द्विपदा विराट् छन्दसी

मो षु त्वा वाघर्तश्चना ऽऽरे अस्मन्नि रीरमन् ।

आरात्ताञ्चित् सधमादं न आ गही ह वा सन्नपं श्रुधि १

इमे हि ते ब्रह्मकर्तः सुते सचा मधौ न मन्न आसते ।

इन्द्रे कामं जरितारौ वसूयवो रथे न पादमा दधुः २

रायस्कामो वज्रहस्तं सुदक्षिणं पुत्रो न पितरं हुवे ३

इम इन्द्राय सुन्विरे सोमासो दध्याशिरः ।

तां आ मदाय वज्रहस्त पीतये हरिभ्यां याह्योक आ ४

श्रवच्छुत्कर्ण ईयते वसूनां नू चिन्नो मर्धिषद् गिरः ।

सद्यश्चिद् यः सहस्राणि शता दद् नकिर्दित्सन्तमा मिनत् ५

स वीरो अप्रतिष्कुत् इन्द्रैण शूशुवे नृभिः ।

यस्तै गभीरा सर्वनानि वृत्रहन् त्सुनोत्या च धारवति ६

भवा वरूथं मघवन् मघोनां यत् समजासि शर्धतः ।

वि त्वाहतस्य वेदनं भजेम ह्या दूणाशौ भरा गयम् ७

सुनोता सोमपाव्ने सोममिन्द्राय वज्रिणै ।

पचता पत्कीरवसे कृणुध्वमित् पूणन्नित् पूणते मयः ८

मा स्त्रैधत सोमिनो दक्षता महे कृणुध्वं राय आतुजे ।

तरणिरिज्जयति क्षेति पुष्यति न देवासः कवत्तवै ९

नकिः सुदासो रथं पर्यास न रीरमत् ।

इन्द्रो यस्याविता यस्य मरुतो गमत् स गोमति वृजे १०

गमद् वाजं वाजयन्निन्द्र मर्त्यो यस्य त्वमविता भुवः ।

अस्माकं बोध्यविता रथाना मस्माकं शूर नृणाम् ११  
 उदिन्वस्य रिच्यते ऽशो धनं न जिग्युषः ।  
 य इन्द्रो हरिवान् न दभन्ति तं रिपो दक्ष दधाति सोमिनि १२  
 मन्त्रमखर्व सुधितं सुपेशसं दधात यज्ञियेष्व ।  
 पूर्वीश्चन प्रसितयस्तरन्ति तं य इन्द्रे कर्मणा भुवत् १३  
 कस्तमिन्द्र त्वावसु मा मर्त्यो दधर्षति ।  
 श्रद्धा इत् तै मघवन् पार्यै दिवि वाजी वाजं सिषासति १४  
 मघोनः स्म वृत्रहत्येषु चोदय ये ददति प्रिया वसु ।  
 तव प्रणीती हर्यश्च सूरिभिर्विश्वा तरेम दुरिता १५  
 तवेदिन्द्रावमं वसु त्वं पुष्यसि मध्यमम् ।  
 सत्रा विश्वस्य परमस्य राजसि नकिष्ठा गोषु वृणवते १६  
 त्वं विश्वस्य धनदा असि श्रुतो य ई भवन्त्याजयः ।  
 तवायं विश्वः पुरुहूत पार्थिवो ऽवस्युर्नाम भिन्नते १७  
 यदिन्द्र यावतस्त्व मेतावदहमीशीय ।  
 स्तोतारमिद् दिधिषेय रदावसो न पापत्वाय रासीय १८  
 शिद्धैयमिन्महयते दिवेदिवे राय आ कुहचिद्विदै ।  
 नहि त्वदन्यन्मघवन् न आप्यं वस्यो अस्ति पिता चन १९  
 तरणिरित् सिषासति वाजं पुरंध्या युजा ।  
 आ व इन्द्र पुरुहूतं नमे गिरा नेमिं तष्टेव सुद्रवम् २०  
 न दुष्टती मर्त्यो विन्दते वसु न स्नेधन्तं रयिनशत् ।  
 सुशक्तिरिन्मघवन् तुभ्यं मावते देष्णं यत् पार्यै दिवि २१  
 अभि त्वा शूर नोनुमो ऽदुग्धा इव धेनवः ।  
 ईशानमस्य जगतः स्वर्दृश मीशानमिन्द्र तस्थुषः २२  
 न त्वावाँ अन्यो दिव्यो न पार्थिवो न जातो न जनिष्यते ।  
 अश्वायन्तौ मघवन्निन्द्र वाजिनौ गव्यन्तस्त्वा हवामहे २३  
 अभी षतस्तदा भरेन्द्र ज्यायुः कनीयसः ।  
 पुरुवसुर्हि मघवन् त्सनादसि भरेभरे च हव्यः २४  
 परा गुदस्व मघवन्नमित्रान् त्सुवेदा नो वसू कृधि ।  
 अस्माकं बोध्यविता महाधने भवा वृधः सर्वीनाम् २५  
 इन्द्र क्रतुं न आ भर पिता पुत्रेभ्यो यथा ।

शिद्धा णो अस्मिन् पुरुहूत यामनि जीवा ज्योतिरशीमहि २६  
मा नो अज्ञाता वृजना दुराध्योर्माशिवासो अर्वा क्रमुः ।  
त्वया वयं प्रवतः शश्वतीरपो उति शूर तरामसि २७

(३३) त्रयस्त्रिंशं सूक्तम्

(१-१४) चतुर्दशर्चस्यास्य सूक्तस्य (१-६) प्रथमादिनवर्चा मैत्रावरुणिर्वसिष्ठः,

(१०-१४) दशम्यादिपञ्चानाञ्च वसिष्ठपुत्रा इन्द्रो वा ऋषयः । (१-६)

प्रथमादिनवर्चा वसिष्ठपुत्राः, (१०-१४) दशम्यादिपञ्चानाञ्च वसिष्ठो देवताः ।

त्रिष्टुप् छन्दः

श्वित्यञ्चो मा दक्षिणतस्कपर्दा धियंजिन्वासो अभि हि प्रमन्दुः ।  
उत्तिष्ठन् वोचे परि बर्हिषो नृन् न मे दूरादवितवे वसिष्ठाः १  
दूरादिन्द्रमनयन्ना सुतेन तिरो वैशन्तमाते पान्तमुग्रम् ।  
पाशद्युम्नस्य वायुतस्य सोमात् सुतादिन्द्रोऽवृणीता वसिष्ठान् २  
एवेन्न कं सिन्धुमेभिस्ततारे वेन्न कं भेदमैभिर्जघान ।  
एवेन्न कं दाशराज्ञे सुदासं प्रावदिन्द्रो ब्रह्मणा वो वसिष्ठाः ३  
जुष्टी नरो ब्रह्मणा वः पितृणा मक्षमव्ययं न किला रिषाथ ।  
यच्छक्वरीषु बृहता रवेणेन्द्रे शुष्ममदधाता वसिष्ठाः ४  
उद् द्यामिवेत् तृष्णजो नाथितासो ऽदीधयुर्दाशराज्ञे वृतासः ।  
वसिष्ठस्य स्तुवत इन्द्रो अश्रो दुरुं तृत्सुभ्यो अकृणोदु लोकम् ५  
दृण्डा इवेद् गोअर्जनास आसन् परिच्छिन्ना भरता अर्भकासः ।  
अर्भवच्च पुरएता वसिष्ठ आदित् तृत्सूनां विशो अप्रथन्त ६  
त्रयः कृणवन्ति भुवनेषु रेतं स्तिस्रः प्रजा आर्या ज्योतिरग्राः ।  
त्रयो घर्मास उषसं सचन्ते सर्वा इत् तां अनु विदुर्वसिष्ठाः ७  
सूर्यस्येव वक्षथो ज्योतिरेषां समुद्रस्यैव महिमा गभीरः ।  
वातस्येव प्रजवो नान्येन स्तोर्मो वसिष्ठा अन्वैतवे वः ८  
त इन्निरयं हृदयस्य प्रकेतैः सहस्रवल्शमभि सं चरन्ति ।  
यमेन ततं परिधिं वयन्तो ऽप्सरस उप सेदुर्वसिष्ठाः ९  
विद्युतो ज्योतिः परि संजिहानं इमत्रावरुणा यदपश्यतां त्वा ।  
तत् ते जन्मोतैकं वसिष्ठा गस्त्यो यत् त्वा विश आजभारं १०  
उतासिं मैत्रावरुणो वसिष्ठो र्वश्या ब्रह्मन् मनसोऽधि जातः ।



द्रुप्सं स्कन्नं ब्रह्मणा दैव्येन विश्वे देवाः पुष्करे त्वाददन्त ११  
 स प्रकेत उभयस्य प्रविद्वान् सहस्रदान उत वा सदानः ।  
 यमेन ततं परिधिं वयिष्यन्नप्सरसः परि जज्ञे वसिष्ठः १२  
 सत्रे ह जाताविषिता नमोभिः कुम्भे रेतः सिषिचतुः समानम् ।  
 ततो ह मान उदियाय मध्यात् ततो जातमृषिमाहुर्वसिष्ठम् १३  
 उक्थभृतं सामभृतं इंबभर्ति ग्रावाणं इंबभ्रत् प्र वदात्यग्रे ।  
 उपैनमाध्वं सुमनस्यमाना आ वौ गच्छाति प्रतृदो वसिष्ठः १४  
 तृतीयोऽनुवाकः । सू० ३४-५५

## (३४) चतुस्त्रिंशं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-१५, १८-  
 २५) प्रथमादिपञ्चदशर्चामष्टादश्याद्यष्टानाञ्च विश्वे देवाः, (१६) षोडश्या अहिः,  
 (१७) सप्तदश्याश्चाहिर्बुध्न्यो देवताः । (१-२१) प्रथमाद्येकविंशत्यृचां द्विपदा  
 विराट्, (२२-२५) द्वाविंश्यादिचतसृणाञ्च त्रिष्टुप् छन्दसी  
 प्र शुक्रेतु देवी मनीषा अस्मत् सुतेष्टो रथो न वाजी १  
 विदुः पृथिव्या दिवो जनित्रं शृणवन्त्यापो अध क्षरन्तीः २  
 आपश्चिदस्मै पिन्वन्त पृथ्वी वृत्रेषु शूरा मंसन्त उग्राः ३  
 आ धूर्ष्वस्मै दधाताश्चा निन्द्रो न वज्री हिरण्यबाहुः ४  
 अभि प्र स्थाताहैव यज्ञं यातेव पत्नन् त्मना हिनोत ५  
 त्मना समत्सु हिनोत यज्ञं दधात केतुं जनाय वीरम् ६  
 उदस्य शुष्माद् भानुर्नार्तु बिभर्ति भारं पृथिवी न भूम ७  
 ह्यामि देवाँ अयातुरग्ने सार्धं वृतेन धियं दधामि ८  
 अभि वौ देवीं धियं दधिध्वं प्र वौ देवत्रा वाचं कृणुध्वम् ९  
 आ चष्ट आसां पाथो नदीनां वरुण उग्रः सहस्रचक्षाः १०  
 राजा राष्ट्रचफद्गानां पेशो नदीना मनुत्तमस्मै क्षत्रं विश्वायु ११  
 अविष्टो अस्मान् विश्वासु विद्वद् द्युं कृणोत् शंसं निनित्सोः १२  
 व्येतु दिद्युद् द्विषामशैवा युयोत् विष्वग्रपस्तनूनाम् १३  
 अवीन्नो अग्निर्हव्यान्नमोभिः प्रेष्ठो अस्मा अधायि स्तोमः १४  
 सजूर्देवेभिरपां नपातं सखायं कृध्वं शिवो नो अस्तु १५  
 अब्जामुक्थैरहिं गृणीषे बुध्ने नदीनां रजःसु षीदन् १६

मा नोऽहिर्बुध्न्यो रिषे धान्मा यज्ञो अस्य स्त्रिधृतायोः १७  
 उत न एषु नृषु श्रवो धुः प्र राये यन्तु शर्धन्तो अर्यः १८  
 तपन्ति शत्रुं स्वर्णं भूमा महासेनासो अमैभिरेषाम् १९  
 आ यन्नः पत्नीर्गमन्त्यच्छा त्वष्टा सुपाणिर्दधातु वीरान् २०  
 प्रति नः स्तोमं त्वष्टा जुषेत स्यादस्मे अरमतिर्वसूयुः २१  
 ता नो रासन् रातिषाचो वसून्त्या रोदसी वरुणानी शृणोतु ।  
 वरुत्रीभिः सुशरणो नो अस्तु त्वष्टा सुदत्रो वि दधातु रायः २२  
 तन्नो रायः पर्वतास्तन्न आपुस्तद् रातिषाच ओषधीरुत द्यौः ।  
 वनस्पतिभिः पृथिवी सजोषा उभे रोदसी परि पासतो नः २३  
 अनु तदुर्वी रोदसी जिहाता मनु द्युद्धो वरुण इन्द्रसखा ।  
 अनु विश्वे मरुतो ये सहासो रायः स्याम धरुणं धियध्वै २४  
 तन्न इन्द्रो वरुणो मित्रो अग्नि राप ओषधीर्वनिनो जुषन्त ।  
 शर्मन् तस्याम मरुतामुपस्थै यूयं पात स्वस्तिभिः सदा नः २५

(३५) पञ्चत्रिंशं सूक्तम्

(१-१५) पञ्चदशर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवता ।

त्रिष्टुप् छन्दः

शं न इन्द्राग्नी भवतामवोभिः शं न इन्द्रावरुणा रातहव्या ।  
 शमिन्द्रासोमा सुवितायु शं योः शं न इन्द्रापूषणा वाजसातौ १  
 शं नो भगः शर्मु नः शंसौ अस्तु शं नः पुरन्धिः शर्मु सन्तु रायः ।  
 शं नः सत्यस्य सुयमस्य शंसः शं नो अर्यमा पुरुजातो अस्तु २  
 शं नो धाता शर्मु धर्ता नो अस्तु शं न उरुची भवतु स्वधाभिः ।  
 शं रोदसी बृहती शं नो अद्रिः शं नो देवानां सुहवानि सन्तु ३  
 शं नो अग्निर्ज्योतिरनीको अस्तु शं नो मित्रावरुणावृश्विना शम् ।  
 शं नः सुकृतां सुकृतानि सन्तु शं न इषिरो अभि वातु वातः ४  
 शं नो द्यावापृथिवी पूर्वहतौ शमन्तरिद्धं दृशये नो अस्तु ।  
 शं न ओषधीर्वनिनो भवन्तु शं नो रजसस्पतिरस्तु जिष्णुः ५  
 शं न इन्द्रो वसुभिर्देवो अस्तु शमादित्येभिर्वरुणः सुशंसः ।  
 शं नो रुद्रो रुद्रेभिर्जलाषः शं नस्त्वष्टा ग्राभिरिह शृणोतु ६  
 शं नः सोमो भवतु ब्रह्म शं नः शं नो ग्रावाणः शर्मु सन्तु यज्ञाः ।

शं नः स्वरूणां मितयो भवन्तु शं नः प्रस्वः शम्वस्तु वेदिः ७  
 शं नः सूर्य उरुचक्षा उदैतु शं नश्चतस्रः प्रदिशौ भवन्तु ।  
 शं नः पर्वता ध्रुवयो भवन्तु शं नः सिन्धवः शमु सन्त्वापः ८  
 शं नो अदितिर्भवतु वृतेभिः शं नो भवन्तु मरुतः स्वर्काः ।  
 शं नो विष्णुः शमु पूषा नो अस्तु शं नो भवित्रं शम्वस्तु वायुः ९  
 शं नो देवः सविता त्रायमाणः शं नो भवन्तूषसो विभातीः ।  
 शं नः पर्जन्यो भवतु प्रजाभ्यः शं नः क्षेत्रस्य पतिरस्तु शंभुः १०  
 शं नो देवा विश्वदेवा भवन्तु शं सरस्वती सह धीभिरस्तु ।  
 शमभिषाचः शमु रातिषाचः शं नो दिव्याः पार्थिवाः शं नो अप्याः ११  
 शं नः सत्यस्य पतयो भवन्तु शं नो अर्वन्तः शमु सन्तु गार्वः ।  
 शं न ऋभर्वः सुकृतः सुहस्ताः शं नो भवन्तु पितरो हवेषु १२  
 शं नो अज एकपाद् देवो अस्तु शं नोऽहिर्बुध्यः शं समुद्रः ।  
 शं नो अपां नपात् पेरुरस्तु शं नः पृश्निर्भवतु देवगौपा १३  
 आदित्या रुद्रा वसवो जुषन्ते दं ब्रह्म क्रियमाणं नवीयः ।  
 शृगवन्तु नो दिव्याः पार्थिवासो गोजाता उत ये यज्ञियासः १४  
 ये देवानां यज्ञियां यज्ञियानां मनोर्यजत्रा अमृता ऋतज्ञाः ।  
 ते नो रासन्तामुरुगायमद्य यूयं पात स्वस्तिभिः सदा नः १५ चतुर्थोऽध्यायः  
 । व० १-३०

(३६) षट्त्रिंशं सूक्तम्

(१-६) नवर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

प्र ब्रह्मैतु सदानादृतस्य वि रश्मिभिः ससृजे सूर्यो गाः ।  
 वि सानुना पृथिवी संस्र उर्वी पृथु प्रतीकमध्येधे अग्निः १  
 इमां वा इमत्रावरुणा सुवृक्ति मिषं न कृणवे असुरा नवीयः ।  
 इनो वामन्यः पदवीरदब्धो जनं च मित्रो यतति बुवाणः २  
 आ वार्तस्य ध्वजतो रन्त इत्या अपीपयन्त धेनवो न सूदाः ।  
 महो दिवः सदाने जायमानो ऽचिक्रदद् वृषभः सस्मिन्नूर्धन् ३  
 गिरा य एता युनजद्धरी त इन्द्र प्रिया सुरथा शूर धायू ।  
 प्र यो मन्थुं रिरिक्ततो मिना त्या सुक्रतुमर्यमणं ववृत्याम् ४

यजन्ते अस्य सख्यं वयश्च नमस्विनः स्व ऋतस्य धामन् ।  
 वि पृक्षौ बाबधे नृभिः स्तवान इदं नमो रुद्राय प्रेष्ठम् ५  
 आ यत् साकं यशसौ वावशानाः सरस्वती सप्तथी सिन्धुमाता ।  
 याः सुष्वयन्त सुदुघाः सुधारा अभि स्वेन पर्यसा पीप्यानाः ६  
 उत त्ये नो मरुतौ मन्दसाना धियं तोकं च वाजिनोऽवन्तु ।  
 मा नः परि ख्यदक्षरा चरन्त्यवीवृधन् युज्यं ते रयिं नः ७  
 प्र वो महीमरमतिं कृणुध्वं प्र पूषणं विदथ्यं न वीरम् ।  
 भर्गं धियोऽवितारं नो अस्याः सातौ वाजं रातिषाचं पुरंधिम् ८  
 अच्छायं वो मरुतः श्लोकं एत्वच्छा विष्णुं निषिक्तपामवोभिः ।  
 उत प्रजायै गृणते वयो धुर्युयं पात स्वस्तिभिः सदा नः ९

(३७) सप्तत्रिंशं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

आ वो वाहिष्ठो वहतु स्तवध्वे रथो वाजा ऋभुक्षणो अमृक्तः ।  
 अभि त्रिपृष्ठैः सर्वनेषु सोमैर्मदे सुशिप्रा महभिः पूषध्वम् १  
 यूयं ह रत्नं मघवत्सु धत्थ स्वर्दृशं ऋभुक्षणो अमृक्तम् ।  
 सं यज्ञेषु स्वधावन्तः पिबध्वं वि नो राधांसि मतिभिर्दयध्वम् २  
 उवोचिथ हि मघवन् देष्णं महो अर्भस्य वसुनो विभागे ।  
 उभा तै पूषा वसुना गर्भस्ती न सूनृता नि यमते वसव्या ३  
 त्वमिन्द्र स्वयंशा ऋभुक्षा वाजो न साधुरस्तमेष्यक्वा ।  
 वयं नु तै दाश्वासः स्याम ब्रह्म कृणवन्तो हरिवो वसिष्ठाः ४  
 सनितासि प्रवतो दाशुषे चिद् याभिर्विवेषो हर्यश्च धीभिः ।  
 वृन्मा नु ते युज्याभिरूती कदा न इन्द्र राय आ दशस्येः ५  
 वासयसीव वेधसस्त्वं नः कदा न इन्द्र वचसो बुबोधः ।  
 अस्तं तात्या धिया रयिं सुवीरं पृक्षो नो अर्वा न्युहीत वाजी ६  
 अभि यं देवी निर्ऋतिश्चिदीशे नक्षन्त इन्द्रं शरदः सुपृक्षः ।  
 उपं त्रिबन्धुर्जरदष्टिमे त्यस्ववेशं यं कृणवन्त मर्ताः ७  
 आ नो राधांसि सवित स्तवध्या आ रायो यन्तु पर्वतस्य रातौ ।  
 सदा नो दिव्यः पायुः सिषक्तु यूयं पात स्वस्तिभिः सदा नः ८

## (३८) अष्टात्रिंशं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । (१-६) प्रथमादिषडृचां सविता, (६) षष्ठ्या उत्तरार्धस्य भगो वा, (७-८) सप्तम्यष्टम्योश्च वाजिनो देवताः । त्रिष्टुप् छन्दः

उदु ष्य देवः सविता ययाम हिरण्ययीममतिं यामशिश्नेत् ।  
 नूनं भगो हव्यो मानुषेभिर्वि यो रत्नां पुरुवसुर्दधाति १  
 उदु तिष्ठ सवितः श्रुध्यश्स्य हिरण्यपाणे प्रभृतावृतस्य ।  
 व्युर्वी पृथ्वीममतिं सृजान आ नृभ्यो मर्तभोजनं सुवानः २  
 अपि ष्टतः सविता देवो अस्तु यमा चिद् विश्वे वसवो गृणन्ति ।  
 स नः स्तोमान् नमस्यश्चनो धाद् विश्वेभिः पातु पायुभिर्नि सूरीन् ३  
 अभि यं देव्यदितिर्गृणाति स्रवं देवस्य सवितुर्जुषाणा ।  
 अभि सम्राजो वरुणो गृणन्त्यभि मित्रासो अर्यमा सजोषाः ४  
 अभि ये मिथो वनुषः सपन्ते रातिं दिवो रातिषाचः पृथिव्याः ।  
 अहिर्बुध्न्य उत नः शृणोतु वरुण्येकधेनुभिर्नि पातु ५  
 अनु तन्नो जास्पतिर्मसीष्ट रत्नं देवस्य सवितुरियानः ।  
 भर्गुगोऽवसे जोहवीति भगमनुगो अर्धं याति रत्नम् ६  
 शं नो भवन्तु वाजिनो हवेषु देवताता मितद्रवः स्वर्काः ।  
 जम्भयन्तोऽहिं वृकं रत्नांसि सनेम्यस्मद् युयवन्नमीवाः ७  
 वाजैवाजेऽवत वाजिनो नो धनेषु विप्रा अमृता ऋतज्ञाः ।  
 अस्य मध्वः पिबत मादयध्वं तृप्ता यात पृथिभिर्देवयानैः ८

## (३९) एकोनचत्वारिंशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

ऊर्ध्वो अग्निः सुमतिं वस्वो अश्नेत् प्रतीची जूशिर्देवतातिमेति ।  
 भेजाते अद्री रथ्यैव पन्था मृतं होता न इषितो यजाति १  
 प्र वावृजे सुप्रया बहिरेषा मा विश्पतीव बीरिट इयाते ।  
 विशामक्तोरुषसः पूर्वहूतौ वायुः पूषा स्वस्तयै नियुत्वान् २  
 ज्मया अत्र वसवो रन्त देवा उरावन्तरिक्षे मर्जयन्त शुभ्राः ।

अ॒र्वाक॑ प॒थ उ॑रु॒जयः॑ कृ॒णुध्वं॑ श्रो॒तां दू॑तस्य॒ जग्मु॑षो नो अ॒स्य ३  
ते हि य॒ज्ञेषु॑ य॒ज्ञिया॑स ऊ॒माः स॒धस्थं॑ वि॒श्वे अ॒भि सन्ति॑ दे॒वाः ।  
तां अ॒ध्वर॑ उ॒शतो॑ य॒क्ष्यग्ने॑ श्रु॒ष्टी भग॑ं नास॒त्या पु॑रं॒धिम् ४  
आग्ने॑ गि॒रौ दि॒व आ पृ॑थि॒व्या मि॒त्रं वह॑ वरु॒णमिन्द्र॑म॒ग्निम् ।  
आ॒र्यम॑ण॒मदि॑तिं वि॒ष्णुमेषां॑ सर॒स्वती म॒रुतौ॑ मा॒दय॑न्ताम् ५  
रे ह॒व्यं म॒तिभिर्य॑ज्ञि॒यानां॑ नक्ष॒त् कामं॑ म॒र्त्याना॑मसि॒न्वन् ।  
धा॒ता र॒यिम॑वि॒दस्य॑ स॒दासां॑ स॒क्षीम॑हि यु॒ज्येभि॑र्नु दे॒वैः ६  
नू रो॑द॒सी अ॒भिष्ट॑ते वसि॒ष्ठे ऋ॑तावा॒नो वरु॑णो मि॒त्रो अ॒ग्निः ।  
यच्छ॑न्तु च॒न्द्रा उ॑प॒मं नो॑ अ॒र्कं यू॒यं पा॑त स्व॒स्तिभिः॑ सदा॑ नः ७

(४०) चत्वारिंशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

ओ श्रु॒ष्टिर्वि॑द॒थ्या॒इ॒ समै॑तु॒ प्रति॑ स्तोमं॒ दधी॑महि॒ तुरा॑णाम् ।  
यद॒द्य दे॒वः स॑वि॒ता सु॒वाति॑ स्या॒मास्य॑ र॒त्विनो॑ विभा॒गे १  
मि॒त्रस्त॒न्नो वरु॑णो रो॒दसी॑ च द्यु॒भक्त॑मिन्द्रो॒ अर्य॑मा द॒दातु॑ ।  
दि॒दैष्टु॑ दे॒व्यदि॑ती रे॒कणो॑ वा॒युश्च॑ यन्नियु॒वैते॑ भग॒श्च २  
सेदु॑ग्रो अ॒स्तु म॒रुतः॑ स श॒ष्मी यं म॒र्त्ये पृ॑षदश्चा॒ अवा॑थ ।  
उ॒तेम॑ग्निः सर॒स्वती जु॑नन्ति॒ न तस्य॑ रा॒यः पर्ये॑तास्ति॒ ३  
अ॒यं हि ने॒ता वरु॑ण ऋ॒तस्य॑ मि॒त्रो राजा॑नो अ॒र्यमा॑पो धुः ।  
सु॒हवा॑ दे॒व्यदि॑तिर॒नुवा॑ ते नो अ॒ंहो अ॒ति प॑र्ष॒न्नरि॑ष्टान् ४  
अ॒स्य दे॒वस्य॑ मी॒ळह॑षो व॒या वि॒ष्णो रेष॑स्य॒ प्रभृ॑थे ह॒विर्भिः॑ ।  
वि॒दे हि रु॒द्रो रु॒द्रियं॑ म॒हित्वं या॑सिष्टं व॒तिर॑श्वि॒नावि॑रावत् ५  
मा॒त्रं पू॑ष॒न्नाघृ॑ण इ॒रस्यो॑ वरु॒त्री यद् रा॑ति॒षाच॑श्च रा॒सन् ।  
म॒योभु॑वो नो अ॒र्वन्तो॑ नि पा॒न्तु वृ॑ष्टिं परि॒ज्मा वा॑तो द॒दातु॑ ६  
नू रो॑द॒सी अ॒भिष्ट॑ते वसि॒ष्ठे ऋ॑तावा॒नो वरु॑णो मि॒त्रो अ॒ग्निः ।  
यच्छ॑न्तु च॒न्द्रा उ॑प॒मं नो॑ अ॒र्कं यू॒यं पा॑त स्व॒स्तिभिः॑ सदा॑ नः ७

(४१) एकचत्वारिंशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१)

प्रथमर्चोऽग्नीन्द्रमित्रावरुणाश्विभगपूषब्रह्मणस्पतिसोमरुद्राः, (२-६) द्वितीयादिपञ्चानां भगः, (७) सप्तम्याश्चोषसो देवताः । (१) प्रथमर्चो जगती, (२-७)

द्वितीयादिषण्णाञ्च त्रिष्टुप् छन्दसी

प्रातरग्निं प्रातरिन्द्रं हवामहे प्रातर्मित्रावरुणा प्रातरश्विना ।  
प्रातर्भगं पूषणं ब्रह्मणस्पतिं प्रातः सोममुत रुद्रं हुवेम १  
प्रातर्जितं भगमुग्रं हुवेम वयं पुत्रमदितेर्यो विधर्ता ।  
आध्रश्चिद् यं मन्यमानस्तुरश्चिद् राजा चिद् यं भगं भृक्षीत्याह २  
भग प्रणेतर्भग सत्यराधो भगेमां धियमुदवा ददन्नः ।  
भग प्र णौ जनय गोभिरश्वैर्भग प्र नृभिर्नृवन्तः स्याम ३  
उतेदानीं भगवन्तः स्यामो त प्रपित्व उत मध्ये अहाम् ।  
उतोदिता मघवन् त्सूर्यस्य वयं देवानां सुमतौ स्याम ४  
भग एव भगवाँ अस्तु देवा स्तेन वयं भगवन्तः स्याम ।  
तं त्वो भग सर्व इज्जोहवीति स नो भग पुरेता भवेह ५  
समध्वरायोषसो नमन्त दधिक्रावेव शुचये पदाय ।  
अर्वाचीनं वसुविद् भग नो रथमिवाश्वा वाजिन आ वहन्तु ६  
अश्वावतीर्गोमतीर्न उषासो वीरवतीः सदमुच्छन्तु भद्राः ।  
घृतं दुहाना विश्वतः प्रपीता यूयं पात स्वस्तिभिः सदा नः ७

(४२) द्विचत्वारिंशं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

प्र ब्रह्माणो अङ्गिरसो नक्षन्त प्र क्रन्दनुर्नभ्यस्य वेतु ।  
प्र धेनव उदप्रुतौ नवन्त युज्यातामद्री अध्वरस्य पेशः १  
सुगस्ते अग्ने सनवित्तो अध्वा युद्धवा सुते हरितो रोहितश्च ।  
ये वा सद्यन्नरूषा वीरवाहो हुवे देवानां जनिमानि सत्तः २  
समु वो यज्ञं महयन् नमोभिः प्र होता मन्द्रो रिरिच उपाके ।  
यजस्व सु पुर्वणीक देवा ना यज्ञियामरमतिं ववृत्याः ३  
यदा वीरस्य रेवतो दुरोणे स्यौनशीरतिथिराचिकेतत् ।  
सुप्रीतो अग्निः सुधितो दम आ स विशे दाति वार्यमियत्यै ४

इमं नो अग्ने अध्वरं जुषस्व मरुत्स्विन्द्रै यशसं कृधी नः ।  
आ नक्ता बर्हिः सदतामुषासो शन्ता मित्रावरुणा यजेह ५  
एवाग्निं सहस्यं वसिष्ठो रायस्कांमो विश्वप्सून्यस्य स्तौत् ।  
इषं रयिं पप्रथद् वाजमस्मे यूयं पात स्वस्तिभिः सदा नः ६

(४३) त्रिचत्वारिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

प्र वो यज्ञेषु देवयन्तौ अर्चन् द्यावा नमोभिः पृथिवी इषध्वै ।  
येषां ब्रह्माण्यसमानि विप्रा विष्वग्वियन्ति वनिनो न शाखाः १  
प्र यज्ञ एतु हेत्वो न सप्ति रुद्यच्छध्वं समनसो घृताचीः ।  
स्तृणीत बर्हिरध्वराय साधूर्ध्वा शोचीषि देवयून्यस्थुः २  
आ पुत्रासो न मातरं विभृत्राः सानौ देवासो बर्हिषः सदन्तु ।  
आ विश्वाची विदथ्यामनक्त्वग्ने मा नो देवताता मृधस्कः ३  
ते सीषपन्त जोषमा यजत्रा ऋतस्य धाराः सुदुघा दुहानाः ।  
ज्येष्ठं वो अद्य मह आ वसूना मा गन्तन् समनसो यति ष ४  
एवा नो अग्ने विद्ध्वा दशस्य त्वया वयं सहसावन्नास्काः ।  
राया युजा सधमादो अरिष्टा यूयं पात स्वस्तिभिः सदा नः ५

(४४) चतुश्चत्वारिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्चो  
दधिक्राश्व्युषोऽग्निभगेन्द्रविष्णुपूषब्रह्मणस्पत्यादित्यद्यावापृथिव्यापः, (२-५)  
द्वितीयादिचतसृणाञ्च दधिक्रा देवताः । (१) प्रथमर्चो जगती, (२-५)

द्वितीयादिचतसृणाञ्च त्रिष्टुप् छन्दसी

दधिक्रां वः प्रथममश्विनोषसं मग्निं समिद्धं भगमूतये हुवे ।  
इन्द्रं विष्णुं पूषणं ब्रह्मणस्पतिं मादित्यान् द्यावापृथिवी अपः स्वः १  
दधिक्रामु नमसा बोधयन्त उदीराणा यज्ञमुपप्रयन्तः ।  
इळां देवीं बर्हिषि सादयन्तो ऽश्विना विप्रा सुहवा हुवेम २  
दधिक्रावाणं बुबुधानो अग्निं मुपं ब्रुव उषसं सूर्यं गाम् ।  
ब्रध्नं मश्वतोर्वरुणस्य ब्रध्नं ते विश्वास्मद् दुरिता यावयन्तु ३



दुधिक्रावा प्रथमो वाज्यर्वा ऽग्ने रथानां भवति प्रजानन् ।  
 संविदान उषसा सूर्येणा ऽऽदित्येभिर्वसुभिरङ्गिरोभिः ४  
 आ नो दधिक्राः पथ्यामनक्त्वृ तस्य पन्थामन्वैतवा उ ।  
 शृणोतु नो दैव्यं शर्धो अग्निः शृणवन्तु विश्वे महिषा अमूराः ५

(४५) पञ्चचत्वारिंशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । सविता देवता ।

त्रिष्टुप् छन्दः

आ देवो यातु सविता सुरत्नोऽन्तरिक्षप्रा वहमानो अश्वैः ।  
 हस्ते दधानो नर्या पुरुणि निवेशयञ्च प्रसुवञ्च भूम १  
 उदस्य ब्राह्म शिथिरा बृहन्ता हिरण्यया दिवो अन्ता अनष्टाम् ।  
 नूनं सो अस्य महिमा पेनिष्ट सूरश्चिदस्मा अनु दादपस्याम् २  
 स घा नो देवः सविता सहावा ऽऽ साविषद् वसुपतिर्वसूनि ।  
 विश्रयमाणो अमतिमुरूचीं मर्तभोजनमध रासते नः ३  
 इमा गिरः सवितारं सुजिह्वं पूर्णगभस्तिमीळते सुपाणिम् ।  
 चित्रं वयो बृहदस्मे दधातु यूयं पात स्वस्तिभिः सदा नः ४

(४६) षट्चत्वारिंशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । रुद्रो देवता । (१-३)

प्रथमादितृचस्य जगती, (४) चतुर्थ्या ऋचश्च त्रिष्टुप् छन्दसी

इमा रुद्राय स्थिरधन्वने गिरः क्षिप्रेषवे देवाय स्वधावने ।  
 अषाळहाय सहमानाय वेधसे तिग्मायुधाय भरता शृणोतु नः १  
 स हि क्षयैण क्षम्यस्य जन्मनः साम्राज्येन दिव्यस्य चेतति ।  
 अवन्नवन्तीरुप नो दुर्श्वराऽनमीवो रुद्र जासु नो भव २  
 या ते दिद्युदर्वसृष्टा दिवस्परि क्षमया चरति परि सा वृणक्तु नः ।  
 सहस्रं ते स्वपिवात भेषजा मा नस्तोकेषु तनयेषु रीरिषः ३  
 मा नो वधी रुद्र मा परा दा मा ते भूम प्रसितौ हीळितस्य ।  
 आ नो भज बर्हिषि जीवशंसे यूयं पात स्वस्तिभिः सदा नः ४

(४७) सप्तचत्वारिंशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । आपो देवताः ।

त्रिष्टुप् छन्दः

आपो यं वः प्रथमं देवयन्त इन्द्रपानमूर्मिमकृणवतेळः ।  
तं वो वयं शुचिमरिप्रमद्य घृतप्रुषं मधुमन्तं वनेम १  
तमूर्मिमापो मधुमत्तमं वो ऽपां नपादवत्वाशहेमा ।  
यस्मिन्निन्द्रो वसुभिर्मादयाते तमश्याम देवयन्तो वो अद्य २  
शतपवित्राः स्वधया मदन्ती देवीर्देवानामपि यन्ति पार्थः ।  
ता इन्द्रस्य न मिनन्ति वृतानि सिन्धुभ्यो हव्यं घृतवज्जुहोत ३  
याः सूर्यो रश्मिभिराततान् याभ्य इन्द्रो अरदद् गातुमूर्मिम् ।  
ते सिन्धवो वरिवो धातना नो यूयं पात स्वस्तिभिः सदा नः ४

(४८) अष्टचत्वारिंशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । (१-३)

प्रथमादितृचस्य ऋभवः, (४) चतुर्थ्या ऋचश्च ऋभवो विश्वे देवा वा देवताः ।

त्रिष्टुप् छन्दः

ऋभुक्षणे वाजा मादयध्वमस्मे नरो मघवानः सुतस्य ।  
आ वोऽर्वाचः क्रतवो न यातां विभवो रथं नर्यं वर्तयन्तु १  
ऋभुर्ऋभुभिरभि वः स्याम विभवो विभुभिः शवसा शवासि ।  
वाजो अस्माँ अवतु वाजसाता विन्द्रेण युजा तरुषेम वृत्रम् २  
ते चिद्धि पूर्वीरभि सन्ति शासा विश्वाँ अर्य उंपरताति वन्वन् ।  
इन्द्रो विभ्वाँ ऋभुक्षा वाजो अर्यः शत्रौर्मिथत्या कृणवन् वि नृणाम् ३  
नू देवासो वरिवः कर्तना नो भूत नो विश्वेऽवसे सजोषाः ।  
समस्मे इषं वसवो ददीरन् यूयं पात स्वस्तिभिः सदा नः ४

(४९) एकोनपञ्चाशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । आपो देवताः ।

त्रिष्टुप् छन्दः

समुद्रज्यैष्ठाः सलिलस्य मध्यात् पुनाना यन्त्यनिविशमानाः ।  
इन्द्रो या वज्री वृषभो रराद् ता आपो देवीरिह मामवन्तु १  
या आपो दिव्या उत वा स्रवन्ति खनित्रिमा उत वा याः स्वयंजाः ।

समुद्रार्था याः शुचयः पावकास्ता आपौ देवीरिह मामवन्तु २  
यासां राजा वरुणो याति मध्ये सत्यानृते अवपश्यञ्जनानाम् ।  
मधुश्रुतः शुचयो याः पावकास्ता आपौ देवीरिह मामवन्तु ३  
यासु राजा वरुणो यासु सोमो विश्वे देवा यासूर्जं मदन्ति ।  
वैश्वानरो यास्वग्निः प्रविष्टस्ता आपौ देवीरिह मामवन्तु ४

(५०) पञ्चाशं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्चो  
मित्रावरुणौ, (२) द्वितीयाया अग्निः, (३) तृतीयाया विश्वे देवाः, (४)  
चतुर्थ्याश्च नद्यो देवताः । (१-३) प्रथमादितृचस्य जगती, (४) चतुर्थ्या  
ऋचश्चातिजगती शक्वरी वा छन्दसी

आ मां इमंत्रावरुणेह रक्षतं कुलाययद् विश्वयन्मा न आ गन् ।  
अजकावं दुर्दृशीकं तिरो दधे मा मां पद्यैन् रपसा विदत् त्सरुः १  
यद् विजामन् परुषि वन्दनं भुव दष्टीवन्तौ परि कुल्फौ च देहत् ।  
अग्निष्टच्छोचन्नप बाधतामितो मा मां पद्यैन् रपसा विदत् त्सरुः २  
यच्छल्मलौ भवति यन्नदीषु यदोषधीभ्यः परि जायते विषम् ।  
विश्वे देवा निरितस्तत् सुवन्तु मा मां पद्यैन् रपसा विदत् त्सरुः ३  
याः प्रवतौ निवत उद्धत उदन्वतीरनुदकाश्च याः ।  
ता अस्मभ्यं पर्यसा पिन्वमानाः शिवा देवीरशिपदा भवन्तु सर्वा नद्यो  
अशिमिदा भवन्तु ४

(५१) एकपञ्चाशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । आदित्या देवताः ।  
त्रिष्टुप् छन्दः

आदित्यानामवसा नूतनेन सक्षीमहि शर्मणा शन्तमेन ।  
अनागास्त्वे अदितित्वे तुरास इमं यज्ञं दधतु श्रोषमाणाः १  
आदित्यासो अदितिर्मादयन्तां इमत्रो अर्यमा वरुणो रजिष्ठाः ।  
अस्माकं सन्तु भुवनस्य गोपाः पिबन्तु सोममवसे नो अद्य २  
आदित्या विश्वे मरुतश्च विश्वे देवाश्च विश्वे ऋभवश्च विश्वे ।  
इन्द्रो अग्निरश्विना तुष्टुवाना यूयं पात स्वस्तिभिः सदा नः ३

(५२) द्विपञ्चाशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । आदित्यो देवताः ।

त्रिष्टुप् छन्दः

आदित्यासो अदितयः स्याम पूदेवत्रा वसवो मर्त्यत्रा ।  
सनेम मित्रावरुणा सनन्तो भवेम द्यावापृथिवी भवन्तः १  
मित्रस्तन्नो वरुणो मामहन्त शर्म तोकाय तनयाय गोपाः ।  
मा वौ भुजेमान्यजातमेनो मा तत् कर्म वसवो यच्चर्यध्वे २  
तुरगयवोऽङ्गिरसो नक्षन्त रत्न देवस्य सवितुरियाणाः ।  
पिता च तन्नो महान् यजत्रो विश्वे देवाः समनसो जुषन्त ३

(५३) त्रिपञ्चाशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । द्यावापृथिव्यौ देवते ।

त्रिष्टुप् छन्दः

प्र द्यावा यज्ञैः पृथिवी नमोभिः स्वाध ईळे बृहती यजत्रे ।  
ते चिद्धि पूर्वे कवयो गृणन्तः पुरो मही दधिरे देवपुत्रे १  
प्र पूर्वजे पितरा नव्यसीभिर्गीर्भिः कृणुध्वं सदाने ऋतस्य ।  
आ नो द्यावापृथिवी दैव्येन जनैन यात महि वां वरूथम् २  
उतो हि वां रत्नधेरानि सन्ति पुरुणि द्यावापृथिवी सुदासै ।  
अस्मे धत्तं यदसदस्कृधोयु यूयं पात स्वस्तिभिः सदा नः ३

(५४) चतुष्पञ्चाशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । वास्तोष्पतिर्देवता ।

त्रिष्टुप् छन्दः

वास्तौष्पते प्रति जानीह्यस्मान् त्वावेशो अनमीवो भवा नः ।  
यत् त्वेमहे प्रति तन्नो जुषस्व शं नो भव द्विपदे शं चतुष्पदे १  
वास्तौष्पते प्रतरणो न एधि गयस्फानो गोभिरश्वैभिरिन्दो ।  
अजरासस्ते सख्ये स्याम पितेव पुत्रान् प्रति नो जुषस्व २  
वास्तौष्पते शग्मया संसदा ते सन्नीमहि रगवया गातुमत्या ।  
पाहि क्षेम उत योगे वरं नो यूयं पात स्वस्तिभिः सदा नः ३

## (५५) पञ्चपञ्चाशं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्चो  
वास्तोष्पतिः, (२-८) द्वितीयादिसप्तानाञ्चेन्द्रो देवते । (१) प्रथमर्चो गायत्री,  
(२-४) द्वितीयादितृचस्योपरिष्ठाद्बृहती,  
(५-८) पञ्चम्यादिचतसृणाञ्चानुष्टुप् छन्दांसि

अमीवहा वास्तोष्पते विश्वा रूपाण्याविशन् । सर्वा सुशेव एधि नः १  
यदर्जुन सारमेय दतः पिशङ्ग यच्छसे ।

वीव भ्राजन्त ऋष्टय उप स्रक्वेषु बप्सतो नि षु स्वप २  
स्तेनं राय सारमेय तस्करं वा पुनःसर ।

स्तोतृनिन्द्रस्य रायसि किमुस्मान् दुच्छुनायसे नि षु स्वप ३  
त्वं सूकरस्य दर्दहि तव दर्दतु सूकरः ।

स्तोतृनिन्द्रस्य रायसि किमुस्मान् दुच्छुनायसे नि षु स्वप ४  
सस्तु माता सस्तु पिता सस्तु श्वा सस्तु विश्पतिः ।

ससन्तु सर्वे ज्ञातयः सस्त्वयमभितो जनः ५  
य आस्ते यश्च चरति यश्च पश्यति नो जनः ।

तेषां सं हन्मो अक्षाणि यथेदं हर्म्य तथा ६  
सहस्रशृङ्गो वृषभो यः समुद्रादुदाचरत् ।

तेनां सहस्र्येना वयं नि जनान् त्वापयामसि ७  
प्रोष्ठेशया वह्येशया नारीर्यास्तल्पशीवरीः ।

स्त्रियो याः पुण्यगन्धास्ताः सर्वाः स्वापयामसि ८  
चतुर्थोऽनुवाकः । सू० ५६-७०

## (५६) षट्पञ्चाशं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । मरुतो देवताः ।

(१-११) प्रथमाद्येकादशर्चा द्विपदा विराट्, (१२-२५) द्वादश्यादिचतुर्दशानाञ्च  
त्रिष्टुप् छन्दसी

क ई व्यक्ता नरः सनीळा रुद्रस्य मर्या अधा स्वश्वाः १

नकिह्येषां जनूषि वेद ते अङ्ग विद्रे मिथो जनित्रम् १ २

अभि स्वपूभिर्मिथो वपन्त वार्तस्वनसः श्येना अस्पृधन् ३

ए॒तानि॒ धी॒रौ नि॒श्या चि॑के॒त पृ॑श्नि॒र्यदू॑धौ म॒ही ज॒भारं २ ४  
 सा वि॒ट् सु॒वीरा॑ म॒रुद्भि॑रस्तु स॒नात् स॒हन्ती॑ पु॒ष्यन्ती॑ नृ॒मण॑म् ५  
 यामं॑ ये॒ष्टाः श॒भा शो॑भि॒ष्टाः श्रि॒या संमि॑श्ल॒ा ओ॒जौभि॑रु॒ग्राः ३ ६  
 उ॒ग्रं व॒ ओ॒जः स्थि॑रा श॒वांस्य॑धा॒ म॒रुद्भि॑र्गु॒णस्तु॑वि॒ष्मान् ७  
 श॒भ्रो वः॑ शु॒ष्मः क्रु॑ध्मी म॒नांसि॑ धु॒निर्मु॑निरि॒व श॒र्धस्य॑ धृ॒ष्णोः ४ ८  
 स॒नैम्य॑स्मद् यु॒योत॑ दि॒द्युं मा वौ दु॑र्म॒तिरि॑ह प्र॒ण॒ङ्गनः॑ ९  
 प्रि॒या वो॑ नाम॒ हुवे॑ तु॒राणा॑ मा यत् तृ॒पन्म॑रुतो वावशा॒नाः ५ १०  
 स्वा॒युधा॑सं इ॒ष्मिणः॑ सु॒निष्का॑ उ॒त स्व॒यं त॒न्वशः॑ शु॒ष्ममा॑नाः ६ ११  
 शु॒ची॑ वो ह॒व्या म॑रुतः शु॒चीनां॑ शु॒चिं हि॑नो॒म्यध्व॑रं शु॒चिभ्यः॑ ।  
 ऋ॒तेन॑ स॒त्यमृ॑तसाप॒ आय॑ ङ्छु॒चिज॑न्मानः शु॒चयः॑ पा॒वकाः॑ १२  
 अंसे॒ष्वा म॑रुतः खा॒दयो॑ वो व॒क्षःसु॑ रु॒क्मा उ॑पशि॒श्रिया॑णाः ।  
 वि वि॒द्युतो॑ न वृ॒ष्टिभी॑ रु॒चाना॑ अनु॒ स्व॒धामा॑यु॒धैर्यच्छ॑मानाः १३  
 प्र बु॒ध्या व ई॑रते॒ महा॑सि॒ प्र नामा॑नि प्र॒यज्य॑वस्ति॒रध्व॑म् ।  
 स॒हस्त्रि॑यं द॒म्यं भा॑गमे॒तं गृ॑हमे॒धीर्य॑ मरुतो जुषध्वम् १४  
 यदि॑ स्तु॒तस्य॑ मरुतो अधी॒थे त्था॑ वि॒प्रस्य॑ वा॒जिनो॑ ह॒वीमन् ।  
 म॒क्षू रा॑यः सु॒वीर्य॑स्य दा॒त नू चि॑द् यम॒न्य आ॑दभ॒दरा॑वा १५  
 अ॒त्यासो॑ न ये म॒रुतः॑ स्व॒ञ्चौ य॑क्ष॒दृशो॑ न श॒भय॑न्त॒ मर्याः॑ ।  
 ते ह॒र्म्येष्टाः॑ शि॒शवो॑ न श॒भ्रा व॑त्सासो न प्र॒क्रीळि॑नः प॒योधाः॑ १६  
 द॒शस्य॑न्तौ नो म॒रुतौ॑ मृ॒ळन्तु॑ वरि॒वस्य॑न्तो रो॒दसी॑ सु॒मेके॑ ।  
 आ॒रे गो॑हा नृहा वृ॒धो वौ अ॑स्तु सु॒म्नेभि॑र॒स्मे व॑सवो नमध्वम् १७  
 आ वो॑ हो॒ता जो॑हवीति स॒त्तः स॒त्राचीं॑ रा॒तिं म॑रुतो गृ॒णानः॑ ।  
 य ई॒र्वतो॑ वृष॒णो अ॑स्ति गो॒पाः सो अ॑द्व॒यावी॑ हवते व उ॒क्थैः॑ १८  
 इ॒मे तु॑रं म॒रुतौ॑ रा॒मय॑न्ती॒ मे स॒हः स॒हस॑ आ न॑मन्ति ।  
 इ॒मे शंसं॑ वनु॒ष्यतो॑ नि पा॒न्ति गुरु॑ द्वेषो अ॒ररु॑षे दधन्ति १९  
 इ॒मे र॒ध्रं चि॑न्म॒रुतौ॑ जु॒नन्ति॑ भृ॒मिं चि॑द् यथा वस॒वो जु॑षन्त॒ ।  
 अ॒प॒ बा॒धध्वं॑ वृष॒णस्त॑मांसि ध॒त्त वि॒श्वं त॑नयं तो॒कम॑स्मे २०  
 मा वौ दा॒त्रान्म॑रुतो नि॒रराम॑ मा प॒श्चाद् द॑ध्म रथ्यो वि॒भागे॑ ।  
 आ नः॑ स्पा॒र्हे भ॑जतना वस॒व्येइ॑ यदी॒ सुजा॑तं वृष॒णो वो॑ अस्ति २१  
 सं य॒द्धन॑न्त॒ मन्यु॑भि॒र्जना॑सः शू॒रा य॒हीष्वा॑षधीषु वि॒क्षु ।  
 अ॒र्धं स्मा॑ नो मरुतो रु॒द्रिया॑स॒ स्रा॒तारौ॑ भू॒त पृ॑त॒नास्व॑र्यः २२

भूरि चक्र मरुतः पित्र्याण्युक्थानि या वः शस्यन्तै पुरा चित् ।  
 मरुद्भिरुग्रः पृतनासु साळ्हा मरुद्भिरित् सनिता वाजमर्वा २३  
 अस्मे वीरो मरुतः शष्यस्तु जनानां यो असुरो विधर्ता ।  
 अपो येन सुद्वितये तरेमाऽध स्वमोकौ अभि वः स्याम २४  
 तन्न इन्द्रो वरुणो मित्रो अग्नि राप् ओषधीर्वनिनो जुषन्त ।  
 शर्मन् तस्याम मरुतामुपस्थै यूयं पात स्वस्तिभिः सदा नः २५

## (५७) सप्तपञ्चाशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । मरुतो देवताः ।

त्रिष्टुप् छन्दः

मध्वो वो नाम् मारुतं यजत्राः प्र यज्ञेषु शर्वसा मदन्ति ।  
 ये रेजर्यन्ति रोदसी चिदुर्वी पिन्वन्त्युत्सं यदयासुरुग्राः १  
 निचेतारो हि मरुतो गृणन्तं प्रणेतारो यजमानस्य मन्म ।  
 अस्माकमद्य विदथेषु बर्हि रा वीतये सदत पिप्रियाणाः २  
 नैतावदन्ये मरुतो यथेमे भ्राजन्ते रुक्मैरायुधैस्तनूभिः ।  
 आ रोदसी विश्वपिशाः पिशानाः समानमञ्जयञ्जते शभे कम् ३  
 ऋधक् सा वो मरुतो दिद्युदस्तु यद् व आगः पुरुषता कराम ।  
 मा वस्तस्यामपि भूमा यजत्रा अस्मे वो अस्तु सुमतिश्चनिष्ठा ४  
 कृते चिदत्रं मरुतो रणन्ताऽनवद्यासः शुचयः पावकाः ।  
 प्र शोऽवत सुमतिभिर्यजत्राः प्र वाजैभिस्तिरत पुष्यसै नः ५  
 उत स्तुतासो मरुतो व्यन्तु विश्वेभिर्नामभिर्नरो हवींषि ।  
 ददात नो अमृतस्य प्रजायै जिगृत रायः सूनृता मघानि ६  
 आ स्तुतासो मरुतो विश्वं ऊती अच्छा सूरिन्त्सर्वताता जिगात ।  
 ये न्स्तमना शतिनो वर्धयन्ति यूयं पात स्वस्तिभिः सदा नः ७

## (५८) अष्टपञ्चाशं सूक्तम्

(१-६) षड्चस्यास्य सूक्तस्य मैत्रावरुणिर्वसिष्ठ ऋषिः । मरुतो देवताः ।

त्रिष्टुप् छन्दः

प्र साकमुद्धै अर्चता गणाय यो दैव्यस्य धाम्नुस्तुविष्मान् ।  
 उत दौदन्ति रोदसी महित्वा नक्षन्ते नाकं निर्ऋतेरवंशात् १

ज॒नूश्चि॒द् वो मरु॑तस्त्वे॒ष्वै॒ण भी॑मा॒स॒स्तु॒वि॒म॒न्य॒वोऽया॑सः ।  
 प्र ये म॒हौ॒भि॒रोज॑सो॒त स॒न्ति॒ विश्वो॑ वो॒ याम॑न् भयते स्व॒र्दृक् २  
 बृ॒हद् व॒यो म॒घ॒र्व॒द्धो द॒धात् जु॒जौष॑न्नि॒म॒रुतः॑ सु॒ष्टुतिं॑ नः ।  
 गु॒तो ना॒ध्वा वि॒ तिरा॑ति ज॒न्तुं प्र॒ णः॑ स्पा॒र्हाभि॑रू॒तिभि॑स्तिरेत ३  
 यु॒ष्मोतो॑ विप्रौ मरुतः श॒त॒स्वी यु॒ष्मोतो॑ अ॒र्वा स॒हृ॒रिः स॒हृ॒स्त्री ।  
 यु॒ष्मोतः॑ स॒म्राळ॑त ह॒न्ति वृ॒त्रं प्र॒ तद् वो॑ अस्तु धू॒तयो॑ दे॒ष्णम् ४  
 तां आ॒ रु॒द्रस्य॑ मी॒ळ॒हृषो॑ वि॒वासे॑ कु॒वि॒न्नं॑स॒न्ते म॒रुतः॑ पु॒न॒र्नः ।  
 यत् स॒स्व॒र्ता जि॒हीळि॑रे यदा॒वि र॒व॒ तदे॑न ई॒महे॑ तु॒राणा॑म् ५  
 प्र सा वा॑चि सु॒ष्टुति॑र्म॒घोना॑ मि॒दं सू॒क्तं म॒रुतो॑ जुषन्त ।  
 आ॒रा॒ञ्चि॒द् द्वेषो॑ वृ॒षणो॑ यु॒योत॒ यूयं॑ पा॒त स्व॒स्तिभिः॑ सदा॑ नः ६

(५६) एकोनषष्टितमं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । (१-११)

प्रथमाद्येकादशर्चा मरुतः (१२) द्वादश्याश्च रुद्रो देवताः । (१-६)

प्रथमादितृचद्वयस्य प्रगाथः ( विषमर्चा बृहती, समर्चा सतोबृहती ), (७-८)

सप्तम्यष्टम्योर्ऋचोस्त्रिष्टुप्, (६-११) नवम्यादितृचस्य गायत्री, (१२)

द्वादश्याश्चानुष्टुप् छन्दांसि

यं त्राय॑ध्व इ॒दमि॒दं दे॒वा॒सो॒ यं च॒ नय॑थ ।  
 तस्मा॑ अ॒ग्ने व॑रु॒ण मि॒त्राय॑म॒न् म॒रुतः॑ शर्म॑ यच्छत १  
 यु॒ष्माकं॑ दे॒वा अ॒व॒सा॒ह॒नि प्रि॒य ई॒जा॒न॒स्तर॑ति द्वि॒षः ।  
 प्र स॒ क्षयं॑ तिर॒ते वि॒ म॒ही॒रिषो॑ यो वो॒ वरा॑य॒ दाश॑ति २  
 न॒हि व॑श्च॒र॒मं च॒न व॑सि॒ष्ठः प॑रि॒मं॑स॒ते ।  
 अ॒स्माक॑म॒द्य म॑रुतः सु॒ते स॒चा वि॒श्वे॑ पि॒बत॑ का॒मिनः॑ ३  
 न॒हि व॑ ऊ॒तिः पृ॒त॒ना॒सु म॑र्ध॒ति य॑स्मा अ॒रा॒ध्वं नरः॑ ।  
 अ॒भि वृ॑ अ॒र्वत् सु॑म॒ति॒र्न॒वी॒यसी॑ तू॒र्य या॑त पि॒पीष॑वः ४  
 ओ षु॑ घृ॒ष्वि॒रा॒ध॒सो या॑त॒ना॒न्धा॑सि पी॒तये॑ ।  
 इ॒मा वो॑ ह॒व्या म॑रुतो॒ ररे॒ हि कं॑ मो॒ ष्व॒न्य॒त्रं ग॑न्त॒न ५  
 आ च॑ नो ब॒र्हिः स॑द॒ता॒वि॒ता च॑ नः स्पा॒र्हा॒णि दा॑त॒वे व॑सु ।  
 अ॒स्त्रे॑ध॒न्तो म॑रुतः सो॒म्ये म॑धौ॒ स्वा॒हे॒ह मा॑द॒याध्वै॑ ६  
 स॒स्व॒श्चि॒द्धि॒ त॒न्व॒ः शु॒भ॒मा॒ना आ॑ हं॒सा॒सो नी॑ल॒पृष्ठा॑ अप॒प्तन् ।



विश्वं शर्धो अभितो मा नि षेद नरो न रणवाः सर्वने मदन्तः ७  
 यो नो मरुतो अभि दुर्हणायु स्तिरश्चित्तानि वसवो जिघांसति ।  
 द्रुहः पाशान् प्रति स मुचीष्ट तपिष्ठेन हर्मना हन्तना तम् ८  
 सांतपना इदं हवि मरुतस्तज्जुष्टन । युष्माकोती रिशादसः ९  
 गृहमेधास आ गत मरुतो माप भूतन । युष्माकोती सुदानवः १०  
 इहेह वः स्वतवसः कवयः सूर्यत्वचः । यज्ञं मरुत आ वृणे ११  
 त्र्यम्बकं यजामहे सुगन्धिं पुष्टिवर्धनम् ।  
 उर्वारुकमिव बन्धना न्मृत्योर्मुक्षीय मामृतात् १२  
 पञ्चमोऽध्यायः । व० १-२७

## (६०) षष्ठितमं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्चः सूर्यः,  
 (२-१२) द्वितीयाद्येकादशानाञ्च मित्रावरुणौ देवताः । त्रिष्टुप् छन्दः  
 यद्द्य सूर्यं ब्रवोऽनागा उद्यन् मित्राय वरुणाय सत्यम् ।  
 वयं देवत्रादिते स्याम तव प्रियासौ अर्यमन् गृणन्तः १  
 एष स्य मित्रावरुणा नृचक्षा उभे उदैति सूर्यो अभि ज्मन् ।  
 विश्वस्य स्थातुर्जगतश्च गोपा ऋजु मर्तेषु वृजिना च पश्यन् २  
 अयुक्त सप्त हरितः सधस्थाद् या ई वहन्ति सूर्यं घृताचीः ।  
 धामानि मित्रावरुणा युवाकुः सं यो यूथेव जनिमानि चष्टे ३  
 उद् वां पृक्षासो मधुमन्तो अस्थुरा सूर्यो अरुहच्छुक्रमर्णः ।  
 यस्मा आदित्या अध्वनो रदन्ति मित्रो अर्यमा वरुणः सजोषाः ४  
 इमे चेतारो अनृतस्य भूरे मित्रो अर्यमा वरुणो हि सन्ति ।  
 इम ऋतस्य वावृधुर्दुरोणे शग्मासः पुत्रा अदितेरदब्धाः ५  
 इमे मित्रो वरुणो दूळभासो ऽचेतसं चिञ्चितयन्ति दक्षैः ।  
 अपि क्रतुं सुचेतसं वर्तन्त स्तिरश्चिदंहः सुपथा नयन्ति ६  
 इमे दिवो अनिमिषा पृथिव्या श्चिकित्वांसौ अचेतसं नयन्ति ।  
 प्रवाजे चिन्नद्यौ गाधर्मस्ति पारं नो अस्य विष्पितस्य पर्षन् ७  
 यद् गोपावददितिः शर्म भद्रं इमत्रो यच्छन्ति वरुणः सुदासैः ।  
 तस्मिन्ना तोकं तनयं दधाना मा कर्म देवहेळनं तुरासः ८  
 अव वेदिं होत्राभिर्यजेत् रिपुः काश्चिद् वरुणधुतः सः ।

परि द्वेषौभिर्यमा वृणक्तू रं सुदासै वृषणा उ लोकम् ६  
सस्वश्चिद्धि समृतिस्त्वेष्यैषामपीच्येन सहसा सहन्ते ।  
युष्मद् भिया वृषणो रेजमाना दक्षस्य चिन्महिना मृळता नः १०  
यो ब्रह्मणे सुमतिमायजाते वाजस्य सातौ परमस्य रायः ।  
सीक्षन्त मन्युं मघवानो अर्य उरु क्षयाय चक्रिरे सुधातु ११  
इयं देव पुरोहितिर्युवभ्या यज्ञेषु मित्रावरुणावकारि ।  
विश्वानि दुर्गा पिपृतं तिरो नौ यूयं पात स्वस्तिभिः सदा नः १२

(६१) एकषष्टितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । मित्रावरुणौ देवते ।

त्रिष्टुप् छन्दः

उद् वां चक्षुर्वरुण सुप्रतीकं देवयोरिति सूर्यस्ततन्वान् ।  
अभि यो विश्वा भुवनानि चष्टे स मन्युं मर्त्येष्वचिकेत १  
प्र वां स मित्रावरुणावृतावा विप्रो मन्मानि दीर्घश्रुदियति ।  
यस्य ब्रह्मणि सुक्रतू अवाथ आ यत् क्रत्वा न शरदः पृणैथे २  
प्रोरोर्मित्रावरुणा पृथिव्याः प्र दिव ऋष्वाद् बृहतः सुदान् ।  
स्पशौ दधाथे ओषधीषु विद्वृ धग्यतो अर्निमिषं रक्षमाणा ३  
शंसा मित्रस्य वरुणस्य धाम शुष्मो रोदसी बद्धे महित्वा ।  
अयन् मासा अयज्वनामवीराः प्र यज्ञमन्मा वृजनं तिराते ४  
अमूरा विश्वा वृषणाविमा वां न यासु चित्रं ददृशे न यक्षम् ।  
द्रुहः सचन्ते अनृता जनानां न वां निगयान्यचितै अभूवन् ५  
समु वां यज्ञं महयं नमौभि हुवे वां इमत्रावरुणा सबाधः ।  
प्र वां मन्मान्यचसे नवानि कृतानि ब्रह्म जुजुषन्निमानि ६  
इयं देव पुरोहितिर्युवभ्या यज्ञेषु मित्रावरुणावकारि ।  
विश्वानि दुर्गा पिपृतं तिरो नौ यूयं पात स्वस्तिभिः सदा नः ७

(६२) द्विषष्टितमं सूक्तम्

(१-६) षडचस्यास्य सूक्तस्य मैत्रावरुणिर्वसिष्ठ ऋषिः । (१-३) प्रथमतृचस्य

सूर्यः, (४-६) द्वितीयतृचस्य च मित्रावरुणौ देवताः । त्रिष्टुप् छन्दः

उत् सूर्यो बृहदर्चीष्यश्रेत् पुरु विश्वा जनिम् मानुषाणाम् ।

समो दिवा ददृशे रोचमानः क्रत्वा कृतः सुकृतः कर्तृभिर्भूत् १  
 स सूर्य प्रति पुरो न उद् गा एभिः स्तोमैभिरेतशेभिरेवैः ।  
 प्र नो मित्राय वरुणाय वोचो ऽनागसो अर्यम्णे अग्रयै च २  
 वि नः सहस्रं शरुधौ रदन्त्वृतावानो वरुणो मित्रो अग्निः ।  
 यच्छन्तु चन्द्रा उ॒पमं नो अ॒र्क॒मा नः कामं पू॒पुरन्तु स्त॒वानाः ३  
 द्यावा॑भूमी अदिते त्रासीथां नो ये वां ज॒ज्ञुः सु॒जनि॑मान ऋष्वे ।  
 मा हेळै॑ भूम॒ वरुण॑स्य वा॒यो मा मि॒त्रस्य॑ प्रिय॒तम॑स्य नृ॒णाम् ४  
 प्र ब्रा॒हवा॑ सि॒सृतं जी॒वसै॑ न आ नो ग॒व्यूति॑मु॒क्षतं घृ॒तेन॑ ।  
 आ नो जने॑ श्रव॒यतं यु॒वाना श्रु॑तं मे॒ मित्रा॑वरुणा ह॒वेमा ५  
 नू मि॒त्रो वरु॑णो अ॒र्यमा न॒ स्तम॑ने॒ तोका॑य॒ वरि॑वो दधन्तु ।  
 सु॒गा नो विश्वा॑ सु॒पथानि॑ सन्तु यू॒यं पा॑त स्व॒स्तिभिः॑ सदा॑ नः ६

(६३) त्रिषष्टितमं सूक्तम्

(१-६) षड्चस्यास्य सूक्तस्य मैत्रावरुणर्वसिष्ठ ऋषिः । (१-४, ५)

प्रथमादिचतुर्त्रिंशत् पञ्चम्याः पूर्वार्धस्य च सूर्यः, (५-६) पञ्चम्या उत्तरार्धस्य षष्ठ्याश्च

मित्रावरुणौ देवताः । त्रिष्टुप् छन्दः

उद्वैति सुभगो विश्वचक्ष्णः साधारणः सूर्यो मानुषाणाम् ।  
 चक्षुर्मित्रस्य वरुणस्य देवश्चमैव यः समविव्यक्तमांसि १  
 उद्वैति प्रसवीता जनानां महान् केतुरणवः सूर्यस्य ।  
 समानं चक्रं पर्याविवृत्सन् यदेतशो वहति धूर्षु युक्तः २  
 विभ्राजमान उषसामुपस्थाद् रेभैरुदैत्यनुमद्यमानः ।  
 एष मे देवः सविता चच्छन्द यः समानं न प्रमिनाति धाम ३  
 दिवो रुक्म उरुचक्ष्ण उदैति दूरे अर्थस्तरणिभ्राजमानः ।  
 नूनं जनाः सूर्येण प्रसूता अयन्नर्थानि कृण्वन्नपांसि ४  
 यत्रा चक्रुरमृता गातुमस्मै श्येनो न दीयन्नन्वेति पार्थः ।  
 प्रति वां सूर उदिते विधेम नमोभिर्मित्रावरुणोत हव्यैः ५  
 नू मि॒त्रो वरु॑णो अ॒र्यमा न॒ स्तम॑ने॒ तोका॑य॒ वरि॑वो दधन्तु ।  
 सु॒गा नो विश्वा॑ सु॒पथानि॑ सन्तु यू॒यं पा॑त स्व॒स्तिभिः॑ सदा॑ नः ६

(६४) चतुःषष्टितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । मित्रावरुणौ देवते ।

त्रिष्टुप् छन्दः

दिवि क्षयन्ता रजसः पृथिव्यां प्र वां घृतस्य निर्णिजौ ददीरन् ।  
हव्यं नो मित्रो अर्यमा सुजातो राजा सुक्षत्रो वरुणो जुषन्त १  
आ राजाना मह ऋतस्य गोपा सिन्धुपती क्षत्रिया यातमर्वाक् ।  
इळां नो मित्रावरुणोत वृष्टि मव दिव इन्वतं जीरदानू २  
मित्रस्तन्नो वरुणो देवो अर्यः प्र साधिष्ठेभिः पृथिभिर्नयन्तु ।  
ब्रवद् यथा न आदरिः सुदास इषा मदेम सह देवगौपाः ३  
यो वां गर्तं मनसा तक्षदेत मूर्ध्वा धीतिं कृणवद् धारयच्च ।  
उक्षेथा मित्रावरुणा घृतेन ता राजाना सुक्षितीस्तर्पयेथाम् ४  
एष स्तोमो वरुण मित्र तुभ्यं सोमः शक्रो न वायवैऽयामि ।  
अविष्टं धियो जिगृतं पुरंधी र्युयं पति स्वस्तिभिः सदा नः ५

(६५) पञ्चषष्टितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । मित्रावरुणौ देवते ।

त्रिष्टुप् छन्दः

प्रति वां सूर उदिते सूक्ते मित्रं हुवे वरुणं पूतदक्षम् ।  
ययौरसुर्यश्मक्षितं ज्येष्ठं विश्वस्य यामन्नाचिता जिगृत् १  
ता हि देवानामसुरा तावर्या ता नः क्षितीः करतमूर्जयन्तीः ।  
अश्याम मित्रावरुणा वयं वां द्यावा च यत्र पीपयन्नहा च २  
ता भूरिपाशावनृतस्य सेतू दुरत्येतू रिपवे मर्त्याय ।  
ऋतस्य मित्रावरुणा पथा वां मपो न नावा दुरिता तरेम ३  
आ नो मित्रावरुणा हव्यजुष्टिं घृतैर्गव्यूतिमुक्षतमिळाभिः ।  
प्रति वामत्र वरमा जनाय पृणीतमुदनो दिव्यस्य चारौः ४  
एष स्तोमो वरुण मित्र तुभ्यं सोमः शक्रो न वायवैऽयामि ।  
अविष्टं धियो जिगृतं पुरंधी र्युयं पति स्वस्तिभिः सदा नः ५

(६६) षट्षष्टितमं सूक्तम्

(१-१६) एकोनविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-३, १७-१६) प्रथमादितृचस्य सप्तदश्यादितृचस्य च मित्रावरुणौ, (४-१३)

चतुर्थ्यादिदशर्चामादित्याः, (१४-१६) चतुर्दश्यादितृचस्य च सूर्यो देवताः । (१-  
६, १७-१९) प्रथमादिनवर्चा सप्तदश्यादितृचस्य च गायत्री, (१०-१५)  
दशम्यादितृचद्वयस्य प्रगाथः (विषमर्चा बृहती, समर्चा सतोबृहती), (१६)

षोडश्याश्च पुर उष्णिक छन्दांसि

प्र मित्रयोर्वरुणयो स्तोमौ न एतु शूर्ध्वः । नमस्वान् तुविजातयोः १  
या धारयन्त देवाः सुदक्षा दक्षपितरा । असुर्याय प्रमहसा २  
ता न स्तिपा तनूपा वरुण जरितृणाम् । मित्रे साधयतं धियः ३  
यदद्य सूर उदिते ऽनागा मित्रो अर्यमा । सुवाति सविता भगः ४  
सुप्रावीरस्तु स क्षयः प्र नु यामन् त्सुदानवः । ये नो अंहोऽतिपिप्रति ५  
उत स्वराजो अदिति रदब्धस्य वृतस्य ये । महो राजान ईशते ६  
प्रति वां सूर उदिते मित्रं गृणीषे वरुणम् । अर्यमणं रिशादसम् ७  
राया हिरण्यया मति रियमवृकाय शर्वसे । इयं विप्रा मेधसातये ८  
ते स्याम देव वरुण ते मित्र सूरिभिः सह । इषं स्वश्च धीमहि ९  
ब्रहवः सूरचक्षसो ऽग्निजिह्वा ऋतावृधः ।  
त्रीणि ये येमुर्विदथानि धीतिभिर्विश्वानि परिभूतिभिः १०  
वि ये दधुः शरदं मासमादहं र्यज्ञमक्तुं चादृचम् ।  
अनाप्यं वरुणो मित्रो अर्यमा क्षत्रं राजान आशत ११  
तद् वो अद्य मनामहे सूक्तैः सूर उदिते ।  
यदोहंते वरुणो मित्रो अर्यमा यूयमृतस्य रथ्यः १२  
ऋतावान् ऋतजाता ऋतावृधो घोरासौ अनृतद्विषः ।  
तेषां वः सुप्ते सुच्छर्दिष्टमे नरः स्याम ये च सूरयः १३  
उदु त्यद् दर्शतं वपुं दिव एति प्रतिहरे ।  
यदीमाशुर्वहति देव एतंशो विश्वस्मै चक्षसे अरम् १४  
शीर्ष्णः शीर्ष्णो जगतस्तस्थुषस्पतिं समया विश्वमा रजः ।  
सप्त स्वसारः सुविताय सूर्यं वहन्ति हरितो रथे १५  
तच्चक्षुर्देवहितं शुक्रमुच्चरत् । पश्येम शरदः शतं जीवेम शरदः शतम् १६  
काव्यैभिरदाभ्या ऽऽयातं वरुण द्युमत् । मित्रश्च सोमपीतये १७  
दिवो धामभिर्वरुण मित्रश्चा यातमद्बुहा । पिबतं सोममातुजी १८  
आ यातं मित्रावरुणा जुषाणावाहुतिं नरा । पातं सोममृतावृधा १९

(६७) सप्तषष्टितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

प्रति वां रथं नृपती जुरध्यै हविष्मता मनसा यज्ञियेन ।  
यो वां दूतो न धिष्ण्यावजीग रच्छा सूनूर्न पितरा विवक्मि १  
अशौच्यग्निः समिधानो अस्मे उपो अदृश्रन् तमसश्चिदन्ताः ।  
अचेति केतुरुषसः पुरस्ता च्छ्रये दिवो दुहितुर्जायमानः २  
अभि वां नूनमश्विना सुहोता स्तोमैः सिषक्ति नासत्या विवक्वान् ।  
पूर्वाभिर्याति पथ्याभिरवाक स्वर्विदा वसुमता रथेन ३  
अवोवां नूनमश्विना युवाकु हुवे यद् वां सुते माध्वी वसूयुः ।  
आ वां वहन्तु स्थविरासो अश्वाः पिबाथो अस्मे सुषुता मधूनि ४  
प्राचीमु देवाश्विना धियं मे ऽमृधां सातयै कृतं वसूयुम् ।  
विश्वा अविष्टं वाज आ पुरन्धी स्ता नः शक्तं शचीपती शचीभिः ५  
अविष्टं धीर्ष्वश्विना न आसु प्रजावद् रेतो अहयं नो अस्तु ।  
आ वां तोके तनये तूतुजानाः सुरत्नासो देववीतिं गमेम ६  
एष स्य वां पूर्वगत्वैव सख्यै निधिर्हितो माध्वी रातो अस्मे ।  
अहेळता मनसा यातमर्वा गश्नन्ता हव्यं मानुषीषु विक्षु ७  
एकस्मिन् योगै भुरणा समाने परि वां सप्त स्रवतो रथौ गात् ।  
न वायन्ति सुभ्वो देवयुक्ता ये वां धूर्षु तरणयो वहन्ति ८  
असश्चता मघवद्भ्यो हि भूतं ये राया मघदेयं जुनन्ति ।  
प्र ये बन्धुं सूनृताभिस्तिरन्ते गव्या पृञ्चन्तो अश्व्या मघानि ९  
नू मे हवमा शृणुतं युवाना यासिष्टं वर्तिरश्विनाविरावत् ।  
धत्तं रत्नानि जरतं च सूरीन् यूयं पात स्वस्तिभिः सदा नः १०

(६८) अष्टषष्टितमं सूक्तम्

(१-९) नवर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते । (१-७)

प्रथमादिसप्तर्चा विराट्, (८-९) अष्टमीनवम्योश्च त्रिष्टुप् छन्दसी

आ शम्भा यातमश्विना स्वश्वा गिरौ दस्त्रा जुजुषाणा युवाकौः ।

हव्यानि च प्रतिभृता वीतं नः १

प्र वामन्धासि मद्यान्यस्थु ररं गन्तं हविषो वीतयै मे ।

तिरो अर्यो हव॑नानि श्रु॑तं नः २  
 प्र वा॑ रथो मनो॑जवा इय॑र्ति तिरो रजा॑स्यश्विना श॒तोर्तिः ।  
 अ॒स्मभ्य॑ सूर्या॒वसू॑ इयानः ३  
 अ॒यं ह॒ यद् वा॑ दे॒वया॒ उ॒ अ॒द्रि॒रू॒ध्वो॑ वि॒वक्ति॑ सोम॒सुद् यु॒वभ्या॑म् ।  
 आ व॒ल्गू॒ विप्रो॑ ववृ॒तीत॑ ह॒व्यैः ४  
 चि॒त्रं ह॒ यद् वा॑ भो॒ज॒नं न्व॑स्ति न्यत्र॑ये म॒हिष्व॑न्तं यु॒योत॑म् ।  
 यो वा॑मो॒मानं॑ दध॑ते प्रि॒यः सन् ५  
 उ॒त त्यद् वा॑ जु॒रते॑ अ॒श्विना॒ भू॒ च्य॒वा॒नाय॑ प्र॒तीत्य॑ ह॒विर्दे॑ ।  
 अ॒धि॒ यद् वर्ष॑ इत॒ऊति॑ ध॒त्थः ६  
 उ॒त त्यं॑ भु॒ज्युर्म॑श्विना॒ सखा॑यो म॒ध्ये ज॒हुदु॑रे॒वासः॑ स॒मुद्रे॑ ।  
 नि॒री॒ प॒र्ष॒दरा॑वा॒ यो यु॒वाकुः॑ ७  
 वृ॒काय॑ चि॒ज्जस॑मानाय श॒क्त॒ मु॒त श्रु॑तं श॒यवे॑ हू॒यमा॑ना ।  
 या॒व॒घ्न॒चाम॑पि॒न्वत॑म॒पो न॒ स्त॒र्यं चि॒च्छ॒क्त्य॑श्विना॒ शची॑भिः ८  
 ए॒ष स्य॑ का॒रु॒र्ज॒रते॑ सू॒क्तै र॒ग्रे बु॒धान॑ उ॒षसा॑ सु॒मन्मा॑ ।  
 इ॒षा तं॑ व॒र्धद्घ्न॑चा प॒योभि॑र्यु॒यं पा॑त स्व॒स्तिभिः॑ सदा॑ नः ९

(६६) एकोनसप्ततितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

आ वा॑ रथो रोद॑सी ब॒द्धा॒नो हि॑र॒ण्यो वृ॑ष॒भिर्या॑त्वश्वैः ।  
 घृ॒तव॑र्तनिः प॒विभी॑ रु॒चान॑ इ॒षां वो॒ळहा॑ नृ॒पति॑र्वा॒जिनी॑वान् १  
 स प॑प्र॒थानो॑ अ॒भि प॒ञ्च भू॒र्मा त्रि॑व॒न्धुरो॑ म॒नसा॑ या॒तु यु॒क्तः ।  
 वि॒शो ये॑न॒ गच्छ॑थो दे॒व॒यन्तीः॑ कु॒त्रो चि॒द् याम॑मश्विना॒ दधा॑ना २  
 स्व॒श्वा य॑शसा या॒तम॑र्वाग् द॒स्त्रा नि॒धिं म॒धु॒मन्तं॑ पि॒बाथः॑ ।  
 वि वा॑ रथो व॒ध्वा॒र् या॑द॒मानो॑ ऽन्तान् दि॒वो बा॑धते वर्त॒निभ्या॑म् ३  
 यु॒वोः श्रि॒यं परि॑ योषा॒वृणी॑त॒ सूरौ॑ दु॒हिता॑ परि॒तक॑म्यायाम् ।  
 यद् दे॑व॒यन्त॑मव॒थः श॒ची॑भिः परि॑ घ्नं॒समो॑मना वा॑ वयो॒ गात् ४  
 यो ह॒ स्य वा॑ रथि॒रा व॑स्त॒ उ॒स्रा रथो॑ यु॒जानः॑ परि॒याति॑ वर्तिः ।  
 तेन॑ नः शं यो॒रुष॑सो व्यु॒ष्टौ न्य॑श्विना व॒हतं॑ य॒ज्ञे अ॒स्मिन् ५  
 नरा॑ गौ॒रेव॑ वि॒द्युतं॑ तृषा॒णा ऽस्मा॑क॒मद्य॑ स॒वनो॑प॒ यात॑म् ।

पुरुत्रा हि वां मतिभिर्हवन्ते मा वामन्ये नि यमन् देवयन्तः ६  
युवं भुज्युमर्वविद्धं समुद्र उदूहथुरर्णसो अस्त्रिधानैः ।  
पुत्रिभिरश्रमैरव्यथिभिर्दसनाभिरश्विना पारयन्ता ७  
नू मे हवमा शृणुतं युवाना यासिष्टं वर्तिरश्विनाविरावत् ।  
धत्तं रत्नानि जरतं च सूरीन् यूयं पात स्वस्तिभिः सदा नः ८

(७०) सप्ततितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।  
त्रिष्टुप् छन्दः

आ विश्ववाराश्विना गतं नः प्र तत् स्थानमवाचि वां पृथिव्याम् ।  
अश्वो न वाजी शनपृष्ठो अस्थादा यत् सेदथुर्ध्रुवसे न योनिम् १  
सिषक्ति सा वां सुमतिश्चनिष्ठा ऽतापि घर्मो मनुषो दुरोणे ।  
यो वां समुद्रान् त्सरितः पिपत्ये तग्वा चिन्न सुयुजा युजानः २  
यानि स्थानान्यश्विना द्धार्थे दिवो यहीष्वोषधीषु विद्म ।  
नि पर्वतस्य मूर्धनि सदन्ते षं जनाय दाशुषे वहन्ता ३  
चनिष्टं देवा ओषधीष्वप्सु यद् योग्या अशनवैथे ऋषीणाम् ।  
पुरूणि रत्ना दधतौ न्यश्स्मे अनु पूर्वाणि चख्यथुर्युगानि ४  
शश्रुवांसां चिदश्विना पुरूण्यभि ब्रह्माणि चक्ष्वाथे ऋषीणाम् ।  
प्रति प्र यातं वरमा जनाया ऽस्मे वामस्तु सुमतिश्चनिष्ठा ५  
यो वां यज्ञो नासत्या हविष्मान् कृतब्रह्मा समर्योर्भवाति ।  
उप प्र यातं वरमा वसिष्ठ मिमा ब्रह्माण्यच्यन्ते युवभ्याम् ६  
इयं मनीषा इयमश्विना गी रिमां सुवृक्तिं वृषणा जुषेथाम् ।  
इमा ब्रह्माणि युवयून्यग्मन् यूयं पात स्वस्तिभिः सदा नः ७  
पञ्चमोऽनुवाकः । सू० ७-८६

(७१) एकसप्ततितमं सूक्तम्

(१-६) षड्रचस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।  
त्रिष्टुप् छन्दः

अप स्वसुरुषसो नगिज्हीते रिणक्ति कृष्णीरुषाय पन्थाम् ।  
अश्वामघा गोमघा वां हुवेम दिवा नक्तं शरुमस्मद् युयोतम् १



उपायातं दाशुषे मत्याय रथेन वाममश्विना वहन्ता ।  
 युयुतमस्मदनिराममीवां दिवा नक्तं माध्वी त्रासीथां नः २  
 आ वां रथमवमस्यां व्युष्टौ सुम्नायवो वृषणो वर्तयन्तु ।  
 स्यूमगभस्तिमृतयुग्भिरश्वैराश्विना वसुमन्तं वहेथाम् ३  
 यो वां रथौ नृपती अस्ति वोळहा त्रिवन्धुरो वसुमाँ उस्त्रयामा ।  
 आ न एना नासत्योप यात मभि यद वा विश्वप्स्यो जिगाति ४  
 युवं च्यवानं जरसोऽमुमुक्तं नि पेदव ऊहथुराशुमश्वम् ।  
 निरंहसस्तमसः स्पर्तमत्रिं नि जाहुषं शिथिरे धातमन्तः ५  
 इयं मनीषा इयमश्विना गी रिमां सुवृक्तिं वृषणा जुषेथाम् ।  
 इमा ब्रह्माणि युवयून्यग्मन् यूयं पात स्वस्तिभिः सदा नः ६

(७२) द्विसप्ततितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

आ गोमता नासत्या रथेनाऽश्वावता पुरुश्चन्द्रेण यातम् ।  
 अभि वां विश्वा नियुतः सचन्ते स्पर्हया श्रिया तन्वा शुभाना १  
 आ नो देवेभिरुप यातमर्वाक् सजोषसा नासत्या रथेन ।  
 युवोर्हि नः सख्या पित्र्याणि समानो बन्धुरुत तस्य वित्तम् २  
 उदु स्तोमासो अश्विनोरबुध्नामि ब्रह्माणयुषसश्च देवीः ।  
 आविवासन् रोदसी धिष्णयेमे अच्छा विप्रो नासत्या विवक्ति ३  
 वि चेदुच्छन्त्यश्विना उषासः प्र वां ब्रह्माणि कारवो भरन्ते ।  
 ऊर्ध्वं भानुं सविता देवो अश्रेद् बृहद्ग्रयः समिधा जरन्ते ४  
 आ पश्चातान्नासत्या पुरस्ता दाश्विना यातमधरादुदक्तात् ।  
 आ विश्वतः पाञ्चजन्येन राया यूयं पात स्वस्तिभिः सदा नः ५

(७३) त्रिसप्ततितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

अतारिष्म तमसस्परमस्य प्रति स्तोमं देवयन्तो दधानाः ।  
 पुरुदंसा पुरुतमा पुराजा ऽमर्त्या हवते अश्विना गीः १

न्यु प्रियो मनुषः सादि होता नासत्या यो यजते वन्दते च ।  
अशनीतं मध्वो अश्विना उपाक आ वा वोचे विदथेषु प्रयस्वान् २  
अहेम यज्ञं पथामुराणा इमां सुवृक्तिं वृषणा जुषेथाम् ।  
श्रुष्टीवेव प्रेषितो वामबोधि प्रति स्तोमैर्जरमाणो वसिष्ठः ३  
उप त्या वह्नी गमतो विशा नो रक्षोहणा संभृता वीळपाणी ।  
समन्धास्यगमत मत्सराणि मा नो मर्धिष्टमा गतं शिवेन ४  
आ पश्चातान्नासत्या पुरस्ता दाश्विना यातमधरादुदक्तात् ।  
आ विश्वतः पाञ्चजन्येन राया यूयं पात स्वस्तिभिः सदा नः ५

(७४) चतुःसप्ततितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते । प्रगाथः  
(विषमर्चा बृहती, समर्चा सतोबृहती) छन्दः

इमा उ वां दिविष्टय उस्त्रा हवन्ते अश्विना ।  
अयं वामुहेऽवसे शचीवसू विशाविशं हि गच्छथः १  
युवं चित्रं ददथुर्भोजनं नरा चोदैथां सूनृतावते ।  
अर्वाग्रथं समनसा नि यच्छतं पिबतं सोम्यं मधु २  
आ यातमुप भूषतं मध्वः पिबतमश्विना ।  
दुग्धं पयो वृषणा जेन्यावसू मा नो मर्धिष्टमा गतम् ३  
अश्वासो ये वामुप दाशुषो गृहं युवां दीर्यन्ति बिभ्रतः ।  
मन्त्रयुभिर्नरा हयैभिरश्विना ऽऽ देवा यातमस्म्यू ४  
अधा ह यन्तौ अश्विना पृक्षः सचन्त सूरयः ।  
ता यसतो मध्ववद्धो ध्रुवं यशा श्छदिरस्मभ्यं नासत्या ५  
प्र ये ययुरवृकासो रथा इव नृपातारो जनानाम् ।  
उत स्वेन शर्वसा शूशुवुर्नर उत क्षियन्ति सुक्षितिम् ६

(७५) पञ्चसप्ततितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।  
त्रिष्टुप् छन्दः

व्युष्षा आवो दिविजा ऋतेना ऽऽविष्करवाना महिमानुमागात् ।  
अप द्रुहस्तम आवरजुष्ट मङ्गिरस्तमा पथ्या अजीगः १

म॒हे नो॑ अ॒द्य सु॒वि॒ताय॑ बो॒ध्युषो॑ म॒हे सौ॒भगा॑य॒ प्र य॑न्धि ।  
 चि॒त्रं र॒यिं य॒शसं॑ धे॒ह्यस्मे॑ दे॒वि म॑र्तेषु मानुषि श्रव॑स्युम् २  
 ए॒ते त्ये॑ भ॒ानवो॑ दर्श॒ताया॑श्चि॒त्रा उ॒षसो॑ अ॒मृता॑सु आ॒र्गुः ।  
 ज॒नय॑न्तो दै॒व्यानि॑ वृ॒तान्या॑ पृ॒णन्तो॑ अ॒न्तरि॑क्षा व्य॒स्थुः ३  
 ए॒षा स्या॑ यु॒जाना॑ प॒राका॑त् पञ्च॒ क्षितीः॑ परि॒ सद्यो॑ जि॒गाति॑ ।  
 अ॒भिप॑श्यन्ती व॒युना॑ ज॒नानां॑ दि॒वो दु॑हि॒ता भु॑र्वनस्य॒ पत्नी॑ ४  
 वा॒जिनी॑वती॒ सूर्य॑स्य॒ योषा॑ चि॒त्राम॑घा॒ राय॑ ई॒शे व॑सू॒नाम् ।  
 ऋ॒षिष्टु॑ता ज॒रय॑न्ती म॒घो न्यु॑षा उ॒च्छति॑ वह्नि॒भिर्गृ॑णा॒ना ५  
 प्रति॑ द्यु॒ताना॑म॒रुषा॑सो अ॒श्वाश्चि॒त्रा अ॑दृश्र॒न्नुष॑सं॒ वह॑न्तः ।  
 याति॑ श॒भ्रा वि॑श्व॒पिशा॑ रथे॒न द॑धाति॒ रत्नं॑ वि॒धते॑ ज॒नाय॑ ६  
 स॒त्या स॒त्येभि॑र्म॒हती॑ म॒हद्भि॑र्दे॒वी दे॒वेभि॑र्य॒जता॑ य॒जत्रैः॑ ।  
 रु॒जद् दृ॒ळहा॑नि॒ दद॑दु॒स्त्रिया॑णां॒ प्रति॑ गा॒वं उ॒षसं॑ वा॒वश॑न्त ७  
 नू नो॑ गो॒मद् वी॑र॒वद् धे॒हि रत्नं॑ मु॒षो अ॒श्वाव॑त् पुरु॒भोजो॑ अ॒स्मे ।  
 मा नो॑ ब॒र्हिः पु॑रु॒षता॑ नि॒दे क॑ र्यु॒यं पा॑त स्व॒स्तिभिः॑ स॒दा नः॑ ८

(७६) षट्सप्ततितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

उ॒दु ज्यो॑ति॒र॒मृतं॑ वि॒श्वज॑न्यं वि॒श्वान॑रः स॒वि॒ता दे॒वो अ॑श्रेत् ।  
 क्र॒त्वा दे॒वाना॑म॒जनि॑ष्ट च॒क्षु रा॑वि॒र॒क॒र्भुव॑नं॒ विश्व॑मु॒षाः १  
 प्र मे॑ प॒न्था दे॒व्याना॑ अ॒दृश्र॑न्म॒र्धन्तो॑ वसु॒भिरि॑ष्कृ॒तासः॑ ।  
 अ॒भूदु॑ के॒तुरु॑षसः॒ पुर॑स्तात् प्रती॒च्यागा॑दधि॒ हर्म्ये॑भ्यः २  
 तानी॑द॒हानि॑ बहु॒लान्या॑सन् या प्रा॒चीन॑मु॒दिता॑ सूर्यस्य ।  
 यतः॑ परि॒ जार॑ इ॒वाच॑र॒ न्त्युषो॑ द॒दृक्षे॑ न पु॒नर्य॑ती॒व ३  
 त इ॒द् दे॒वाना॑ स॒धमा॑द॒ आस॑ नृ॒तावा॑नः क॒वयः॑ पू॒र्व्यासः॑ ।  
 गू॒ळहं॑ ज्योतिः पि॒त्रो अ॒न्ववि॑न्दन् त्स॒त्यम॑न्त्रा अ॒जन॑यन्नु॒षास॑म् ४  
 स॒मान॑ ऊ॒र्वे अ॒धि सं॑ग॒तासुः॑ सं जा॒नते॑ न य॒तन्ते॑ मि॒थस्ते॑ ।  
 ते दे॒वानां॑ न मि॒नन्ति॑ वृ॒ता न्य॑म॒र्धन्तो॑ वसु॒भिर्या॑द॒मानाः॑ ५  
 प्रति॑ त्वा॒ स्तोमै॑रीळ॒ते वसि॑ष्ठा उ॒षर्बु॑धः सु॒भगे॑ तुष्टु॒वांसः॑ ।  
 ग॒वां ने॒त्री वा॑ज॒पत्नी॑ न उ॒च्छो॑ षः सु॒जाते॑ प्रथ॒मा ज॑रस्व ६

एषा नेत्री राधंसः सूनृतांना मुषा उच्छन्ती रिभ्यते वसिष्ठैः ।  
दीर्घश्रुतं रयिमस्मे दधाना यूयं पात स्वस्तिभिः सदा नः ७

(७७) सप्तसप्ततितमं सूक्तम्

(१-६) षड्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

उपो रुरुचे युवतिर्न योषा विश्वं जीवं प्रसुवन्ती चरायै ।  
अभूदग्निः समिधे मानुषाणा मकज्योतिर्बाधमाना तमांसि १  
विश्वं प्रतीची सप्रथा उदस्थाद् रुशद् वासो बिभ्रती शक्रमश्वैत् ।  
हिरण्यवर्णा सुदृशीकसंदृग् गवां माता नेत्र्यहामरोचि २  
देवानां चक्षुः सुभगा वहन्ती श्वेतं नयन्ती सुदृशीकमश्वम् ।  
उषा अदर्शि रश्मिभिव्यक्ता चित्रामघा विश्वमनु प्रभूता ३  
अन्तिवामा दूरे अमित्रमुच्छो वीं गव्यूतिमभयं कृधी नः ।  
यावयु द्वेष आ भरा वसूनि चोदयु राधौ गृणते मघोनि ४  
अस्मे श्रेष्ठैभिर्भानुभिर्वि भाह्यु षौ देवि प्रतिरन्ती न आयुः ।  
इषं च नो दधती विश्ववारे गोमदश्वावुद् रथवच्च राधः ५  
यां त्वा दिवो दुहितर्वर्धयन्त्युषः सुजाते मतिभिर्वसिष्ठाः ।  
सास्मासु धा रयिमृष्वं बृहन्तं यूयं पात स्वस्तिभिः सदा नः ६

(७८) अष्टसप्ततितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

प्रति केतवः प्रथमा अदृश्रन्नुर्ध्वा अस्या अञ्जयो वि श्रयन्ते ।  
उषो अर्वाचा बृहता रथेन ज्योतिष्मता वाममस्मभ्यं वक्षि १  
प्रति षीमग्निर्जरते समिद्धः प्रति विप्रांसो मतिभिर्गृणन्तः ।  
उषा याति ज्योतिषा बाधमाना विश्वा तमांसि दुरिताप देवी २  
एता उ त्याः प्रत्यदृश्रन् पुरस्ता अज्योतिर्यच्छन्तीरुषसौ विभातीः ।  
अजीजनन् त्सूर्यं यज्ञमग्निं मपाचीनं तमो अगादजुष्टम् ३  
अचैति दिवो दुहिता मघोनी विश्वे पश्यन्त्युषसं विभातीम् ।  
आस्थाद् रथं स्वधया युज्यमाना मा यमश्वासः सुयुजो वहन्ति ४

प्रति त्वाद्य सुमनसो बुधन्ता ऽस्माकासो मघवानो वयं च ।  
तिल्विलायध्वमुषसो विभाती यूयं पात स्वस्तिभिः सदा नः ५

(७६) एकोनाशीतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

व्युषा आवः पृथ्याइ जनानां पञ्च क्षितीर्मानुषीर्बोधयन्ती ।  
सुसंदृग्भिरुक्षभिर्भानुमेश्रेद् वि सूर्यो रोदसी चक्षसावः १  
व्यञ्जते दिवो अन्तैष्वक्तून् विशो न युक्ता उषसो यतन्ते ।  
सं ते गावस्तम् आ वर्तयन्ति ज्योतिर्यच्छन्ति सवितेव ब्राहू २  
अभूदुषा इन्द्रतमा मघो न्यजीजनत् सुविताय श्रवासि ।  
वि दिवो देवी दुहिता दधात्यङ्गिरस्तमा सुकृते वसूनि ३  
तावदुषो राधौ अस्मभ्यं रास्व यावत् स्तोतृभ्यो अरदो गृणाना ।  
यां त्वा जज्ञुर्वृषभस्या रवेण वि दृळ्हस्य दुरो अद्रैरौर्णोः ४  
देवदैवं राधसे चोदयन्त्य स्मद्रयक् सूनृता ईरयन्ती ।  
व्युच्छन्ती नः सनये धियो धा यूयं पात स्वस्तिभिः सदा नः ५

(८०) अशीतितमं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

प्रति स्तोमैभिरुषसं वसिष्ठा गीर्भिर्विप्रासः प्रथमा अबुधन् ।  
विवर्तयन्तीं रजसी समन्ते आविष्करवतीं भुवनानि विश्वा १  
एषा स्या नव्यमायुर्दधाना गूह्वी तमो ज्योतिषोषा अबोधि ।  
अग्र एति युवतिरहयाणा प्राचिकितत् सूर्यं यज्ञमग्निम् २  
अश्वावतीर्गोमतीर्न उषासो वीरवतीः सदमुच्छन्तु भद्राः ।  
घृतं दुहाना विश्वतः प्रपीता यूयं पात स्वस्तिभिः सदा नः ३  
षष्ठोऽध्यायः । व० १-२५

(८१) एकाशीतितमं सूक्तम्

(१-६) षड्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः । प्रगाथः

(विषमर्चा बृहती, समर्चा सतोबृहती) छन्दः  
 प्रत्यु अदर्श्यायत्युश् च्छन्ती दुहिता दिवः ।  
 अपो महि व्ययति चक्षसे तमो ज्योतिष्कृणोति सूनरी १  
 उदुस्त्रियाः सृजते सूर्यः सर्चा उद्यन्नक्षत्रमर्चिवत् ।  
 तवेदुषो व्युषि सूर्यस्य च सं भुक्तेन गमेमहि २  
 प्रति त्वा दुहितर्दिव उषो जीरा अभुस्महि ।  
 या वहसि पुरु स्पार्ह वनन्वति रत्नं न दाशुषे मयः ३  
 उच्छन्ती या कृणोषि मंहना महि प्रख्ये देवि स्वर्दृशे ।  
 तस्यास्ते रत्नभाज ईमहे वयं स्याम मातुर्न सूनवः ४  
 तच्चित्रं राध आ भरो षो यद् दीर्घश्रुत्तमम् ।  
 यत् ते दिवो दुहितर्मर्तभोजनं तद् रास्व भुनजामहे ५  
 श्रवः सूरिभ्यो अमृतं वसुत्वनं वाजां अस्मभ्यं गोमतः ।  
 चोदयित्री मघोनः सूनृतावत्यु षा उच्छदपु स्त्रिधः ६

(८२) द्वयशीतितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रावरुणौ देवते ।

जगती छन्दः

इन्द्रावरुणा युवमध्वराय नो विशे जनाय महि शर्म यच्छतम् ।  
 दीर्घप्रयज्युमति यो वनुष्यति वयं जयेम पृतनासु दूढयः १  
 सम्राळन्यः स्वराळन्य उच्यते वां महान्ताविन्द्रावरुणा महावसू ।  
 विश्वे देवासः परमे व्योमनि सं वामोजौ वृषणा सं बलं दधुः २  
 अन्वपां खान्यतृन्तमोजसा सूर्यमैरयतं दिवि प्रभुम् ।  
 इन्द्रावरुणा मदै अस्य मायिनो ऽपिन्वतमपितुः पिन्वतं धियः ३  
 युवामिद् युत्सु पृतनासु वहयो युवां क्षेमस्य प्रसवे मितज्ञवः ।  
 ईशाना वस्व उभयस्य कारव इन्द्रावरुणा सुहवा हवामहे ४  
 इन्द्रावरुणा यदिमानि चक्रथु विश्वा जातानि भुवनस्य मज्मना ।  
 क्षेमैण मित्रो वरुणं दुवस्यति मरुद्भिरुग्रः शुभमन्य ईयते ५  
 महे शल्काय वरुणस्य नु त्विष ओजो मिमाते ध्रुवमस्य यत् स्वम् ।  
 अजामिमन्यः श्नथयन्तमातिरद् दग्धेभिरन्यः प्र वृणोति भूर्यसः ६  
 न तमंहो न दुरितानि मर्त्य मिन्द्रावरुणा न तपः कुतश्चन ।

यस्य देवा गच्छथो वीथो अर्ध्वरं न तं मर्तस्य नशते परिहृतिः ७  
 अर्वाङ्गनरा दैव्येनावसा गतं शृणुतं हवं यदि मे जुजौषथः ।  
 युवोर्हि सख्यमुत वा यदाप्यं माडीकमिन्द्रावरुणा नि यच्छतम् ८  
 अस्माकमिन्द्रावरुणा भरेभरे पुरोयोधा भवतं कृष्टयोजसा ।  
 यद् वां हवन्त उभये अर्ध स्पृधि नरस्तोकस्य तनयस्य सातिषु ९  
 अस्मे इन्द्रो वरुणो मित्रो अर्यमा ह्युमं यच्छन्तु महि शर्म सप्रथः ।  
 अवध्रं ज्योतिरदितेर्ऋतावृधौ देवस्य श्लोकं सवितुर्मनामहे १०

(८३) त्र्यशीतितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रावरुणौ देवते ।

जगती छन्दः

युवां नरा पश्यमानासु आप्यं प्राचा गव्यन्तः पृथुपर्शवो ययुः ।  
 दासा च वृत्रा हतमार्याणि च सुदासमिन्द्रावरुणावसावतम् १  
 यत्रा नरः समर्यन्ते कृतध्वंजो यस्मिन्नाजा भवति किं चन प्रियम् ।  
 यत्रा भयन्ते भुवना स्वर्दृशस्तत्रा न इन्द्रावरुणाधि वोचतम् २  
 सं भूम्या अन्ता ध्वसिरा अर्दृक्षते न्द्रावरुणा दिवि घोष आरुहत् ।  
 अस्थुर्जनानामुप मामरातयो ऽर्वागवसा हवनश्रुता गतम् ३  
 इन्द्रावरुणा वधनाभिरप्रति भेदं वन्वन्ता प्र सुदासमावतम् ।  
 ब्रह्माण्येषां शृणुतं हवीमनि सत्या तृत्सूनामभवत् पुरोहितिः ४  
 इन्द्रावरुणावभ्या तपन्ति माघान्यर्यो वनुषामरातयः ।  
 युवं हि वस्व उभयस्य राजथो ऽर्ध स्मा नोऽवतं पार्ये दिवि ५  
 युवां हवन्त उभयास आजिष्विन्द्रं च वस्वो वरुणं च सातये ।  
 यत्र राजभिर्दशभिर्निबाधितं प्र सुदासमावतं तृत्सुभिः सह ६  
 दश राजानः समिता अयज्यवः सुदासमिन्द्रावरुणा न युयुधुः ।  
 सत्या नृणामघसदामुपस्तुति देवा एषामभवन् देवहृतिषु ७  
 दाशराज्ञे परियत्ताय विश्वतः सुदास इन्द्रावरुणावशिक्ततम् ।  
 श्वित्यञ्चो यत्र नमसा कपर्दिर्नो धिया धीवन्तो असंपन्त तृत्सवः ८  
 वृत्रायन्यः समिथेषु जिघ्रते वृतान्यन्यो अभि रक्षते सदा ।  
 हवामहे वां वृषणा सुवृक्तिभि रस्मे इन्द्रावरुणा शर्म यच्छतम् ९  
 अस्मे इन्द्रो वरुणो मित्रो अर्यमा ह्युमं यच्छन्तु महि शर्म सप्रथः ।

अवधं ज्योतिरदितेऋतावृधौ देवस्य श्लोकं सवितुर्मनमहे १०

(८४) चतुरशीतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रावरुणौ देवते ।

त्रिष्टुप् छन्दः

आ वां राजानावध्वरे ववृत्यां हव्येभिरिन्द्रावरुणा नमोभिः ।  
 प्र वां घृताचीं ब्राह्मोर्दधाना परि त्मना विषुरुपा जिगाति १  
 युवो राष्ट्रं बृहदिन्वति द्यौ र्यौ सेतृभिररजुभिः सिनीथः ।  
 परि नो हेळो वरुणस्य वृज्या उरुं न इन्द्रः कृणवदुलोकम् २  
 कृतं नो यज्ञं विदथेषु चारुं कृतं ब्रह्माणि सूरिषु प्रशस्ता ।  
 उपौ रयिर्देवजूतो न एतु प्र र्णाः स्पार्हाभिरूतिभिस्तिरेतम् ३  
 अस्मे इन्द्रावरुणा विश्ववारं रयिं धत्तं वसुमन्तं पुरुक्षुम् ।  
 प्र य आदित्यो अनृता मिना त्यमिता शूरो दयते वसूनि ४  
 इयमिन्द्रं वरुणमष्ट मे गीः प्रावत् तोके तनये तूतुजाना ।  
 सुरत्नासो देववीतिं गमेम यूयं पात स्वस्तिभिः सदा नः ५

(८५) पञ्चाशीतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

पुनीषे वामरक्षसं मनीषां सोममिन्द्राय वरुणाय जुह्वत् ।  
 घृतप्रतीकामुषसं न देवीं ता नो यामन्नुरुष्यतामभीकै १  
 स्पर्धन्ते वा उं देवहूये अत्र येषु ध्वजेषु दिद्यवः पतन्ति ।  
 युवं ताँ इन्द्रावरुणावमित्रान् हतं पराचः शर्वा विषूचः २  
 आपश्चिद्धि स्वयंशसः सदाःसु देवीरिन्द्रं वरुणं देवता धुः ।  
 कृष्टीरन्यो धारयति प्रविक्ता वृत्रायन्यो अप्रतीनि हन्ति ३  
 स सुक्रतुर्ऋतचिदस्तु होता य आदित्य शर्वसा वां नमस्वान् ।  
 आववर्तदवसे वां हविष्मा नसदित् स सुविताय प्रयस्वान् ४  
 इयमिन्द्रं वरुणमष्ट मे गीः प्रावत् तोके तनये तूतुजाना ।  
 सुरत्नासो देववीतिं गमेम यूयं पात स्वस्तिभिः सदा नः ५



## (८६) षडशीतितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

धीरा त्वस्य महिना जनूषि वि यस्तस्तम्भ रोदसी चिदुर्वी ।  
 प्र नाकमृष्वं नुनुदे बृहन्तं द्विता नक्षत्रं पप्रथञ्च भूम १  
 उत स्वया तन्वाऱ् सं वदे तत् कदा न्वश्न्तर्वरुणे भुवानि ।  
 किं मे हव्यमहणानो जुषेत कदा मृळीकं सुमना अभि ख्यम् २  
 पृच्छे तदेनो वरुण दिदृक्षू पो एमि चिकितुषो विपृच्छम् ।  
 समानमिन्मै क्वयश्चिदाहुर्यं ह तुभ्यं वरुणो हणीते ३  
 किमार्ग आस वरुण ज्येष्ठं यत् स्तोतारं जिघांससि सखायम् ।  
 प्र तन्मै वोचो दूळभ स्वधावो ऽव त्वानेना नमसा तुर इयाम् ४  
 अवं द्रुग्धानि पित्र्या सृजा नो ऽव या वयं चकृमा तनूभिः ।  
 अवं राजन् पशतृपं न तायुं सृजा वत्सं न दाम्नो वसिष्ठम् ५  
 न स स्वो दक्षो वरुण ध्रुतिः सा सुरा मन्युर्विभीदको अचित्तिः ।  
 अस्ति ज्यायान् कनीयस उपारे स्वप्रश्चनेदनृतस्य प्रयोता ६  
 अरं दासो न मीळ्हुषै करा रयहं देवाय भूर्णयेऽनागाः ।  
 अचेतयदचितो देवो अर्यो गृत्सं राये क्वितरो जुनाति ७  
 अयं सु तुभ्यं वरुण स्वधावो हृदि स्तोम उपश्रितश्चिदस्तु ।  
 शं नः क्षेमे शमु योगै नो अस्तु यूयं पात स्वस्तिभिः सदा नः ८

## (८७) सप्ताशीतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

रदत् पथो वरुणः सूर्याय प्राणांसि समुद्रिया नदीनाम् ।  
 सर्गो न सृष्टो अर्वतीर्ऋतायञ्चकार महीरवनीरहभ्यः १  
 आत्मा ते वातो रज आ नवीनोत् पशुर्न भूर्णिर्यवसे ससवान् ।  
 अन्तर्मही बृहती रोदसीमे विश्वा ते धाम वरुण प्रियाणि २  
 परि स्पशो वरुणस्य स्मदिष्टा उभे पश्यन्ति रोदसी सुमेकै ।  
 ऋतावानः क्वयौ यज्ञधीराः प्रचेतसो य इषयन्त मन्म ३  
 उवाच मे वरुणो मेधिराय त्रिः सप्त नामाघ्न्या बिभर्ति ।

विद्वान् पदस्य गुह्या न वोचद् युगाय विप्र उपराय शिक्तन् ४  
 तिस्रो द्यावो निर्हिता अन्तरस्मिन् तिस्रो भूमिरुपराः षड्विधानाः ।  
 गृत्सो राजा वरुणश्चक्र एतं दिवि प्रेङ्खं हिरण्ययं शुभे कम् ५  
 अव सिन्धुं वरुणो द्यौरिव स्थाद् द्रप्सो न श्वेतो मृगस्तुविष्मान् ।  
 गम्भीरशंसो रजसो विमानः सुपारक्षत्रः सतो अस्य राजा ६  
 यो मृळयाति चक्रुषे चिदागौ वयं स्याम वरुणे अनागाः ।  
 अनु व्रतान्यदितेर्मुधन्तौ यूयं पात स्वस्तिभिः सदा नः ७

(८८) अष्टाशीतितमं सूक्तम्

(१-७) अष्टर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

प्र शन्ध्युवं वरुणाय प्रेष्ठां मतिं वसिष्ठ मीळ्हुषे भरस्व ।  
 य ईमर्वाञ्चं करते यजत्रं सहस्रामघं वर्षणं बृहन्तम् १  
 अधा न्वस्य संदृशं जगन्वा नग्रेरनीकं वरुणस्य मंसि ।  
 स्वर्श्यदशमन्नधिपा उ अन्धो ऽभि मा वपुर्दृश्यै निनीयात् २  
 आ यद् रुहाव वरुणश्च नावं प्र यत् समुद्रमीरयाव मध्यम् ।  
 अधि यदपां स्तुभिश्चराव प्र प्रेङ्ख ईङ्ख्यावहे शुभे कम् ३  
 वसिष्ठं ह वरुणो नाव्याधा दृषिं चकार स्वपा महौभिः ।  
 स्तोतारं विप्रः सुदिनत्वे अह्नां यानु द्यावस्ततन् यादुषासः ४  
 क्वर्षं त्वानि नौ सख्या बभूवुः सचावहे यदवृकं पुरा चित् ।  
 बृहन्तं मानं वरुण स्वधावः सहस्रद्वारं जगमा गृहं ते ५  
 य आपिर्नित्यौ वरुण प्रियः सन् त्वामागांसि कृणवत् सर्वा ते ।  
 मा त एनस्वन्तो यक्षिन् भुजेम यन्धि ष्मा विप्रः स्तुवते वरूथम् ६  
 ध्रुवासु त्वासु क्षितिषु क्षियन्तो व्यश्मत् पाशं वरुणो मुमोचत् ।  
 अवो वन्वाना अदितेरुपस्थाद् यूयं पात स्वस्तिभिः सदा नः ७

(८९) एकोननवतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता । (१-४)

प्रथमादिचतुर्भृचां गायत्री, (५) पञ्चम्याश्च जगती छन्दसी  
 मो षु वरुण मृन्मयं गृहं राजन्नहं गमम् । मृळा सुक्षत्र मृळय १

यदेमिं प्रस्फुरन्निव दृतिर्न ध्मातो अद्रिवः । मृळा सुक्षत्र मृळय २  
 क्रत्वः समह दीनता प्रतीपं जगमा शुचे । मृळा सुक्षत्र मृळय ३  
 अपां मध्ये तस्थिवांसं तृष्णाविदञ्जरितारम् । मृळा सुक्षत्र मृळय ४  
 यत् किं चेदं वरुण दैव्ये जनै ऽभिद्रोहं मनुष्याश्चरामसि ।  
 अर्चिन्ती यत् तव धर्मा युयोपिम मा नस्तस्मादेनसो देव रीरिषः ५

(६०) नवतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१-४)

प्रथमादिचतुर्भृचां वायुः, (५-७) पञ्चम्यादितृचस्य चेन्द्रवायू देवते । त्रिष्टुप् छन्दः  
 प्र वीर्या शुचयो दद्रे वा मध्वर्युभिर्मधुमन्तः सुतासः ।  
 वह वायो नियुतो याह्यच्छा पिबा सुतस्यान्धसो मदाय १  
 ईशानाय प्रहृतिं यस्त आनुद् शुचिं सोमं शुचिपास्तुभ्यं वायो ।  
 कृणोषि तं मर्त्येषु प्रशस्तं जातोजातो जायते वाज्यस्य २  
 राये नु यं जज्ञतू रोदसीमे राये देवी धिषणा धाति देवम् ।  
 अर्धं वायुं नियुतः सञ्चत स्वा उत श्वेतं वसुधितिं निरेके ३  
 उच्छन्नुषसः सुदिना अरिप्रा उरु ज्योतिर्विविदुर्दीध्यानाः ।  
 गव्यं चिदूर्वमुशिजो वि ववु स्तेषामनु प्रदिवः ससुरापः ४  
 ते सत्येन मर्नसा दीध्यानाः स्वेन युक्तासः क्रतुना वहन्ति ।  
 इन्द्रवायू वीरवाहं रथं वा मीशानयौरभि पृक्षः सचन्ते ५  
 ईशानासो ये दधते स्वर्णो गोभिरश्वैर्भिर्वसुभिर्हिरण्यैः ।  
 इन्द्रवायू सूरयो विश्वमायु र्वद्विर्वरैः पृतनासु सद्युः ६  
 अर्वन्तो न श्रवसो भिक्षमाणा इन्द्रवायू सुष्टुतिभिर्वसिष्ठाः ।  
 वाजयन्तः स्वर्वसे हुवेम यूयं पात स्वस्तिभिः सदा नः ७

(६१) एकनवतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१, ३)

प्रथमातृतीययोर्भृचोर्वायुः, (२, ४-७) द्वितीयायाश्चतुर्थ्यादिचतसृणाञ्चेन्द्रवायू देवते  
 । त्रिष्टुप् छन्दः

कुविदङ्ग नर्मसा ये वृधासः पुरा देवा अनवद्यास आसन् ।  
 ते वायवे मर्नवे बाधिताया ऽवासयन्नुषसं सूर्येण १

उ॒शन्ता॑ दू॒ता न द॑भाय गो॒पा मा॒सश्च॑ पा॒थः श॒रदंश्च॑ पू॒र्वीः ।  
 इन्द्र॑वायू सु॒ष्टुतिर्वा॑मिया॒ना मा॒र्डीक॑मी॒ष्टे सु॒वितं च॑ न॒व्यम् २  
 पी॒वो॒अ॒न्नान् र॑यि॒वृधः॑ सु॒मे॒धाः श्वेतः॑ सि॒षक्ति॑ नि॒युता॑म॒भि॒श्रीः ।  
 ते वा॒यवे॑ स॒मन॑सो वि त॑स्थु॒र्विश्वे॑न्नरः॒ स्वप॑त्यानि चक्रुः ३  
 याव॑त् तर॑स्त॒न्वो॒इ याव॑दो॒जो याव॑न्नर॒श्चक्ष॑सा दी॒ध्यानाः॑ ।  
 शुचिं॑ सोमं शुचि॒पा पा॑तम॒स्मे इन्द्र॑वायू स॒दतं ब॑र्हिरेदम् ४  
 नि॒युवा॑ना नि॒युतः॑ स्पा॒र्हवी॑रा इन्द्र॑वायू स॒रथं॑ यातम॒र्वाक् ।  
 इदं॑ हि वां प्र॒भृतं॑ म॒ध्वो अग्र॑ म॒ध प्री॑णाना वि मु॒मुक्त॑म॒स्मे ५  
 या वां श॑तं नि॒युतो॑ याः स॒हस्र॑ मिन्द्र॑वायू वि॒श्ववा॑राः स॒चन्ते॑ ।  
 आ॒भिर्या॑तं सु॒वि॒दत्रा॑भिर॒र्वाक् पा॑तं न॒रा प्र॑तिभृतस्य म॒ध्वः ६  
 अ॒र्वन्तो॑ न श्र॒वसो॑ भि॒क्षमा॑णा इन्द्र॑वायू सु॒ष्टुति॑भिर्वसि॒ष्ठाः ।  
 वा॒ज॒यन्तः॑ स्व॒वसे॑ हुवेम यू॒यं पा॑त स्व॒स्तिभिः॑ सदा॑ नः ७

(६२) द्विनवतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । (१, ३, ५)  
 प्रथमातृतीयापञ्चमीनामृचां वायुः, (२, ४) द्वितीयाचतुर्थ्योश्चेन्द्रवायू देवते ।

त्रिष्टुप् छन्दः

आ वा॑यो भूष शुचि॒पा उप॑ नः स॒हस्रं॑ ते नि॒युतो॑ वि॒श्ववा॑र ।  
 उपो॑ ते अ॒न्धो म॑द्यमया॒मि यस्य॑ देव दधि॒षे पू॒र्वपे॑यम् १  
 प्र सो॑ता जी॒रो अ॒ध्वरे॑ष्व॒स्थात् सोम॑मिन्द्रा॒य वा॒यवे॑ पिब॒ध्यै ।  
 प्र यद् वां॑ म॒ध्वो अ॒ग्रियं॑ भर॒न्त्यध्व॑र्यवो॒ देव॑यन्तः श॒चीभिः॑ २  
 प्र या॒भिर्या॑सिं दा॒श्वांस॑म॒च्छां नि॒युद्भि॑र्वा॒यवि॑ष्टयै दुरो॒णे ।  
 नि नो॑ र॒यिं सु॒भोर्ज॑सं युवस्व॒ नि वी॑रं ग॒व्यम॑श्चयं च रा॒धः ३  
 ये वा॒यव॑ इन्द्र॒माद॑नास॒ आदे॑वासो नि॒तोश॑नासो अ॒र्यः ।  
 घ्नन्तो॑ वृ॒त्राणि॑ सू॒रिभिः॑ ष्याम सा॒स॒ह्वासो॑ यु॒धा नृ॑भि॒र॒मित्रा॑न् ४  
 आ नो॑ नि॒युद्भिः॑ श॒तिनी॑भिर॒ध्वरं॑ स॒हस्रि॑णी॒भिरु॑प॒ याहि॑ य॒ज्ञम् ।  
 वा॒यो अ॒स्मिन् त्स॑र्वने मादयस्व यू॒यं पा॑त स्व॒स्तिभिः॑ सदा॑ नः ५

(६३) त्रिनवतितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । इन्द्राग्नी देवते ।

त्रिष्टुप् छन्दः

शुचिं नु स्तोमं नवजातमद्येन्द्राग्नी वृत्रहणा जुषेथाम् ।  
 उभा हि वां सुहवा जोह्वीमि ता वाजं सद्य उंशते धेष्ठा १  
 ता सानसी शवसाना हि भूतं साकंवृधा शवसा शूशवांसा ।  
 क्षयन्तौ रायो यवसस्य भूरैः पृङ्क्तं वाजस्य स्थविरस्य घृष्वैः २  
 उपौ ह यद् विदथं वाजिनो गुर्धीभिर्विप्राः प्रमतिमिच्छमानाः ।  
 अर्वन्तो न काष्ठां नक्षमाणा इन्द्राग्नी जोह्वतो नरस्ते ३  
 गीर्भिर्विप्रः प्रमतिमिच्छमान् ईद्वै रयिं यशसं पूर्वभाजम् ।  
 इन्द्राग्नी वृत्रहणा सुवज्रा प्र नो नव्येभिस्तिरतं देष्णैः ४  
 सं यन्मही मिथती स्पर्धमाने तनुरुचा शूरसाता यतैते ।  
 अदेवयुं विदथै देवयुभिः सत्रा हेतं सोमसुता जनैन ५  
 इमामु षु सोमसुतिमुप न एन्द्राग्नी सौमनसाय यातम् ।  
 नू चिद्धि परिमन्नाथे अस्मा ना वां शश्वद्विर्ववृतीय वाजैः ६  
 सो अग्र एना नमसा समिद्धो ऽच्छा मित्रं वरुणमिन्द्रं वोचेः ।  
 यत् सीमागंश्चकृमा तत् सु मृळ तदर्यमादितिः शिश्रथन्तु ७  
 एता अग्र आशुषाणास इष्टी र्युवोः सचाभ्यश्याम वाजान् ।  
 मेन्द्रौ नो विष्णुर्मरुतः परि ख्यन् यूयं पात स्वस्तिभिः सदा नः ८

(६४) चतुर्नवतितमं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्राग्नी देवते ।

(१-११) प्रथमाद्येकादशर्चा गायत्री, (१२) द्वादश्याश्चानुष्टुप् छन्दसी  
 इयं वामस्य मन्मन् इन्द्राग्नी पूर्व्यस्तुतिः । अभ्राद् वृष्टिरिवाजनि १  
 शृणुतं जरितुर्हव मिन्द्राग्नी वनंतं गिरं । ईशाना पिप्यतं धियः २  
 मा पापत्वार्य नो नरेन्द्राग्नी माभिशास्तये । मा नो रीरधतं निदे ३  
 इन्द्रे अग्रा नमो बृहत् सुवृक्तिमेरयामहे । धिया धेना अवस्यवः ४  
 ता हि शश्वन्त ईळत इत्था विप्रास ऊतयै । सबाधो वाजसातये ५  
 ता वां गीर्भिर्विपन्यवः प्रयस्वन्तो हवामहे । मेधसाता सनिष्यवः ६  
 इन्द्राग्नी अवसा गत म्स्मभ्यं चर्षणीसहा । मा नो दुःशंस ईशत ७  
 मा कस्य नो अररुषो धूर्तिः प्रणङ्गत्यस्य । इन्द्राग्नी शर्म यच्छतम् ८  
 गोमद्धिरंगयवद् वसु यद् वामश्वावदीमहे । इन्द्राग्नी तद् वनेमहि ९

यत् सोम आ सुते नरं इन्द्राग्नी अजोहवुः । सप्तीवन्ता सपर्यवः १०  
उक्थेभिर्वृत्रहन्तमा या मन्दाना चिदा गिरा । आङ्गूषैराविवांसतः ११  
ताविद् दुःशंसं मर्त्यं दुर्विद्वांसं रक्षस्विनम् ।  
आभोगं हन्मना हतमुदधिं हन्मना हतम् १२

(६५) पञ्चनवतितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । (१-२, ४-६)  
प्रथमाद्वितीययोर्ऋचोश्चतुर्थ्यादितृचस्य च सरस्वती, (३) तृतीयायाश्च सरस्वान्  
देवते । त्रिष्टुप् छन्दः

प्र क्षोदसा धार्यसा सस्र एषा सरस्वती धरुणमार्यसी पूः ।  
प्रबाबधाना रथ्यैव याति विश्वा अपो महिना सिन्धुरन्याः १  
एकाचेतत् सरस्वती नदीनां शुचिर्यती गिरिभ्य आ समुद्रात् ।  
रायश्चेतन्ती भुवनस्य भूरे घृतं पर्यो दुदुहे नाहुषाय २  
स वावृधे नर्यो योषणासु वृषा शिशुर्वृषभो यज्ञियासु ।  
स वाजिनं मघवञ्चो दधाति वि सातये तन्वं मामृजीत ३  
उत स्या नः सरस्वती जुषाणोप श्रवत् सुभगा यज्ञे अस्मिन् ।  
मितज्ञुभिर्नमस्यैरियाना राया युजा चिदुत्तरा सखिभ्यः ४  
इमा जुह्वाना युष्मदा नमोभिः प्रति स्तोमं सरस्वति जुषस्व ।  
तव शर्मन् प्रियतमे दधाना उप स्थेयाम शरणं न वृक्षम् ५  
अयमु ते सरस्वति वसिष्ठो द्वारावृतस्य सुभगे व्यावः ।  
वर्ध शुभ्रे स्तुवते रासि वाजान् यूयं पात स्वस्तिभिः सदा नः ६

(६६) षण्णवतितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । (१-३) प्रथमतृचस्य  
सरस्वती, (४-६) द्वितीयतृचस्य च सरस्वान् देवते । (१-२)  
प्रथमाद्वितीययोर्ऋचोः प्रगाथः (प्रथमाया बृहती, द्वितीयायाः सतोबृहती), (३)  
तृतीयायाः प्रस्तारपङ्क्तिः, (४-६) चतुर्थ्यादितृचस्य च गायत्री छन्दांसि  
बृहदु गायिषे वचो ऽसुर्या नदीनाम् ।  
सरस्वतीमिन्महया सुवृक्तिभिः स्तोमैर्वसिष्ठ रोदसी १  
उभे यत् तै महिना शुभ्रे अन्धसी अधिच्चियन्ति पूरवः ।

सा नो बोध्यवित्री मरुत्सखा चोद् राधो मघोनाम् २  
भद्रमिद् भद्रा कृणवत् सरस्व त्यकवारी चेतति वाजिनीवती ।  
गृणाना जमदग्निवत् स्तुवाना च वसिष्ठवत् ३  
जनीयन्तो न्वग्रवः पुत्रीयन्तः सुदानवः । सरस्वन्तं हवामहे ४  
ये ते सरस्व ऊर्मयो मधुमन्तो घृतश्रुतः । तेभिर्नोऽविता भव ५  
पीपिवांसं सरस्वतः स्तनं यो श्विदर्शतः । भक्षीमहि प्रजामिषम् ६

(६७) सप्तनवतितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्च इन्द्रः,  
(२, ४-८) द्वितीयायाश्चतुर्थ्यादिपञ्चानाञ्च बृहस्पतिः, (३, ९)  
तृतीयानवम्योरिन्द्राब्रह्मणस्पती, (१०) दशम्याश्चेन्द्राबृहस्पती देवताः ।

त्रिष्टुप् छन्दः

यज्ञे दिवो नृषदने पृथिव्या नरो यत्र देवयवो मदन्ति ।  
इन्द्राय यत्र सर्वनानि सुन्वे गमुन्मदाय प्रथमं वयश्च १  
आ दैव्या वृणीमहेऽवासि बृहस्पतिर्नो मह आ सखायः ।  
यथा भवेम मीळ्हुषे अनागा यो नो दाता परावतः पितेव २  
तमु ज्येष्ठं नमसा हविर्भिः सुशेवं ब्रह्मणस्पतिं गृणीषे ।  
इन्द्रं शलोको महि दैव्यः सिषक्तु यो ब्रह्मणो देवकृतस्य राजा ३  
स आ नो योनिं सदतु प्रेष्ठो बृहस्पतिर्विश्ववारो यो अस्ति ।  
कामो रायः सुवीर्यस्य तं दात् पर्षन्नो अति सञ्चतो अरिष्टान् ४  
तमा नो अर्कममृताय जुष्टं मिमे धासुरमृतासः पुराजाः ।  
शुचिक्रन्दं यजतं पुस्त्यानां बृहस्पतिमनुवाणं हुवेम ५  
तं शग्मासो अरुषासो अश्वा बृहस्पतिं सहवाहो वहन्ति ।  
सहश्चिद् यस्य नीलवत् सधस्थं नभो न रूपमरुषं वसानाः ६  
स हि शुचिः शतपत्रः स शुन्ध्यु हिरण्यवाशीरिषिरः स्वर्षाः ।  
बृहस्पतिः स स्वावेश ऋष्वः पुरु सखिभ्य आसुतिं करिष्ठः ७  
देवी देवस्य रोदसी जनित्री बृहस्पतिं वावृधतुर्महित्वा ।  
दक्षाय्याय दक्षता सखायः करद् ब्रह्मणे सुतरा सुगाधा ८  
इयं वा ब्रह्मणस्पते सुवृक्ति ब्रह्मेन्द्राय वज्रिणे अकारि ।  
अविष्टं धियो जिगृतं पुरंधी र्जजस्तमर्यो वनुषामरातीः ९

बृहस्पते युवमिन्द्रश्च वस्वो दिव्यस्यैशाथे उत पार्थिवस्य ।  
धत्तं रयिं स्तुवते कीरयै चिद् यूयं पात स्वस्तिभिः सदा नः १०

(६८) अष्टनवतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१-६)

प्रथमादिषडृचामिन्द्रः, (७) सप्तम्याश्चेन्द्राबृहस्पती देवते । त्रिष्टुप् छन्दः  
अध्वर्यवोऽरुणं दुग्धमंशं जुहोतन वृषभार्यं क्षितीनाम् ।  
गौराद् वेदीयां अवपानमिन्द्रो विश्वाहेद् याति सुतसौममिच्छन् १  
यद् दधिषे प्रदिवि चार्वन्नं दिवेदिवे पीतिमिदस्य वक्षि ।  
उत हृदोत मनसा जुषाण उशन्निन्द्र प्रस्थितान् पाहि सोमान् २  
जज्ञानः सोमं सहसे पपाथ प्र ते माता महिमानमुवाच ।  
एन्द्रं पप्रार्थोर्वंशन्तरिक्षं युधा देवेभ्यो वरिवश्चकथ ३  
यद् योधया महतो मन्यमानान् त्साक्षाम् तान् ब्राहुभिः शाशदानान् ।  
यद् वा नृभिर्वृत इन्द्राभियुध्यास्तं त्वयाजिं सौश्रवसं जयेम ४  
प्रेन्द्रस्य वोचं प्रथमा कृतानि प्र नूतना मघवा या चकार ।  
यदेददेवीरसहिष्ट माया अथाभवत् केवलः सोमो अस्य ५  
तवेदं विश्वमभितः पशव्यंश् यत् पश्यसि चक्षसा सूर्यस्य ।  
गवामसि गोपतिरेक इन्द्र भक्षीमहि ते प्रयतस्य वस्वः ६  
बृहस्पते युवमिन्द्रश्च वस्वो दिव्यस्यैशाथे उत पार्थिवस्य ।  
धत्तं रयिं स्तुवते कीरयै चिद् यूयं पात स्वस्तिभिः सदा नः ७

(६९) नवनवतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१-३, ७)

प्रथमादितृचस्य सप्तम्या ऋचश्च विष्णुः, (४-६) चतुर्थ्यादितृचस्य चेन्द्राविष्णु देवते  
। त्रिष्टुप् छन्दः

परो मात्रया तन्वा वृधान् न ते महित्वमन्वश्नुवन्ति ।  
उभे ते विद्म रजसी पृथिव्या विष्णो देव त्वं परमस्य वित्से १  
न ते विष्णो जायमानो न जातो देव महिम्नः परमन्तमाप ।  
उदस्तभ्ना नाकमृष्वं बृहन्तं दाधर्थं प्राचीं ककुभं पृथिव्याः २  
इरावती धेनुमती हि भूतं सूयवसिनी मनुषे दशस्या ।



व्यस्तभ्ना रोदसी विष्णवेते दाधर्थ पृथिवीमभितो मयूखैः ३  
 उरुं यज्ञाय चक्रथुरु लोकं जनयन्ता सूर्यमुषासमग्निम् ।  
 दासस्य चिद् वृषशिप्रस्य माया जघ्नथुर्नरा पृतनाज्येषु ४  
 इन्द्राविष्णू दृहिताः शम्बरस्य नव पुरो नवतिं च शनथिष्टम् ।  
 शतं वर्चिनः सहस्रं च साकं हथो अप्रत्यसुरस्य वीरान् ५  
 इयं मनीषा बृहती बृहन्तो रुक्रमा तवसा वर्धयन्ती ।  
 रे वां स्तोमं विदर्थेषु विष्णो पिन्वतमिषो वृजनैष्विन्द्र ६  
 वर्षट्ते विष्णावास आ कृणोमि तन्मै जुषस्व शिपिविष्ट हव्यम् ।  
 वर्धन्तु त्वा सुष्टुतयो गिरौ मे यूयं पात स्वस्तिभिः सदा नः ७

(१००) शततमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । विष्णुर्देवता ।

त्रिष्टुप् छन्दः

नू मतो दयते सनिष्यन् यो विष्णाव उरुगायाय दाशत् ।  
 प्र यः सत्राचा मनसा यजात एतावन्तं नर्यमाविवासात् १  
 त्वं विष्णो सुमतिं विश्वजन्या मप्रयुतामेवयावो मतिं दाः ।  
 पर्चो यथा नः सुवितस्य भूरे रश्वावतः पुरुश्चन्द्रस्य रायः २  
 त्रिदेवः पृथिवीमेष एतां वि चक्रमे शतर्चसं महित्वा ।  
 प्र विष्णुरस्तु तवसस्तवीयान्त्वेषं ह्यस्य स्थविरस्य नाम ३  
 वि चक्रमे पृथिवीमेष एतां क्षेत्राय विष्णुर्मनुषे दशस्यन् ।  
 ध्रुवासौ अस्य कीरयो जनास उरुद्धितिं सुजनिमा चकार ४  
 प्र तत् तै अद्य शिपिविष्ट नामाऽर्यः शंसामि वयुनानि विद्वान् ।  
 तं त्वा गृणामि तवसमतव्यान् क्षयन्त मस्य रजसः पराके ५  
 किमित् तै विष्णो परिचक्ष्य भूत् प्र यद् ववक्षे शिपिविष्टो अस्मि ।  
 मा वर्षो अस्मदप गूह एतद् यदन्यरूपः समिथे बभूथ ६  
 वर्षट् ते विष्णावास आ कृणोमि तन्मै जुषस्व शिपिविष्ट हव्यम् ।  
 वर्धन्तु त्वा सुष्टुतयो गिरौ मे यूयं पात स्वस्तिभिः सदा नः ७

सप्तमोऽध्यायः । व० १-३३

(१०१) एकोत्तरशततमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ आग्नेयः कुमारो वा ऋषिः ।

पर्जन्यो देवता । त्रिष्टुप् छन्दः

तिस्त्रो वाचः प्र वद ज्योतिरग्रा या एतद् दुहे मधुदोषमूर्धः ।  
स वत्सं कृणवन् गर्भमोषधीनां सद्यो जातो वृषभो रौरवीति १  
यो वर्धन ओषधीनां यो अपां यो विश्वस्य जगतो देव ईशे ।  
स त्रिधातु शरणं शर्म यंसत् त्रिवर्तु ज्योतिः स्वभिष्टयश्स्मे २  
स्तरीरु त्वद् भवति सूत उ त्वद् यथावशं तन्व चक्र एषः ।  
पितुः पयः प्रति गृभ्णाति माता तेन पिता वर्धते तेन पुत्रः ३  
यस्मिन् विश्वानि भुवनानि तस्थु स्तिस्त्रो द्यावस्त्रेधा ससुरापः ।  
त्रयः कोशास उपसेचनासो मध्वः श्रोतन्त्यभितौ विरप्शम् ४  
इदं वचः पर्जन्याय स्वराजै हदो अस्त्वन्तरं तज्जुजोषत् ।  
मयोभुवो वृष्टयः सन्त्वस्मे सुपिप्पला ओषधीर्देवगोपाः ५  
स रैतोधा वृषभः शश्वतीनां तस्मिन्नात्मा जगतस्तस्थुषश्च ।  
तन्म ऋतं पातु शतशारदाय यूयं पात स्वस्तिभिः सदा नः ६

(१०२) द्व्युत्तरशततमं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ आग्नेयः कुमारो वा ऋषिः । पर्जन्यो देवता । गायत्री छन्दः

पर्जन्याय प्र गायत दिवस्पुत्राय मीळहुषे । स नो यवसमिच्छतु १  
यो गर्भमोषधीनां गवां कृणोत्यर्वताम् । पर्जन्यः पुरुषीणाम् २  
तस्मा इदास्यै हविर्जुहोता मधुमत्तमम् । इळा नः संयतं करत् ३

(१०३) त्र्युत्तरशततमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । मण्डूका देवताः ।

(१) प्रथमर्चोऽनुष्टुप्, (२-१०) द्वितीयादिनवानाञ्च त्रिष्टुप् छन्दसी  
संवत्सरं शशयाना ब्राह्मणा व्रतचारिणः ।  
वाचं पर्जन्यजिन्वितां प्र मण्डूकां अवादिषुः १  
दिव्या आपो अभि यदेनमायन् दृतिं न शुष्कं सरसी शयानम् ।  
गवामह न मायुर्वत्सिनीनां मण्डूकानां वग्मुरत्रा समैति २  
यदीमेनां उशतो अभ्यवर्षीत् तृष्यावतः प्रावृष्यागतायाम् ।

अक्वलीकृत्यां पितरं न पुत्रो अन्यो अन्यमुप वदन्तमेति ३  
 अन्यो अन्यमनु गृभ्णात्येनो रपां प्रसर्गे यदमन्दिषाताम् ।  
 मण्डूको यदभिवृष्टः कनिष्कन् पृश्निः संपृङ्क्ते हरितेन वाचम् ४  
 यदेषामन्यो अन्यस्य वाचं शाक्तस्यैव वदति शिक्नमाणः ।  
 सर्वं तदेषां समृधेव पर्व यत् सुवाचो वदथनाध्यप्सु ५  
 गोमायुरेको अजमायुरेकः पृश्निरेको हरित् एक एषाम् ।  
 समानं नाम बिभ्रतो विरूपाः पुरुत्रा वाचं पिपिशर्वदन्तः ६  
 ब्राह्मणासौ अतिरात्रे न सोमे सरो न पूर्णमभितो वदन्तः ।  
 संवत्सरस्य तदहः परि ष्ट यन्मण्डूकाः प्रावृषीणं बभूव ७  
 ब्राह्मणासः सोमिनो वाचमक्रतु ब्रह्म कृणवन्तः परिवत्सरीणम् ।  
 अध्वर्यवो घर्मिणः सिष्विदाना आविर्भवन्ति गुह्या न के चित् ८  
 देवहितं जुगुपुर्द्वादशस्य ऋतुं नरो न प्र मिनन्त्येते ।  
 संवत्सरे प्रावृष्यागतायां तप्ता घर्मा अश्नुवते विसर्गम् ९  
 गोमायुरदाजमायुरदात् पृश्निरदाद्धरितो नो वसूनि ।  
 गवां मण्डूका ददतः शतानि सहस्रसावे प्र तिरन्त आयुः १०

(१०४) चतुरुत्तरशततमं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-७, १५,  
२४-२५) प्रथमादिसप्तर्चा पञ्चदश्याश्चतुर्विंशीपञ्चविंशोश्चेन्द्रासोमौ, (८, १६, १६-  
२२) अष्टमीषोडशयोरेकोनविंश्यादिचतसृणाञ्चेन्द्रः, (९, १२-१३)

नवमीद्वादशीत्रयोदशीनां सोमः, (१०, १४) दशमीचतुर्दशयोरग्निः, (११)  
एकादश्या देवाः, (१७) सप्तदश्या ग्रावाणः, (१८) अष्टादश्या मरुतः, (२३)  
त्रयोविंश्याश्च पूर्वार्धस्य वसिष्ठाशीरुत्तरार्धस्य च पृथिव्यन्तरिक्षे देवताः । (१-६,  
१८, २१, २३) प्रथमादिषड्चामष्टादश्येकविंशीत्रयोविंशीनाञ्च जगती, (७)

सप्तम्या जगती त्रिष्टुब्वा, (८-१७, १६-२०, २२, २४)

अष्टम्यादिदशानामेकोनविंशीविंशीद्वाविंशीचतुर्विंशीनाञ्च त्रिष्टुप्, (२५)

पञ्चविंश्याश्चानुष्टुप् छन्दांसि

इन्द्रासोमा तपंतं रक्षं उब्जतं न्यर्पयतं वृषणा तमोवृधः ।

परां शृणीतमचितो न्यौषतं हुतं नुदेथां नि शिशीतमत्रिणः १

इन्द्रासोमा समघशंसमभ्यशंघं तपुर्पयस्तु चरुरग्निवाँ इव ।

ब्रह्मद्विषे क्रव्यादे घोरचक्षसे द्वेषौ धत्तमनवायं किमीदिनै २

इन्द्रासोमा दुष्कृतौ ववे अन्त रनारम्भणे तमसि प्र विध्यतम् ।  
 यथा नातुः पुनरेकश्चनोदयत् तद् वामस्तु सहसे मन्युमच्छवः ३  
 इन्द्रासोमा वर्तयतं दिवो वधं सं पृथिव्या अघशसाय तर्हणम् ।  
 उत् तक्षतं स्वर्यरूपवतेभ्यो येन रक्षो वावृधानं निजूर्वथः ४  
 इन्द्रासोमा वर्तयतं दिवस्पर्य ग्निप्रेभिर्युवमश्महन्मभिः ।  
 तपुर्वधेभिरजरैभिरत्रिणो नि पशानि विध्यतं यन्तु निस्वरम् ५  
 इन्द्रासोमा परि वां भूतु विश्वत इयं मतिः कक्षयाश्चैव वाजिना ।  
 यां वां होत्रां परिहिनोमि मेधये मा ब्रह्माणि नृपतीव जिन्वतम् ६  
 प्रति स्मरेथां तुजयद्भिरेवै हतं द्रुहो रक्षसो भङ्गुरावतः ।  
 इन्द्रासोमा दुष्कृते मा सुगं भूद् यो नः कदा चिदभिदासति द्रुहा ७  
 यो मा पाकेन मनसा चरन्त मभिचष्टे अनृतेभिर्वचौभिः ।  
 आप इव काशिना संगृभीता असन्नस्त्वासत इन्द्र वक्ता ८  
 ये पाकशंसं विहरन्त एवै र्ये वा भद्रं दूषयन्ति स्वधाभिः ।  
 अहये वा तान् प्रददातु सोम आ वा दधातु निर्ऋतेरुपस्थे ९  
 यो नो रसं दिप्सति पित्वो अग्ने यो अश्वाणां यो गवां यस्तनूनाम् ।  
 रिपुः स्तेनः स्तैयकृद् दभ्रमेतु नि ष हीयतां तन्वाइ तनां च १०  
 परः सो अस्तु तन्वाइ तनां च तिस्रः पृथिवीरधो अस्तु विश्वाः ।  
 प्रति शुष्यतु यशो अस्य देवा यो नो दिवा दिप्सति यश्च नक्तम् ११  
 सुविज्ञानं चिकितुषे जनाय सद्यासञ्च वचसी पस्पृधाते ।  
 तयोर्यत् सत्यं यतरदृजीय स्तदित् सोमोऽवति हन्त्यासत् १२  
 न वा उ सोमो वृजिनं हिनोति न क्षत्रियं मिथुया धारयन्तम् ।  
 हन्ति रक्षो हन्त्यासद् वदन्त मुभाविन्द्रस्य प्रसितौ शयाते १३  
 यदि वाहमनृतदेव आस मोघं वा देवां अप्यूहे अग्ने ।  
 किमुस्मभ्यं जातवेदो हृणीषे द्रोघुवाचस्ते निर्ऋथं सचन्ताम् १४  
 अद्या मुरीय यदि यातुधानो अस्मि यदि वार्युस्ततप पूरुषस्य ।  
 अधा स वीरैर्दशभिर्वि यूया यो मा मोघं यातुधानेत्याह १५  
 यो मायातुं यातुधानेत्याह यो वा रक्षाः शुचिरस्मीत्याह ।  
 इन्द्रस्तं हन्तु महता वधेन विश्वस्य जन्तोर्धमस्पदीष्ट १६  
 प्र या जिगाति खर्गलैव नक्त मप द्रुहा तन्वंशं गूहमाना ।  
 ववां अनन्तां अव सा पदीष्ट ग्रावाणो घन्तु रक्षसं उपुब्दैः १७

वि तिष्ठध्वं मरुतो विद्विश्छतं गृभायतं रक्षसः सं पिनष्टन ।  
 वयो ये भूत्वी पतर्यन्ति नक्तभिर्ये वा रिपो दधिरे देवे अर्ध्वरे १८  
 प्र वर्तय दिवो अश्मानमिन्द्र सोमशितं मघवन् त्सं शिशाधि ।  
 प्राक्तादपाक्तादधरादुदक्ता दुभिर्जहि रक्षसः पर्वतेन १९  
 एत उ त्पेतयन्ति श्वयातव इन्द्रं दिप्सन्ति दिप्सवोऽदाभ्यम् ।  
 शिशीते शक्रः पिशुनेभ्यो वृधं नूनं सृजदशनिं यातुमद्भ्यः २०  
 इन्द्रो यातूनामभवत् पराशरो हविर्मथीनामभ्याश्चिवांसताम् ।  
 अभीदु शक्रः परशुर्यथा वनं पात्रैव भिन्दन् त्सत एति रक्षसः २१  
 उलूकयातुं शुशूलूकयातुं जहि श्वयातुमुत कोकयातुम् ।  
 सुपर्णयातुमुत गृध्रयातुं दृषदैव प्र मृण रक्ष इन्द्र २२  
 मा नो रक्षो अभि नड्यातुमावता मपौच्छतु मिथुना या किमीदिना ।  
 पृथिवी नः पार्थिवात् पात्वंहसो ऽन्तरिक्षं दिव्यात् पात्वस्मान् २३  
 इन्द्रं जहि पुमांसं यातुधानं मुत स्त्रियं मायया शाशदानाम् ।  
 विग्रीवासो मूरदेवा ऋदन्तु मा ते दृशन् त्सूर्यमुच्चरन्तम् २४  
 प्रति चक्ष्व वि चक्ष्वे न्द्रश्च सोम जागृतम् ।  
 रक्षोभ्यो वृधमस्यत मशनिं यातुमद्भ्यः २५

इति सप्तमं मण्डलं समाप्तम्  
 मन्त्रसङ्ख्या  
 षष्ठमण्डलस्यान्तपर्यन्तं ५१३३  
 सप्तममण्डलस्य ८४१  
 सर्वयोगः १५९७४